

E lab júu[^] quiá[']- Dsea` Jmáang⁻ e cajme['] MARCOS

Mi[~] cajá⁻ Juan i seáang` dsea` jmi[~]

(Mt. 3:1-12; Lc. 3:1-9, 15-17; Jn. 1 :19-28)

¹ Lalab mi[~] canaang` cani[']- juguiú⁻ quiá[']- Dsea` Jmáang⁻ i líng' JÓÓ camíng['] quiá[']- Fidiée[~] dsea` guing[~] ñíí⁻.

² Jo lajii['] malí[']gui eáang' jaang` dsea` i café['] cuaiñ[~] quiá[']- Fidiée[~] i calisí Saí[^] catéer['] fí['] ni[~] jì['] quiá[']- lala:

Lalab fé['] Fidiée[~] e casí[']- Dsea` Jmáang⁻:

Nisí[~]n jaang` dsea` i niguiá⁻ júu[^] quié⁻ e nú[']-gui e níguo[^] fí['] jmi[~]gü[^]

e laco['] niguiar' guiú⁻ fí['] lí[~] ningí['].

³ Jo fí['] jee[~] uó[^] quiú[^] do guicanú['] cō['] luu[~] dsea` e fé['] teá['] lala:

“Jmeáang['] na['] guiú⁻ fí['], cō['] tí['] lí[~] nijáab['] Fí[']naa['];

jogui nea[~]na['] condsee['], cō['] 'né⁻ e nilirøøb['] fí['].”

Jo jalé['] e jo cajíng[']- Saí[^] fí['] ni[~] jì['] quiá[']- Fidiée[~].

⁴ Jo lajob líí['] mi[~] cajá⁻ jaang` dsea` i sii['] Juan e fí['] jee[~] uó[^] quiú[^] do; jo ie[~] jo, i Juan do caseáaiñ[~] jmi[~] jaléng['] dsea`, jo sí[']reiñ['] e 'né⁻ qui[']- jíng['] yaaiñ[~] do fí['] quini[~] Fidiée[~] jogui e nisáíñ['] do jmi[~], jo lajoba['] cuøøng['] e íing['] Fidiée[~] lajalé['] dsee⁻ quiáíñ[']. ⁵ Jo fíím['] dsea` dsilííñ⁻ e dsinúur⁻ júu[^] e guiá['] i Juan do; dsilíng⁻ jaléng['] dsea` i seeng['] fí['] Jerusalén jogui jaléng['] i seeng['] fí['] fí['] jíé['] lí[~] se['] Judea e laco['] jmóoiñ['] do júu[^] lajii[']- dsee⁻ e nica[']éer[']. Jo mi[~] ningí['] jo, i Juan do seáang[']neiñ['] jmi[~] fí['] dsíí['] gua['] Jordán.

⁶ Jo i Juan do qui[']-r 'mi['] e líí['] cō[']- jñú[^] loo[~] jó['] camello jogui 'núú['] tu[']-r cō[']- cō['] lo'ñtu['] e líí['] cō[']- loo[~] jó['],

jogui jmitaang~ 'ñia'r' cóo'~ jaléng' sini' i cóong'~, jogui i'r' jalé' jmi'^ ta' e dsé'r' fí' jee~ mó'. ⁷ Jo lalab líí' e júu^ e guiar' jee~ jaléng' dsea` i dsilíng~ dsinúu~ júu^ quiá'r~ do:

—Mi~ nisóong~ jnea~, nijáa' jaang` i 'gøng'gui laco' jnea~; joba' jnea~ quini` i dsea` i ja` e quín` n e co' tuun~ n e síí' i 'nií' ní' 'ñúu' lomíir~. ⁸ Co' jnea~ nicaseán~ n jaléng' 'nú' jmií' cóo'~ layaang~ jmií' e laco' cuo' li~ e nicaquí'~ jíng' yaang~ na' fí' quini` Fidiée~; dsu' ír' mi~ nigüeeiñ~, niseáiñ~ 'nú' jmií' cóo'~ Jmiguí' quiá'~ Fidiée~ e laco' cuo' li~ e nicangíng' na' Jmiguí' quiá'~ dsea` do.

Mi~ cajgáang~ Jesús jmií`

(Mt. 3:13-17; Lc. 3:21-22)

⁹ Jo ie~ jo cagüi'íí' Jesús fí' Nazaret e née' fí' lí~ se' Galilea, jo cangór~ e fí' gua` Jordán e née' fí' lí~ se' Judea; jo fí' dsíí' gua` job caseáang` i Juan do jmií' ír'. ¹⁰ Jo dsifí' mi~ cagüi'íí' Jesús fí' dsíí' jmií', cangár~ e cana' catea' fí' yá'^ jmiigüí'; jo lajee' jo cajgó' Jmiguí' quiá'~ Fidiée' fí' yá'^ moguir~ e líing~ jaang` mee~. ¹¹ Jo guicaná' coo' luu~ e jáa' fí' yá'^ jmiigüí' e guicajíng'~ lala:

—'Nub` Jóo`o i 'neáan`n eáang'; jo eáam' íaang` dsii' cóo'~ 'nu'.

Mi~ cangó' Jesús fí' jee~ uó^ quiú`

(Mt. 4:1-11; Lc. 4:1-13)

¹² Jo dsifí' mi~ cangí' jo, cajmée` Jmiguí' quiá'~ Fidiée' e cangó' Jesús fí' jee~ uó^ quiú'. ¹³ Jo fí' job cajer' lajee' tuló' jmií' fí' lí~ ngí' jaléng' jón' nuu'; jo lajee' jo lami~ iing~ i fii' i 'líng' i sii' Satanás e niténg' Jesús fí' ni~ dsee~, dsu' ja` calí'r~ fa' cajméer' lajo. Jo mi~ cangí' job mi~ caguilíng~ jaléng' ángeles i líng' guotií' Fidiée' i cangoto' fíng' dsea` do.

Mi~ canaang` Jesús jmóor` ta~ quiá'r- fí lí~ se` Galilea
(Mt. 4:12-17; Lc. 4:14-15)

14 Jò mi~ cangf`gui lajò, mi~ nicanang` dsea` Juan i seáang` dsea` jmií` fí` dsíí` 'nũñí`, joba' cangáng`-tu Jesús fí` lí~ se` Galilea e cangoguiar` júu` quiá'- Fidiéé` fí` jò, 15 jò lalab fé'r`:

—Lanab catf` í` e nijaquíéeng` e nicá` Fidiéé` nifí` quiá'- lajaang` lajaang` dsea` jmigüí`. Jò nab tíí`gui e quí`- jíng` yaang`-na' fí` quini` Fidiéé` jogui íing`-na' e ngocáng` óo`na' júu` quiá'r`.

Mi~ cató`- Jesús quiúung` dsea` i jmóo` ta~ sáang` 'ñũ`
(Mt. 4:18-22; Lc. 5:1-11)

16 Jò mi~ cangf` lajò, cangó`- Jesús fí` lí~ néé` còo` guiéé` e sii` Galilea. Jò mi~ caguiér` fí` jò, lajee` e ngir` fí` lí`- lí` 'ni` e guiéé` do, joba' cangáin`- jaang` dseañũ` i sii` Tú` Simón còo`-gui jaang` rúin` do i sii` Df`. Jò dob táain` do lajì huáain` e jmóor` ta` bí` 'máa' fí` é` guiéé` e quiá'- e sáin` 'ñũ`. 17 Joba' casí`- Jesús i dsea` do lala:

—'Nú` ñilíng`-na' còo`- jnea~, jò latí` lana nicuóø-ø 'nú` ta` e guiá`na' júu` quiá'- Fidiéé` fí` jee` dsea` jmigüí`, jò líb`jiu e ta` jò la lí` ta` sáang` 'ñũ`.

18 Jò dsifí` mi~ canúu` i dsea` gáng`- do e júu` e cajíng`- Jesús do, ladsifí` lanab catúr` e 'máa' quiá'r` do jò cangolíim`bre còo`- dsea` do.

19 Jò ja` huíi`- mí` ngolíim`-bir mi~ cangáng`- Jesús jaang` dseañũ` i sii` Tiáa` còo`-gui jaang` rúin` do i sii` Juan, jò lajì huáain` do líin` jòo` jaang` dseañũ` i sii` Zebedeo, jò teáain` do fí` còo` dsíí` móo` e niguiar` guíú`- 'máa' quiá'r` e quiá'- nisáin` 'ñũ`. 20 Jò dsifíb` cató`- Jesús i dsea` do e cangolíin` do còo`-r~, jò ladsifí` lanab cangolíng` i dsea` do còo`- Jesús; jò dob caseáain` do tiquiá'r` fí` dsíí` e móo` do colíng`- còo`- jaléng` i dsea` i jmicòo`-gui quiá'r`.

Jaang`dseañu` i iuung` i `ling`^ dsíi`

(Lc. 4:31-37)

²¹ Jo mi~ cangf̂ jo, cangoliñ- fí coo` fii` li~ sii` Capernaum. Jo fí jo mi~ catf̂ e jmiñ e jmi`ing` dsea` Israel, jo Jesús ca`ir- fí dsíi` guá-` quíá-` i dsea` góor` do, jo canaañ` e`r` jaléng` dsea` i teáang` do ie~ jo. ²² Jo dsíng`- dsí`gó` dsíi` jaléng` i dsea` do dsu` e núur` jalé` e júu` e guíá` Jesús do, co` er` laco` jaang` dsea` i quíe` nifí` e ja` 'gó`r, jo ja` er` laco` e` jaléng` tifa` i e` jalé` júu` quíu` ta` quíá-` dsea` Israel. ²³ Jo ie~ jo e fí dsíi` guá-` dob ni`iuung` jaang` dseañu` i ni`iuung` i `ling`^ dsíi`. Joba` mi~ tí li~ cangáng` i dsea` do Jesús, dsifí` ladob i `ling`^ do cajméer` e ca`óo` i dseañu` do jo cajñ- do lala:

²⁴ —¿Jialí` ñijmiguín`^ jnea`, Jesús, dsea` seen` fí Nazaret? ¿Su cañi-` e ni`iin-` jnea`? Cufim`baa` 'nu, joba` ne`naa` e lin` dsea` güeang`^ quíá-` Fidiée` dsea` guíng` ñifí-`.

²⁵ Joba` mi~ canúu-` Jesús lajo, dsifí` lanab cajíñ- i `ling`^ i ni`iuung` dsíi` i dseañu` do jo cajñ- casí-` reiñ` lala:

—¿Catii-` î moni`^, jo tiúung` i dseañu` la!

²⁶ Jo dsifí` lajob cajméé` i `ling`^ do e cadseá-` joñing` i dseañu` do, jo teáb` ca`óoiñ` do mi~ cagüi`íi` i `ling`^ i ni`iuung` dsíi` do. ²⁷ Jo jaléng` dsea` i cangá-` e jo ie~ jo, eáam` cafóñ` jo canaañ` jmingí-` rúñ-`:

—¿I-` i dsea` na? ¿Co` fé`r` júu` e ja` mí` ne`naa` jogui` ja` 'gó`r` fé`r` lí`^ laco` jaang` dsea` i quíe` nifí, jo la quíe`gui` jaléng` i `ling`^ i teáang` dsíi` dsea` núur` júu` quíá-` dsea` na!

²⁸ Jo mi~ cangf̂ jo, eáam` cani-` júu` quíá-` Jesús cóo-` jalé` e guíu-` e jmóor` do fí latøng` li~ se` Galilea.

Mi~ cajmi`leáang` Jesús iemisé` Tú` Simón

(Mt. 8:14-15; Lc. 4:38-39)

²⁹ Jo mi~ tí lí~ ca'uøøiñ~ e fí' dsíí' guá'~ e si' fí' Caper-naum do, dsifí' lajob cangó~ Jesús cóo'~ Tiáa~ cóo'~gui Juan fí' quiá'~ Tú^ Simón cóo'~gui Dfí'. ³⁰ Jo mi~ caguiliñ~ fí' quiáiñ'~ do, dob ráang` iemisé^ Tú^ Simón e iu~ guíim^bre, jo casí'~ i dsea` do Jesús e~ calí' cóo'~ i dseamí do. ³¹ Joba' Jesús cangoquieeiñ' fí' quiá'~ lí~ ráang` i dsea` dsée'~ do, jo catíiñ~ guóoiñ' do jo caseáang`neiñ'; jo mifíing` caráam~biñ' do, jo ladsifí' lanab caguá~ e iu~ guíiñ^ jo canaaíñ' do guiar' guiá~ e quiá'~ nihéiñ' Jesús cóo'~gui i dsea` i ngí' cóo'~ dsea` do.

Mí~ cajmi'leáang~ Jesús i fíing' dsea` dsée'~
(Mt. 8:16-17; Lc. 4:40-41)

³² Jo mi~ canuu` e jmiñ~ jo e lico' nicadseá~ ié, cango-jéeng` dsea` i fíing' dsea` dsée'~ i seeng` quiá'r~ fí' quini~ Jesús, jo do quiéeng` jaléng` dsea` i teáang'~ i 'líng'^ dsíí'. ³³ Jo dseáng'~ latøøng~ fiib` caseáng' e o'nú^ lí~ iuung~ Jesús ie~ jo. ³⁴ Jo fíim' dsea` cajmi'leáang~ Jesús ie~ jo lí^ doñí' ee' jmohuí' e líng' dsea`, jogui fíim'bi jaléng' dsea` i niteáang'~ i 'líng'^ dsíí' cajmi'leáam~ Jesús cajo; dsu' ja` cacuø'r' fí' i 'líng'^ do fa' e niféiñ' do e nijmér~ júu^ i~ i dsea` do, co' ñib' i 'líng'^ do guiá~ i~ líng' dsea` do.

Mí~ caguaí' Jesús júu^ quiá'~ Fidiée~ fí' lí~ se' Galilea
(Lc. 4:42-44)

³⁵ Jo nú'~gui e ngóo' nijneá e uøø` jo, caróob~ Jesús jo cagüi'íbre e fiñ` jo, jo cangór~ cangoféeiñ' Tiquiá'r^ Fidiée~ fí' cóo' lí~ ja' 'ga' lí' dsilíng~ dsea`. ³⁶ Jo Tú^ Simón cóliing~ cóo'~ jaléng' dsea` i la'ó' ngí' cóo'~ Jesús cangolíiñ^ cango'néem'bre dsea` do, ³⁷ jo mi~ cadséiñ' dsea` do jo casí'r~:

—Fíi'naa', lajñm` dsea` ngír' 'náiñ' 'nu` lana.

³⁸ Dsu' Jesús cañíir` quiá'~ i dsea` do jo casí'~reiñ' lala:

—Má⁻aa' fí jalé' fí e nées' fí quiá'⁻gui la, jò fí job nidsiguiá[^]naa' júu[^] quiá'⁻ Fidiée', dsuco' ta[~] joba' e cagá⁻jnea[~] fí jmigüí la.

³⁹Jò lacaam[^] lí[~] se' Galilea ngí Jesús e guiar' júu[^] quiá'⁻ Fidiée' lí[^] lacaang[^] lí[~] té⁻ guá'⁻ quiá'⁻ dsea[^] góor[^] dsea[^] Israel, jogui jmóo[^] bir e túu⁻ jaléng[^] i líng[^] i teáng[^] dsíí dsea[^].

Mí[~] cajmi[^]leáng⁻ Jesús jaang[^] dsea[^] i líng[^] jmohuí[^] lí[^]

(Mt. 8:1-4; Lc. 5:12-16)

⁴⁰Jò lajee' e ngí Jesús fí lí[~] se' Galilea, cangoquiéeng' jaang[^] dseañu[^] fí lí[~] ngóor[^] i nilíng[^] jmohuí[^] lí[^] fí ngúú[^] táaiñ'. Jò mí[~] caguiér⁻ quiá'⁻ lí[~] ngóo' Jesús, joba' casí[^] uó⁻ jnir[~] jò casí[^]r⁻ dsea[^] do lala:

—Fíi[^], cuóom[^] lí[^] jmi[^]leaan[^] jnea[~] lajii[^] jmohuí[^] e lín[^] n song iin[^] lajò.

⁴¹Jò Jesús calí⁻ fí[^] lí[~] lím⁻bre i dseañu[^] do, joba' cagüiñ[^] dsea[^] do jò cajíñ[^]:

—Iim[~]baa jmi[^]leaan[^] n 'nu'. jò lana ca[^]láam⁻ba' lajii[^] jmohuí[^] e lín[^]!

⁴²Jò dsifí[^] lajob ca[^]láang⁻ i dseañu[^] do, jò jo[^] e líiñ[^] jíi[^] coo[^] jóng. ⁴³Jò mí[~] cangí[^] jò, ca[^]lib⁻ Jesús júu[^] i dseañu[^] do e nidséiñ[^], jò eám[^] ca[^]fir⁻ 'goo[^] quiáíñ[^] do jò lalab casí[^]r⁻:

⁴⁴—Fíi[^] i 'nu' e jíi[^] jaang[^] dsea[^] ja[^] ii[^] nifí[^] lajalé[^] e calí⁻ na; lico[^] güjjeaang[~] uó[^] fí quini[^] jmidsea[^] lí[^] laco[^] títng[^] dsea[^] góo[^]oo[^] dsea[^] Israel, jogui líng[~] ee[^] nigüicá[^] quiá'⁻ e ca[^]láam⁻ba' lí[^] laco[^]gui ta[~] caquiú[^] Moí[~] malí[~]gui eáang[^], jò lajoba' nilíñí[^] dsea[^] e nica[^]láam⁻ba' lajii[^] jmohuí[^] e lamí[~] lín[^]!

⁴⁵Jò cangám⁻ i dseañu[^] do, dsu[^] cajmea[^]bre júu[^] lajím[^] dsea[^] lajii[^] e calí⁻ do. Joba' Jesús jo[^] lí[^]r[^] fa[^] ngí⁻guir dseáng[^] fí lí[~] teáng[^] dsea[^] eáang[^], jò fí caluub[^] fí jíi[^]

ja'guir fí lí~ ja' iì 'ga' lí dsea`jòø- quiá'r-; dsu' car`jii'~ jò dseáng'~ dsilím- bi dsea` i 'nó' quiá'r-.

2

Mí~ cajmi'leáng- Jesús jaang` dseañu' i caang~ tii-
(Mt. 9:1-8; Lc. 5:17-26)

¹ Jò mi~ canggui tú- 'ní jmi~ lajò, cangám'-tu Jesús fí Capernaum. Jò mi~ caliñí jaléng' dsea` e liing~ jie' fí lí~ nitáang` dsea` do, ² jòba' ladsifí lanab caseáng' fíng' dsea` e fí 'núu' lí~ iuung- Jesús e guiar` júu^ quiá'- Fidiéé~, jò jii'~ jò íng-gui dsea` fí o'nú^ quiá'- e 'núu' do, cò' i 'leáam- dsea` teáng'~ e fí dsíi' jò. ³ Jò lajee~ jò caguilíng- quiúung- dseañu' i dsíng` jaang`gui dseañu' i caang~ tii-. ⁴ Jò dsuco' eám' fíng' dsea` i teáng'~ do ie~ jò, jòba' ja` cuøng` fa' e nidsijeeiñ` i dsea` dsée'~ do catí quini~ Jesús. Jòba' caneáar' capi'^ fí yá'^ 'núu' dseáng'- e lí~ iuung- Jesús cóo'~ jaléng' i dsea` do, jò fí jòb cajgiéer- e 'ma' lí~ dsíng` i dsea` dsée'~ do cartí quini~ laco' sing' Jesús. ⁵ Jò dsifí mi~ calilí^ Jesús jial dseáng'- já'- líng` jaléng' i dsea` do júu^ quiá'r-, jòba' cajíñ'- casí'r- i dsea` dsée'~ do lala:
—Jóòò, nica'ím- baa dsee- quií'-.

⁶ Jò mi~ cajíng'- Jesús lajò, jòba' i liing~ tifa' quiá'- júu^ quiu' ta~ quiá'- dsea` Israel i teáng- do ie~ jò canaañ` í dsíir': ⁷ “¿Jial teá dsíi' i dseañu' na e fé'r' lana? Cò' jalé' e fé'r' na, júu^ gab` lí' fí quini~ Fidiéé~, dsuco' dseáng'- lajii' Fidiéé'bing' cuøng` lí' íng- dsee- quiá'- dsea'.” ⁸ Jò dsu' dsifí lajòb calilí^ Jesús lajii'~ e í dsíi' i dsea` do, jòba' casí' reiñ' do lala:

—¿Jialí' í áa' 'nú' lana? ⁹ ¿E~ e líng- 'nú' e ja'gui huíng' nifíi- i i dsea` caang~ tii- na? ¿Su nifíi'ire: “Nica'ím- baa dsee- quií'-”, osi nifíi'ire é: “Ráan'- jò ngi~, jò quieé` uø' e 'ma' lí~ dsín'^ na”? ¹⁰ Jò dsu' lana jnea~ ní'ée' e

'nú' e jneab~ cagá~ a fí' ñiff~ e lín'n jaang` dsea` jmiüü e oo~baa ta` fí' jmiüü la e ni'in~n dsee~ quiá'~ dsea`.

Jō mi~ cangf̄ e cajñ'~ lajō, jōba' casí'r~ i dsea` caang~ tii~ do lala:

¹¹ —Jnea~ fñi~ i 'nu~, ráan'~ jō quiéé` e 'ma` lí~ dsíin'~ na jō guóng' fí' quií'~.

¹² Jōba' dsifí' ladob caráang~ i dsea` caang~ tii~ do, jō cacór~ e 'ma` lí~ lami~ dsíin'^ do la nî jaléng' i dsea` i teáng~ do ie~ jō. Jō mi~ cangá~ jaléng' i dsea` do lajii'~ e calí~ do, jōba' lajiiim~bre cango'gó` dsíir' jō canaañ` jmiféiñ' Fidiéé` jō fé'r':

—Dseáng'~ jii'~ cōō` ya' ja` mí' cane`naa' lajii'~ e nicalf~ jmiñ~ na.

Mí~ cató'~ Jesús jaang` dseañu' i sii` Leví

(Mt. 9:9-13; Lc. 5:27-32)

¹³ Jō mi~ cangf̄ lajō, cangób~ tu Jesús fí' 'ni'` guiéé` e néé' fí' Galilea do. Jō lajee` táain` fí' jō, dseáng'~ eám` dsilíng~ dsea`, jōba' e'bre jaléng' dsea` i guilíng~ do júu^ quiá'~ Fidiéé`. ¹⁴ Jō lajee` e iuung~ Jesús fí' ngóór' fí' lí~ jíé', cangáñ~ jaang` dseañu' i sii` Leví, jōō' jaang` dseañu' i sii` Alfeo, e guiiñ'~ do fí' cōō` lí~ mir' cuu~ e catíng~ dseata~ i guiiing~ fí' Roma, cō' líiñ' do nodsicuu~. Jōba' casí'~ Jesús i dseañu' do lala:

—Leví, má~aa' cōō'~ jnea~.

Jō dsifí' ladob caróō~ Leví jō cangó~bre cōō'~ Jesús.

¹⁵ Jō mi~ cangf̄ jō, Leví cató'r~ Jesús e nidsé~ dsea` do e nidsihé'r' fí' quiáñ'~. Jō fí' jō ñiguiing~ dsea` do gø'r' colíng~ cōō'~ jaléng' dsea` i ngí' cōō'r~ jogui cōō'~ i fñíng' dsea` i mí' cuu~ quiá'~ dseata~ guiiing~ fí' Roma jogui cōō'~ jaléng' dsea` i jíéng' gui i sea` júu^ i røong` dsee~ cajō. ¹⁶ Jō mi~ cangá~ jaléng' dsea` Israel i líng' dsea` fariseo cōō'~ gui jaléng' tifa' quiá'~ júu^ quiu' ta~ quiá'r~

e Jesús guiiñ~ gø'r coliiing~ cóo~ jaléng' i dseá do, joba' cajmingí'r~ i dseá quiá~ Jesús do jo castí~ reiñ' do lala:

—¿Jialí' gø' tifa' quí~na' coliiing~ cóo~ jaléng' 'ná^ nodsicuu~ cóo~gui jaléng' dseá caguiaang~gui i sea` júu^ i røøng` dsee~?

¹⁷ Jo mi~ canúu~ Jesús lado, joba' cañíir` quiá~ i dseá do lala:

—Jaléng' dseá i guiúng~ ja `neáiñ~ timíí', dsu' jaléng' dseá dsée~bing' i `neáng~ í. Jo jnea~ ja cagá~a fí' jmigúí^ la fa' e caga'nén^n jaléng' dseá i ée` guíú~, dsu' jaléng' dseá dsee~ dseá qui'bing' i caga'nén'n.

Mí~ cajmingí'~ dseá Jesús uii~ quiá~ jalé' ayuno

(Mt. 9:14-17; Lc. 5:33-39)

¹⁸ Jo cóo` née~ cajmée` ayuno jaléng' i dseá i ngí' cóo~ Juan i seáang` dseá jmií` cóo~gui jaléng' i dseá i líng' dseá fariseo. Jo lajee` jo, caguilíng~ i líing~ dseá fí' lí^ táang` Jesús jo cajmingí'r~ dseá do lala:

—Jaléng' i dseá quiá~ Juan i seáang` dseá jmií` cóo~gui jaléng' dseá fariseo jmóo`bre ayuno, jo ¿jialí' jaléng' dseá quí~ 'nu` ja` jmóor` lajo?

¹⁹ Joba' cañíí` Jesús quiá~ i dseá do lala:

—Ja` cuøøng` nijmé~ ayuno jaléng' dseá i simíng~ quiá~ cóo` lí~ cung' guoo` dseá lajee` seeng` i siming' i cung' guó` do cóo~r~; co' lajee` siseáng' i siming' do cóo~ i dseá simíng` do, ja` cuøøng` fa' nijmé~ i dseá simíng` do ayuno. ²⁰ Jo dsu' cóo~b` mi~ nití~ í' e nisáiñ' i siming' i cung' guó` do, jo joguúib mi~ niguiéé' jmií~ e nijmé~ dseá ayuno.

²¹ Jo jíí~ jaang` dseá to'r cóo` 'mi' e yúu~ cóo~ ca'ná^ 'mi' e 'míí~, dsuco' song cajméeer` lajo, joba' nijóm' e 'mi' e 'míí~ do jogui ni'guí'bi e 'mi' e yúu~ do cajo, joba' lí^ lí' jmiguiú'gui ni'guí'b` jóng. ²² Jo lajobi cajo, ja` guié' dseá méé' e laco' gui'ná^ có' fí' cóo` dsíí' loo~ jó' e yúu~; dsuco'

song cajméer` lajo, joba' ni'guí'ba' do jo nidsi'íib' e méé' do jogui ni'ím̄ e loo~ jó' do cajo. Jo co' lajob líí', joba' guiá' gui e niguié' dsea' e méé' laco' gui'ná'^ có' do fí' coo` dsí' loo~ jó' e 'míib̄, jo lajoba' ja` dseáng'~ fa' e ni'guí' e loo~ jó' do o'gui fa' e nidsi'íí' e méé' do cajo.

Mí~ ca'éenḡ dsea` quiá'- Jesús láa' quiá'- cui'iee`
(Mt. 12:1-8; Lc. 6:1-5)

²³ Jo coo` ya' ie~ jmií~ e jmi'íng' dsea` góo` Jesús dsea` Israel, jo caguié` dsea` do colíinḡ cóo'~ jaléng' dsea` quiá'r- fí' coo` guiee` lí' síjneá' cui'iee`. Jo jaléng' i dsea` quiá'r- do mí~ cangíiíñ' fí' jo, canaaíñ- éeiñ- láa' quiá'- e cui'iee` e sea` do ie~ jo. ²⁴ Joba' jaléng' dsea` Israel i líng' dsea` fariseo cajmingí'r- Jesús lala:

—Janú'í, ¿jialí' jmóo` dsea` quií'- lana?, co' ja` cuóøng` jmé- dsea` Israel e lana mí~ jmií~ e jmi'íng'naa'.

²⁵ Joba' cañí' Jesús quiá'- i dsea` do lala:

—¿Su jíí'~ coo` ya' ja' mí' ca'í' 'nú' fí' ni' jì' quiá'- Fidiée` lí' fé' e~ cajmée` dseata` Daví'^ ie~ malií~ do coo` ya' lajee` e jmi'aanḡ dsea` do cóo'~ dsea` quiá'r-? ²⁶ Jo ie~ jo jaang` dsea` i sií' Abiatar líiíñ' jmidsea` laniinḡ, dsu' i dseata` Daví'^ do ca'í'-bre fí' dsí' 'nũ~ Fidiée` jo cagó'bre e íñí'^ güeang'^ quiá'- Fidiée` e si'í' dseáng'- lajíí'~ jmidsea`bing' cuóøng` lí' dó'í-; jogui cacuø'bir cajo jaléng' i dsea` i ngolínḡ-gui cóo'r- do e cagóíñ' do.

²⁷ Jo cajíng'-gui Jesús cajo:

—E jmií~ e jmi'íng' dsea` cajmée` Fidiée` e laco' ni-jmicóo'r- dsea` jmi'güí'b̄, jo o' yaanḡ dsea` jmi'güí' cagui'r' e jmií~ jo e laco' nijmi'íñ'. ²⁸ Jo uíí'~ lajoba' e jnea~, i cagüénḡ fí' jmi'güí' la e gáa'a fí' ñíff- e lín'n jaang` dsea` jmi'güí', seab' fí' quié- e e quiá'-u ta~ lajee` e jmií~ e jmi'íng' dsea` góo` dsea` Israel.

3

Mi~ cajmi'leáang- Jesús jaang` dseà` i caang~ guoo`
(Mt. 12:9-14; Lc. 6:6-11)

¹ Jo mi~ cangá' jo, coo` jmi~ ca'ib-tu Jesús fi' coo` dsí' guá'- quía'- dseà` góor` dseà` Israel, jo fi' job ni'iuung- jaang` dseañu` i caang~ coo` guoo`. ² Jo ie~ jo i fíim' dseà` siteeiñ^ Jesús fi' e guá'- jo e lí^ laco' nijóor- su nijmi'leáang- dseà` do i dseà` dsée'~ do 'ñaia' ie~ jmi~ e jmi'íng' jaléng' dseà` góor` dseà` Israel, co' fíng cajmée` dseà` do lajo, lajoba' líiñ- e nilí'r e ni'níng-neiñ' fi' quini~ dseata~. ³ Jo mi~ cangáng- Jesús i dseañu` i caang~ guoo` do, dsifí' lajob casí'- reiñ' do lala:

—Ráan'- jo síng'- uø' e guiá' joo` do.

⁴ Jo mifíng` cajmingí'r- jaléng' i dseà` i teáang- do ie~ jo, jo casí'- reiñ' do lala:

—¿E~ í' óo' 'nú' e cuøøng` líl^ mi~ jmi~ e jmi'íng' jneaa~aa', dseà` Israel? ¿Su e guiá' ofa' e ja` dseem` é? ¿Su 'né- e nijmi'leáang^naa' jaang` dseà` rú'naa' jee~ jmohuí', osi e nibiing~naa'r é?

Dsu' jaléng' i dseà` do tiib- cajer'. ⁵ Jo lí^ cajóom- Jesús jaléng' i dseà` i teáang- lacúng' lajíng` do, jo caliguiim-bre quíaiñ'- do, jogui fi'í'bi cajer' cajo, co' dseáng'- ja` iing~ jaléng' i dseà` do ningám'bre. Joba' lalab casí'r- i dseañu` i caang~ guoo` do:

—Níi~ guoo', dseañu'.

Joba' cani'biñ' do guoor` e caang~ do, jo ladsifí' lanab ca'lóo-. ⁶ Jo mi~ cangá- jaléng' i dseà` Israel i líng' dseà` fariseo i teáang- do ie~ jo jalé' e calí- do, dsifí' mi~ tí' lí- ca'uøøiñ' fi' jo, jo canaaiñ` síiñ` cóo'~ jaléng' dseà` quía'- dseata~ Herodes e quía'- jial nijmér- e laco' nijngáiñ' Jesús.

Mi~ caseáng' i fíng' dseà` fi' 'ni' guiée' Galilea

⁷Jo mi~ cangf̂ jo, cangób̄ tu Jesús colüinḡ cõo!~ jaléng' dseà quiá'r- fí 'ni' guiéé Galilea, jogui i f̂im' dseà seeng' lacaang' f̂i lĩ se' Galilea ngolíĩn- laco! ngõo' dseà do. ⁸Jo mi~ caliĩ' jaléng' dseà quiá'- jalé' e guiá- e jmóo' Jesús, i f̂im' dseà cajaliĩn^ cajajõõĩn^ dseà do; cajaliĩng^ jaléng' dseà i seeng' fí Jerusalén, jogui lacaang' f̂i jié' lĩ se' Judea, jogui lĩ se' Idumea, jogui jaléng' dseà i neáng' lí^ lí guiéé~ laco! iũ gua Jordán, jogui jaléng' dseà i seeng' fí f̂i Tiro cõo!~ gui fí f̂i Sidón. ⁹Jo casí- Jesús i dseà quiá'r- do e nijméĩn- do quijí- cõo' móo' e ni'ír' e lí^ laco! ja' nicúĩn- eáang' fí jee~ i dseà 'leáang- do; ¹⁰dsucõ! Jesús dseáng'- i 'leáam- dseà dsée~ i nicajmi'leáaiĩn-, joba' jaléng' dseà dsée~ dseáng'- dsiquiéeiĩn' e güim' bre dseà do. ¹¹Jogui jaléng' i dseà dsée' i jée' i 'ling'^ quiá'- laco! mi~ níĩn- Jesús, dsifí lajob sír' uó- jnir~ fí quini~ dseà do jo óor` teá jo fé'r` lala:

—Nu` lin' i Jõo' Fidiéé` camüing' do.

¹²Jo Jesús cajmi'leáam-bre i dseà dsée~ do, jo jüim-bre i 'ling'^ do jogui quiu'reiĩ' ta~ e ja' niféiĩn' do cuaiĩ quiá'r- 'ñia'r' fí quini~ dseà.

Mi~ caguíng' Jesús dseà guitúung' quiá'r-

(Mt. 10:1-4; Lc. 6:12-16)

¹³Jo mi~ cangf̂ gui lajo, cajgõo- Jesús fí cõo' yá^ mó', jo fí job cató'r- i f̂ing' dseà e laco! niguíĩn' i jaléng' ni'uíing- dseà quiá'r-. Jo lajee' e nicaseaiĩn' lajiiĩn' e fí yá^ mó' do, ¹⁴caguíĩn' lajee' jaléng' i dseà i teáang- do ie~ jo guitúung' dseà i nisiĩn- cuaiĩ quiá'r- e laco! nidsiguiaiĩn- do júu^ quiá'- Fidiéé` jee~ jaléng' dseà jmigüĩ; joba' i dseà í calisír' dseà apóo^, e guóng' dseà si'neaang' quiá'- Fidiéé` i quie' júu^ quiá'r-. ¹⁵Jogui cacuõ'reiĩn' do ta~ e quí'r~ jmii~ e ni'uõĩn- jaléng' i 'ling'^ i jée' quiá'- dseà. ¹⁶Jo lalab sii i dseà guitúung' i ca'naaiĩn-

do: jaang`i sii` Simón, jò mi` cangir` còo`~ Jesús calisír` Tú^; ¹⁷ jaang`gui`i sii` Tiáa` còo`~ gui` jaang` rúin` do i` sii` Juan, jò lajì` huáaiñ` do líin` jòo` jaang` dseañu` i` sii` Zebedeo, jò mi` cangir` còo`~ Jesús lajì` huáaiñ` do calisír` Boanerges, e guóng` Jòo` Jì` Güi`ñiá^; ¹⁸ jaang`gui`i sii` Df^, jaang`gui`i sii` Lii~, jò jaang`gui`i sii` Bartolomé còo`~ jaang`gui`i sii` Mateo, jogui` jaang`gui`i sii` Mó^, jò jaang`gui`i sii` Tiáa~, jòo` jaang` dseañu` i` sii` Alfeo, jogui` jaang`gui`i sii` Tadeo còo`~ jaang`gui`i sii` Simón i` líing` dse` celote, ¹⁹ jò catí` lí` cadséng`-gui` Judas Iscariote i` cajáng` Jesús fí` jaguó` dseá i` cajnga` quiá`r`.

Mi` cacuø` dseá` dsee` Jesús e jmóor` ta` la'eáang` còo`~ fii` i` 'ling`^

(Mt. 12:22-32; Lc. 11:14-23; 12:10)

²⁰ Jò mi` cangí`gui` lajò, ca`lí`-tu` Jesús fí` còo` dsíí` sinúu^, jò dsifí` lajòb` caseáng`tu` dseá` i` 'leáang` e jíi` o` cuø` fí` dó`~ gui` dseá` do colíing`~ còo`~ dseá` guitúung` quiá`r`. ²¹ Jò mi` caliñi` i` dseá` rúng` Jesús e jò, joba` cangoliiñ` e cangotéer` dseá` do ladsifí` lado, cò` fé`r` e ningaam`biñ`.

²² Jogui` lajòbi` cajo, lalab` fé` jaléng` tifa` quiá`~ júu^ quiu` ta` quiá`~ dseá` Israel i` jalíng`-catí` Jerusalén jò cajíñ`-:

—La'eáang` còo`~ bí` quiá`~ Beelzebú i` líing` fii` jaléng` i` 'ling`^, la'eáang` í`bing` tìing` i` dseañu` na e uøoiñ` i` 'ling`^ i` teáang`~ dsíí` dseá`.

²³ Joba` catòb`- Jesús jaléng` i` dseá` do, jò casí`-reñ` do còo` júu^ já` e lafa` júu^ cuento jò lalab` cajíñ`-:

—¿Jial` lí` Satanás niguíñ`- 'ñia`r`? ²⁴ Jogui` fa` dseá` i` seeng` fí` còo` fii`, jò nil` e 'ní` níng`- rúin` lajee` la'ó` yaaiñ~, joba` ja` huøø` nité` e seeng` dseá` e fí` fii` jò, ¿já` já`-? ²⁵ Jogui` lajòbi` fa` còo` sinúu^ quiá`~ dseá` lí` seeiñ` mí`~, ja` cuø` fí` fa` e seeiñ` juguiú`- fí` jò, ¿já` já`-? ²⁶ Lajòbi`

líí' còo'~ Satanás i lííng' fii~ i 'ling'^ do; cofa' caliséiñ` mhi'~ jogui catiín' còo'~ i 'ling'^ i lííng' la'ó' 'ñaia'r' do, joba' ja' røø' nigüi'fíng' quia'r~, cò' ni'fim~bre congua' jóng, ¿já' já'~?

27 'Jogui lajobi cajo jíi'~ jaang` dsea` lí'r` ír` fí' dsíí' sinúu` e nidsijméer~ ñi` quia'~ jaang`gui dsea` i bí'gui dsíí' laco' ír'; cò' la'uii~ jang'~ 'né~ e ni'ñúm'bre i dsea` í, jo joguiba' nilí'r' e nijmér~ ñi` jóng.

28 'Jo jnea~ jmitaa` óó'na' e cuóøm` lí'fíng~ Fidiée` dsee~ quia'~ jaléng` dsea` uii~ quia'~ jalé' e nicajméer` còo'~gui jalé' e nicafé'r', 29 dsu' song ií'gui fé' ga' uii~ quia'~ Jmiguí' quia'~ Fidiée`, joba' dseáng'~ jo` ni'fim~ Fidiée` dsee~ quia'~ i dsea` í, cò' latab~ niróin` dsee~ jóng.

30 Jo lanab jíi'~ líí' júu` e casí'~ Jesús i dsea` do ie~ jo uíi'~ e féiñ` do e jée' i 'ling'^ quia'r~.

Mí~ cajíng'~ Jesús i~ niquia'r` jogui i~ rúin'

(Mt. 12:46-50; Lc. 8:19-21)

31 Jo mi~ cangf' jo, jo lajee` e iuum~bi Jesús fí' dsíí' e sinúu` do, mi~ caguié~ niquia'r` còo'~gui jaléng` rúin'. Dsu' jíi'~ caluub` cajeiñ' do, cò' eáam` fííng` dsea` teáang'~ dsíí' e sinúu` jo ie~ jo. Joba' casíiñ` jaang` dsea` i sí'í` cangote' Jesús. 32 Jo i dsea` i neáang` lacúng'~ lajííng` lí~ sing'~ Jesús casí'r~ dsea` do lala:

—Nab nicagüéng~ niquíi'` còo'~gui jaléng` rún' dseañu'` còo'~gui rún' dseamí e 'náin'` 'nu', jo nab teáaiñ` caluu` lana.

33 Joba' cañií' Jesús quia'~ i dsea` do lala:

—¿Í' lííng'~ 'nú' i lííng' niquié` e jogui jaléng` rún'n?

34 Jogui cajóøiñ~ i dsea` i neáang` lacúng'~ lajííng` lí~ guiiñ~ do jo cajíiñ'~:

35 —Cò' lí'` doñi' ií' dsea` i jmóo` dseáng'~ lajíi'~ ta~ e iing~ Fidiée`, joba' i dsea` í'bing' i lííng' rún'n jogui í'bing' i lííng' niquié` e cajo.

4

*Coo`júu`já`- lafa' júu` cuento quiá`- mi` bî dsea` mijú`
(Mt. 13:1-9; Lc. 8:4-8)*

¹J_o *coo`gui` née` canaang`tu` Jesús e e`r` dsea` júu` quiá`- Fidiée` fí` 'ni` e` guieé` do. J_o dsuco' i` fíim` dsea` caseáng`tu` e fí` j_o, j_oba' lajee` j_o ca'lb`-tu` Jesús fí` dsí' *coo` m_oó` e` si' e` 'ni` e` guieé` do, j_o fí` j_ob caguár` lajee` e` jaléng` i` dsea` caguaang` do teáaiñ` fí` 'ni` e` guieé` do e` núur` júu` quiáíñ`- do. ²J_o fí` j_ob canaang` Jesús ca'e`r` jaléng` i` dsea` do jmiguiú` júu` já`- lafa' júu` cuento, j_o lalab fé'r` e` s'r` i` dsea` do:**

³—Janú`n, *núu`-na' jalé`n e` nifá`^a la: Coo` ya' cagüi`íí` jaang` dsea` quie` mijú` e` ngojñir` jma`.* ⁴J_o lajee` ngóor` jnir` jma` quiá`r`-, e` líng` e` mijú` do cajiú` fí` lí` ngóó` fí`, j_o j_ub` cøong` laj_o caguilíng`- ta` j_o cagó`bre' e` mijú` do. ⁵J_ogui sea`bi e` mijú` do e` cajiú` fí` jee` *cüu` fí` lí` ja` 'leáang` guóo`- née`; j_o e` mijú` j_o lajmináb` ca'íáang`, c_o' ja` 'leáang`- 'mí`- née` guóo`-; ⁶j_o dsu' mi` cangáng`- iee`, cacám`- j_o caliQUIÚB`, c_o' ja` 'ga' lí` jmó` sea` quiá`-'. ⁷J_o e` líng`gui e` mijú` do cajiú` fí` jee` 'matóó', j_o c_o' eáang`gui cacuáng`- e` 'matóó' do j_o niúm` ca'uíng`- quiá`- e` mijú` e` ca'íáang` do, j_oba' e` mijú` do dseáng`- ja` e` cacuøb'. ⁸J_ogui e` líng`gui e` mijú` do cajiú` fí` lí` jlo`^ uø`, j_oba' jlob`^ cacuáng`-; j_o e` líng`- cacuø` lí`gui treinta lacamí`^, j_ogui e` líng`gui cacuø` lí`gui sesenta lacamí`^, j_ogui e` líng`gui cajo cacuø` latí` cien mí`^ lacamí`^ do.*

⁹J_o cajíng`-gui Jesús casí`r`- i` dsea` do:

—Jaléng`- 'nú`n, dsea` sea` loguá`na', *núu`-na' e` júu` na.*

*E` uiing` e` cacuø` Jesús jalé`n` júu` já`- lafa' júu` cuento
(Mt. 13:10-17; Lc. 8:9-10)*

¹⁰J_o mi` cang`f` j_o, mi` cajé` Jesús `ñia`r', j_o jaléng` i` dsea` i` neáang` cáang` laco' guíñ`- do c_olíng`- c_oo`- jaléng`

dsea` guitúung` quiá'r- cajmingí'r- dsea` do e` guóng` e júu` e cajín- do e lí' lafa' júu` cuento. ¹¹ Jōba' cañí' Jesús quiá'- lajaléiñ` do jō lalab casí'- reiñ':

—Ngím` 'nú' e cuø' Fidié` e ñí'na' jialco' quie' Fidié` nifí' quiá'- dsea` e ja` mí' ñí' dsea` jmigüü' lamiñ` jéeng`gui; dsu' jaléng`gui dsea` i ja` mí' íng` júu` quiá'- Fidié`, núur` e júu` do la'eáang` cóo` júu` e lí' lafa' júu` cuento. ¹² Co' lajōb fé' fí' ni` jì' quiá'- Fidié` cuaiñ` quiá'- jaléng` i dsea` í:

Jō dsu' nañí' fa' jialgui la jōør-, dsu' ja` ninír`,
jōgui nañí' fa' jialgui la núur`, dsu' ja` ningáiñ`,
e laco' i dsea` la'í ja` niquí' jíng` yaaiñ` fí' quinií-,
jō o'gui jnea` ni'íin`n dsee- quiá'r` cajo.

Mí' cajíng`- Jesús e` guóng` e júu` quiá'- i dsea` bí mijú` do

(Mt. 13:18-23; Lc. 8:11-15)

¹³ Jō cajíng`- gui Jesús casí'r- jaléng` i dsea` do:

—¿Su ja` ngáng` 'nú' e júu` já'- e lí' lafa' júu` cuento la? Jō jial ningáng`na' e caguiee`-gui do song ja` ngáng`na' e la? ¹⁴ Jō lalab guóng` e júu` la: i dsea` i jní' e mijú` do líiñ` lafa' jaang` dsea` i jmóo` ta` guia' júu` quiá'- Fidié` cuaiñ` quiá'- Dsea` Jmáang-. ¹⁵ Jō i liing` dsea` líiñ` laco' lí' e mijú` e cajiú' fí' guiá' fí' do, co' núur` e júu` jō, jō mí' ningí jō, dsifí' lajōb guieé' Satanás, jō íb` jmóo` e íim`-tu dsíir' lajújí` e júu` e nicanúur- do. ¹⁶ Jō i liing`gui dsea` líiñ` laco' la lí' e mijú` e cajiú' fí' jee` cuu` lí' ja' 'ga' lí' guóo`- sea, co' i dsea` í núur` e júu` quiá'- Fidié` do, jō ladsifí' íaam` dsíir' e íñ' e júu` jō. ¹⁷ Jō dsuco' ja` mí' ca'íng`guir dseáng`- e ngocáng` dsíir' e júu` jō, jōba' ja` huøø`- té'r e já'- líiñ`; jō mí' dsingíiñ`- ee`go e huíng` osi e 'ní' ní' dsea` quiá'r- é uí' e cuíñ` Dsea` Jmáang-, jōba' jgiéem`- dsíir' cóo`- e júu` jō. ¹⁸⁻¹⁹ Jōgui i liing`gui dsea`

líiñ' laco' lí' e mijú' e cajiá' fí jee' 'matóo' do, co' lico' núur' e júu' quiá' Fidié' do, jo dsu' eáang'gui guing' dsír' jial nilí'r' jalé' e 'nér', jogui eáam' jmgóoiñ' yaaiñ' e dsináaiñ' cuu' cóo' gui jalé' e sea' fí jmgüi' la. Jo lajaléb' e jo jmóo' e túb'tur e júu' jo, jo ja' ee' ta' íing' quiá'r' e já' calíñ' e júu' jo co' ja' ee' dsicuáng' quiá'r'. ²⁰ Dsu' i líing' gui dsea' núur' e júu' quiá' Fidié' do, jo jáb' líiñ' e júu' jo, jo guiáb' uíng' quiá'r', jo i dsea' la'f'bing' líng' laco' lí' e mijú' e cajiá' fí lí' jlo' uó' do. Jogui i líing' gui i dsea' la'f' líiñ' laco' e mijú' e cacuó' treinta lacamí' do, jo i líing' gui líng' laco' e mijú' e cacuó' lí' gui sesenta lacamí', jogui i líing' gui líng' laco' e mijú' e cacuó' laji' cien lacamí' do.

Coo'gui júu' já' lafa' júu' cuento quiá' jial mí' jmi-jneá' dsea' jí'

(Lc. 8:16-18)

²¹ Jogui fí' biguí' 'nú' cajo: Ja' ee' uíng' sea' e sí' dsea' coo' candí' mí' canuu' fí dsí' coo' caja o'si fí coo' lí' cóong' é, dsuco' coo' lí' níib' 'né' sí' do e laco' cuóong' jneá' guí' fí latøng' sinú'. ²² Jogui lajob' lí', co' jí' coo' sea' e si'maang' fa' e ja' tóo' jmí' niliñí' dsea', o'gui jí' coo' júu' e ja' mí' ní' dsea' jéeng'gui fa' ja' tóo' jmí' e niliñir'. ²³ Joba' fí' i 'nú', i' 'nú' dsea' sea' loguá'na', núu'na' jalé' e júu' na.

²⁴ Jo mí' cangf' jo, lalab cajíng' gui Jesús casí'r' i dsea' do jo cajíñ'':

—Quié'na' cuante lajii' e nuu'na'; co' lafa' cóo' e guía' 'nú' í', cóo' e job' cajo e niguiá' Fidié' í' ee'go' nicuó'r' 'nú' jo car' jí' lí'bi' lajo' nicuó'r' 'nú'. ²⁵ Dsuco' i dsea' i sea' quiá', jmguiú'guib' niñiñ' e nilisea', joba' lalíim' nilisea' quiá'r'; jo dsu'gui i dsea' i ja' sea' quiá', nigüeáb' lajii' capí'jiu' e sea' quiá'r' do.

Coo`gui júu` já`- lafa' júu` cuento quiá`- mijú` e cuaang`
²⁶ Jo cajím`- bigui Jesús cajo:

—Mí` quie` Fidié` nifí` quiá`- dsea`, líí` la líí` quiá`- jaang` dsea` i ta' mijú` fí` ná`- uó`- . ²⁷ Jo mí` ningí` e cajní` e mijú` do, jo nidsém`- bre fí` quiá`r`- . Jo mí` nití`- tú`- 'ní` jmií` lajo, nidsi'ee`- tur fí` lí` cató`r` e mijú` do, jo lacoo` jmií` jneá` jogui lacoo` jmií` nuu` cuaam`ba' do, dsu' i dsea` i cajní` do ja` ñir` jial e cuaang`, ²⁸ co' 'ñiab` guoo`- uó`- e jmoo` e cuaang` do: co' la'uii` nijnéng` sá`^ quiá`- , jo mí` ningí` jo nijáá` lí` quiá`- , jo mí` cangí` joguiba' nicuó`- ofií` . ²⁹ Jo mí` lí` e nicaroo` e ofií` do, joba' nidsicu`- bre, co' lí`r` e nicatí` í` e nisitím`ba' do.

Coo`gui júu` já`- lafa' júu` cuento quiá`- coo` mijú` e sii` mostáa`^

(Mt. 13:31-32; Lc. 13:18-19)

³⁰ Jo cajíng`- gui Jesús:

—Jial líng`- na' e líí` mí` jaang` dsea` quie` Fidié` nifí` quiá`r`? Jogui ¿e` cóo`- cuóøng` nicóøng`- naa'? ³¹ Jo mí` quie` Fidié` nifí` quiá`- dsea`, líí` lafa' e mijú` e sii` mostáa` e jní` dsea`. Jo e mijú` jo dseáng`- pí`^gui lajee` lajalé` mijú` e sea` fí` jmigüí` , ³² dsu' fíng` cajní` dsea`, dseáng`- féb` eáang` cuaang`, co' fé`gui eáang` lajee` lajalé` onuu`, jogui cóob`- guo` quiá`- uíng`- cajo e cuóøng` guia` jaléng` tá` sii`- re' fí` yú`^ jee` i`^ quiá`- .

E` uiing` e cajíng`- Jesús e júu` já`- do e líí` lafa' júu` cuento
 (Mt. 13:34-35)

³³ Jo lajob` ca'e' Jesús jaléng` dsea` júu` quiá`- Fidié` e quijgeáang` jalé` júu` já`- e líí` lafa' júu` cuento lí`^ cartí` calííng`- mogui` dsea` e jo` ningáng`- guir` guia`- . ³⁴ Jo dseáng`- ja` e`bre dsea` júu` quiá`- Fidié` e ja` quieéng` e júu` lajo. Dsu' lajaléb` e guóøng` e júu` do jma`bre júu`

condsée' i dsea` guitúung` quiá'r- do mi~ neáaiñ` colíing~
lí` ja` seeng` dsea` jiéng`.

Mi~ cajmée` Jesús e ca'uaáng- e íí` guí` jogui e
ca'uaáng- e róo- jmií`

(Mt. 8:23-27; Lc. 8:22-25)

³⁵ Jo 'ñia' ie~ jmií` jo, mi~ tí' lí` ca'í- núu^, casí'- Jesús
jaléng` i dsea` guitúung` quiá'r- do lala:

—Má-aa' fí' lí'^ lí' 'ngóo~ cataang` e guiée' la.

³⁶ Joba' lajob cajméer`: caseám`bre i fíing` dsea` jo
cangó-`bre cóo- i dsea` quiá'r- do, jo cangotáaiñ~ fí' dsíí'
cóo` móo' e nisi' do, jogui cangotáam~ bigui dsea` jiéng`
fí' dsíí' tú- 'ní' móo' e jié'`gui, jo cangolíim^biñ' do cóo'r-
cajo. ³⁷ Jo lajee` ñingolíiñ- ni~ jmií`b` mi~ canaang` íí'
guí` e teá' eáng` jogui canaang` róo- jmií` cajo, jo catí'
dsíí' móob' nicanaang` dsi'a~ jmií`. ³⁸ Jo lajee` jo güim`
Jesús ngóor' lí'- to'mií- e móo' do e sijnuuiñ` dse^` cóo`
to'mi' dsíing` gui~. Joba' cangoñiiiñ^ dsea` do ladsifí' lado
jo casí'- reiñ' lala:

—i Tifa'! ¿Su ja` dsi'gó` o' e nicanaang` dsi'am'`baa'?

³⁹ Joba' caróo- Jesús jo caquiur' ta~ e guí' do jo cajíñ'-:
—i Catii-!

Jogui caquiur' ta~ e jmií` do jo cajíñ'-:

—i Jmi'uaáng^ uo'!

Jo ladsifí' ladob ca'uaáng- e íí' guí' cóo~`gui e róo- jmií`,
jo tiib- ca'fí` jóng.

⁴⁰ Jo mi~ cangf` jo, lalab cajíng'- Jesús casí'r- i dsea`
guitúung` quiá'r- do:

—¿Jialí' eáng` 'gó'na'? ¿Su ja` já'- mí' calím-`bi' lajii~
júu^ quié-e?

⁴¹ Jo mi~ canúu- i dsea` guitúung` do lajo cafóm`bre,
co' ja` ñir' jialí' cajíng'- dsea` do lado, jo canaaiñ` jmingí'-
rúin` lajee` yaaiñ` jo fé'r`:

—¿İ i̇ dseañu^l la e la quié'gui tí' guí' cóo^l jmiñ' núu^l júu[^] quiá'r⁻?

5

Jaang`dseañu^l i̇ teáang^l i̇ 'ling^l dsí'

(Mt. 8:28-34; Lc. 8:26-39)

¹ Jo mi̇ cangí jo, caguié⁻ Jesús cóo^l i̇ dseañu^l quiá'r⁻ do fí' lí[^] lí' ngóo^l cataang⁻ e guiéé' do e fí' ni̇ guóo^l uó⁻ lí[~] se' Gerasa. ² Jo mifíing⁻ mi̇ tí' lí[~] cajgáng⁻ Jesús e fí' yá[^] e móo^l do, cangoquiéeng' fí' lí[~] siñ' jaang`dseañu^l i̇ teáang^l i̇ 'ling^l dsí'. Jo i̇ dseañu^l do lí[^] nijar' fí' codsiib[~], ³ co' fí' job fí' lí[~] guiiñ[~]. Jo júi^l jaang`dseañu^l ja' i̇ mí' cali' fa' e nicasang^l-neiñ' o'gui i̇ mí' cali' fa' ni̇núng'neiñ' cóo^l ñí[^] cadena cajo. ⁴ Jo jmiguiub' ya' ninicajmée' dseañu^l quijí⁻ e ni̇nú^l guotíiñ⁻ do cóo^l e ñí[^] jo, dsu' dsifí' lado fíiñ^l do jo dseáng^l júi^l jaang`ja' i̇ mí' catéé' quiá'r⁻. ⁵ Jo i̇ dseañu^l do uó^o jmíib' ngir' fí' lacaang`jee' mó^l jogui lacaang` fí' lí[~] si'aang[~] jaléng^l 'líi[~] e óor` jogui e jmihuíng` ñia'r' cóo^l cuu[~]. ⁶ Dsu' mi̇ tí' lí[~] cangáin⁻ Jesús e huim⁻bi, dsifí' lajob cacuír⁻, jo cangoquiéeiñ' fí' lí[~] sing' dseañu^l do jo casí'r' uó⁻ jnir[~] e jmiféiñ' dseañu^l do, ⁷ jo lalab casí⁻reiñ' e dsíng^l-teá' óor⁻:

—Jesús, Jóo' Fidiéé' dseañu^l guing[~] ñifí⁻, ja' jmiguín^l jnea^l; jo mii^l i' nu' jmi'ee' fí' quini' Fidiéé' e ja' jmihuín^l jnea^l!

⁸ Jo cajíng^l i̇ dseañu^l i̇ iuung⁻ i̇ 'ling^l dsí' do lado, co' Jesús nicanaaiñ' quiá'r' ta[~] i̇ 'ling^l do jo cajíñ⁻ lala:

—¿İ 'ling^l, júu^l lí[~] iuun⁻ fí' dsí' i̇ dseañu^l na!

⁹ Jo casí⁻gui Jesús i̇ 'ling^l do:

—¿Jial sii'?

Jo cañí^l i̇ 'ling^l i̇ teáang^l dsí' i̇ dseañu^l do:

—Legióm sii⁻, co' fí'baa'.

10 Jo i 'ling' do, eáam' mi'r' Jesús jmi'ee' e laco' ja nisíng dsea' do jaléng' í fí lí huí. 11 Jo co' quiá' do nisi' co' mó', jo e fí jo nitaang' i fíng' cú' e 'nó're' e gø're', 12 joba' i 'ling' do cami'r' Jesús fí e nidsitáaiñ' fí dsí' i cú' do, jo casí'r dsea' do lala:

—Siing' jnea' fí dsí' i cú' do, jo cuø' jnea' fí e nidsitóo' naa' fí dsí're'.

13 Jo cacuøb' Jesús fí jaléng' i 'ling' do e nijméiñ' do lajo, joba' ca'uøøm' biñ' do fí dsí' i dseañu' do, jo fí dsí' i cú' i taang' dob cangotáaiñ'. Jo dsifí' lajob canaang' i cú' do cui're' fí lí quiá', jo cajiúng' ne' jiáá' car' catisíng' ne' fí é' co' guieé', jo fí job cajgó're' jmiñ' jo cajúm' bre' jaléng' ne'. Jo tíib' i cú' i taang' do la tú' mil.

14 Jo jaléng' i dsea' i táang' jmóo' í i cú' do cacuí' bre cajo, jo cangolíñ' fí lí neáaiñ' e ngoguiar' júu' quiá' lají' e calí' do, jogui s' bir cajo jaléng' dsea' i táang' jmóo' ta' lacaang' lí cangíiñ'. Jo lajim' dsea' cangolíñ' cangojóø' fí lí cangojéé' jalé' e jo. 15 Jo mi' tí' lí caguilíng' i dsea' do fí lí sing' Jesús, dob niguiing' i dseañu' i lami' teáang' jaléng' i 'ling' dsí' do e jo e líiñ' jí' co', jo nilí' bre co' ninica'uøøm' lajaléng' i 'ling' i lami' teáang' dsí'r' do; joba' eáam' cafóng' jaléng' i dsea' do. 16 Jo jaléng' i dsea' i cangá' jalé' e calí' do quiá' e ca'uøøng' i 'ling' do dsí' i dseañu' do jo cangotáaiñ' dsí' i cú' do, lajib' e jo cajmea'r' júu' jaléng' dsea' caguiaang' gui. 17 Joba' jaléng' i dsea' do canaaiñ' mi'r' jmi'ee' Jesús e nijmihuim' 'ñia'r' e fí lí táaiñ' do.

18 Jo mi' tí' lí caquing' Jesús e ni' t'ur' fí dsí' móo' e nidséiñ', i dseañu' i lami' teáang' i 'ling' dsí' do cami'r' Jesús fí e nidsér' co' dsea' do. 19 Jo dsu' Jesús ja' cacuø'reiñ' do fí lajo, jo lí' casí'-reiñ' do e nidséiñ' fí quiá' bre jogui e nisi'r' jaléng' dsea' sinúu' quiá'r' lajalé'

e nicajmée` Fíi`naa' cōo` ír, jogui jial calí` fí` líiĩn` dsea` do cajo.

²⁰Jō cangám`- i dseañu` do i lami` teáang` i 'ling`^ dsíi, jō canaaiñ` guiar` júu` jō s'`r` jaléng` dsea` seeng` fí` lí` se` Decápolis jalé` e guiú`- e cajmée` Jesús cōo`r`. Jōba' lajím` i dsea` i núu` jalé` e jō, eáam` dsigá` dsír`.

Mi` cajmi`leáang` Jesús jōo` Jairo

(Mt. 9:18-26; Lc. 8:40-56)

²¹Jō mi` caquing`-tu Jesús fí` lí`- 'ngóo`~ cataang` e guiée` do e iuuiñ` dsíi` móo', jō i 'leáam` dsea` i caguilíng`-tu fí` lí` siñ', jō dob caje` Jesús e fí` 'ni` e guiée` do. ²²Jō lajee` jōb caguie`- jaang` dseañu` i sii` Jairo i née` ni` e guá`- quia`- dsea` Israel. Jō mi` tí` lí` cangáin` Jesús, catúuiñ` cartí` uii` tii` dsea` do, ²³jō lalab casí`r` dsea` do e mi`r` jmi`ee`:

—Jesús, dob ráang` Mí` quié`- e e jiu` jí` bre, jō fa' nijgiée` o'` jnea` niguó`^ e güiquidsi` guóo` fí` moguir` e laco` ni`leáaiñ`, jō lajōba' ja` nijúuiñ`.

²⁴Jōba' cangób`- Jesús cōo` dsea` do, dsu' eáam` fíng` dsea` i ti`leáang` laco` ngóor` dseáng`- e 'leng` rúm` dsea`.

²⁵Jō jee` i dsea` i ningolíng` do, niquiéeng` jaang` dseamí` i nidsée`~ ningóo` mí` guitú` jii` e nilíiĩn` jmohuí` e tuuiñ` jmí'. ²⁶Jō eáam` ninicajméer` quijí` cōo`~ jaléng` timí` fa' e ni`leáaiñ`, jō eáam` nica`íiñ` cuu` lí`^ lajé` jii` e nisea` capi`^ quia`r`, dsu' ja` e ta` íng`^ jii` cōo, cō` lí`^ lí` ngóo` fí` guib e líiĩn` do. ²⁷Jō mi` canúur` jial tíi` 'gōng` Jesús, jōba' cangoquieeín` fí` lí`- caluu` dsea` do lí` ngolíng` dsea` i 'leáang` do, jō catíiĩn` capi`^ si`^ dsea` do, ²⁸cō` í` dsír` e fa' capi`b` si`^ dsea` do catíiĩn`, jōba' ni`leáam`-bre lajii` e jmohuí` e líiĩn`. ²⁹Jō dseáng`- lajee` e guiang`^ e catíiĩn` si`^ dsea` do, jōba' caquium` e tuuiñ` jmí` do, jō dsifí` lajōb calilí`r` e ca`láam`-bre lajii` e jmohuí` e lami`

líiĩ' do. ³⁰ Jo dsifí' lajob calilí' Jesús e cajmeáiĩ' ta~ capí' e 'gøng' quiá'r~, cø' lĩm~ iĩ' cajmi'leáiĩ~; joba' caji'r' nir' lí' lacaang` h~ jalíng~ jaléng' dsea` do, jo lalab cajíĩ' cajmingí'r~ jaléng' i dsea` do:

—¿I~ i catíng~ capí'^ sí'ĩ?

³¹ Jo caĩĩ' i dsea` guitúung` do quiá'r~ lala:

—¿Jialí' jmingí' lajo, Tifa'? Ne~bí' e dseáng' sicúum'baa' ngó'naa' la, jo jmingí'bi': “¿I~ i catíng~ capí'^ sí'^?”

³² Jo dsu' Jesús jĩ'r' nir' jí' ngó~ catoo` e jóø~ i~ i cagüi' capí'^ sí'r^'. ³³ Jo i dseamí' i catíng~ sí'r^` do ñi'bre guiú~ jalé' e calí~ do, joba' dseáng' e jléeiĩ' eám' e 'gó'r', jo cangosí'r' uó~ jnir~ fí' quini' dsea` do, jo job casí' reiĩ' e dseáng' e calí~ cóo'r~. ³⁴ Joba' casí' Jesús i dseamí' do lala:

—Jóo`o, uí' e jáb' calín' júu^ quié~e, joba' nica'laám~ba' lajíi' jmohuí' e lamí' lin'. Jo lana guóng' cóo' e guiú~ fí' quíi', cø' jo` lin' e jmohuí' e lamí' lin' do.

³⁵ Jo lajee' fé'bi Jesús e jo mí~ caguilíng~ coo` tú~ míng' dsea` i jalíng~ fí' quiá' i dsea` i néé' ni~ guá' quiá' dsea` Israel do e ngojmée'r' júu^ tiquiá' i simí' jiuung~ i nidsée' do lala:

—Jmóo'naa' júu^ 'nũ' e nicajúm~ jóo'', jo jo` 'né' fa' fí'^gui' i tifa' na e nidsé~guir fí' quíi'.

³⁶ Jo dsu' Jesús ja' cajmi'gór' lajíi' e cajíng' i dsea` do, jo lalab casí'r~ i fii~ i néé' ni~ e guá' do:

—Ja' føøn', Jairo, lico' já' güilín' júu^ quié~e.

³⁷ Jo jo` cacuø'guir fí' i fíng' dsea` i jíéng' i cangolíng~ cóo'r~, jo jíi' Tú' Simón cóo'gui Tiáa~ jogui Juan, rúng' i Tiáa~ do, jíi' íbing' i cangolíng^ cóo'r~. ³⁸ Jo mí~ caguilíĩ' fí' quiá' i Jairo do, jo canúur^ e ninée' mí'~

e teáng' dseá ta~ qui' óo` dsu' e ninicajúng` i jiuung~ simí' do. ³⁹ J̄oba' casí' Jesús i dseá do lala:

—¿Jiali' eáang' ta'na' mĩ~ jogui jiali' jmoo'na' ta~ qui'? Co' ja' sijúung` i jiuung~ simí' na, co' lico' güim`bre.

⁴⁰ Jo dsu' mi~ canúu` dseá e cajíng' Jesús lajo, lico' cangim`bre dseá do, co' ñi`bre guiá~ e nicajúm`biñ' do. J̄oba' Jesús lico' cajeeiñ` jii' tiquiáb' i jiuung~ simí' do cóo'~gui niquiáiñ' cóo'~gui i dseá quiá'r` i cóo'r` do, jo cangotáam`bre e fí' dsí' lí~ ráang` i jiuung~ simí' i 'lii` do. ⁴¹ Jo catíng` Jesús guoo` i simí' jiuung~ i 'lii` do jo casí'~reiñ' lala:

—Talita cum —e guóng': Mí^, jnea~ fii`-i 'nu` e niráan'.

⁴² Jo dsifí' mi~ cajíng' Jesús lado, caróob` i jiuung~ simí' do, jo canaiñ` ngi`bre co' nicají'bre. Jo jaléng' i dseá i cangá~ jalé' e jo, dseáng' eáam' cango'gó dsíir'.

⁴³ Jo Jesús caquiá'r' ta~ lahuíng' quiá'~ jaléng' i dseá do e ja` ii` nisíiñ' jii'~ jaang`. Jo mi~ cangf jo, caquiá'r' ta~ e cangíng` i jiuung~ simí' do e cagó'r'. Jo i jiuung~ simí' do niningóor' guitu` jii`.

6

Mi~ cangáng'~tu Jesús fí' Nazaret

(Mt. 13:53-58; Lc. 4:16-30)

¹ Jo mi~ cangf jo, cangám'~tu Jesús fí' góor` fí' lí` cacuaiñ` fí' lí' sii` Nazaret, jo cóo'~bre jaléng' dseá guitúung` quiá'r`. ² Jo mi~ catf jmi~ e jmi'íng' dseá góo` Jesús dseá Israel, jo canaiñ` e'r' jaléng' dseá jalé' júu^ quiá'~ Fidiée` e fí' dsí' guá'~ e si' fí' jo. Jo dseáng' i 'leáam`bi dseá i núu` júu^ e guiar' do, jo eáam' dsigá` dsí' dseá, j̄oba' lalab naaiñ` siiiñ` lajee` yaaiñ`:

—¿Jie` fí' lí' cajmitíng` i dseañu' na jalé' e tiiiñ` na? ¿Jie` lí' caguir' e tá'~ tíng`lir cóo'~gui jalé' e lí' e 'gong' e jmóor` e dsigá` dsí' dseá? ³ ¿Su o' i nabi i líng' ti'ma` do,

joo' Yá^ jogui rúin' Tiáa~ cõo'~gui Sé^ jogui Judas cõo'~
Simón? Jogui ¿su o' labi neáng' jaléng' rúin' dseamf
cajo jee~ jneaa~aa' la?

Jõ uíi' e joba' e ja' 'ga' lí iing~ dseá fa' dseáng' e
cajmi'gór` dseá do. ⁴Jõba' lalab casí'~ Jesús jaléng' i dseá
do jõ cajín'~:

—Doñi' jiéb' jmi'gó` dseá jaang` dseá i fé' cuaiñ~ quiá'~
Fidiéé, lífa' ja' jmi'gór` dseá do fí lí lí' góoiñ' fí lí
caliséiñ' fí lí neáng' jaléng' rúin' õsi jaléng' dseá
sinúu^ quiá'r~ é.

⁵Jõba' ja' 'ga' lí cajmée` Jesús jíi'~ cõo` e 'gøng' e dsigá
dsíi' i dseá góor` do, cõ' lico' caquidsir' guóor` fí mogui~
tú' 'ni' mñing'~ dseá dsée'~ jõ lajii'~ í'bing' i cajmi'leáaiñ~.
⁶Jõ eámá' cangogá' dsii' Jesús quiá'~ jaléng' i dseá góor`
do, cõ' dseáng'~ ja' já'~ líim~biñ' do lajii'~ júu^ quiá'r~. Jõ
mi~ cangf' jõ, dséeb' Jesús lacaang' jalé' fii' pí' e née' cõ~
quiá'~ do e dsi'e'r' dseá júu^ quiá'~ Fidiéé'.

Mi~ casíng' Jesús dseá guitúung' quiá'r~ e nidsigu-
iaiñ' do júu^ quiá'~ Fidiéé'

(Mt. 10:5-15; Lc. 9:1-6)

⁷Jõ lajee' job cató'r~ i dseá guitúung' quiá'r~ do jõ
canaaiñ' sñng'neiñ' do tá'~ la gáin'~ e nidsi'ééiñ'~ do dseá
júu^ quiá'~ Fidiéé', jogui cacuø'bireiñ' e qui'r~ jmi~ cajo
e quiu'r' ta~ quiá'~ jaléng' i 'líng'~. ⁸Jõ caquiú' Jesús ta~
quiá'~ i dseá guitúung' quiá'r~ do e ja' nicáin' do jíi'~ cõo`
fí lí nidsiliiñ~; jíi'~ cõo` 'ma'u'ba' 'né' só'r, jõ ja' 'né' fa'
nicár` nosúu^ quiá'r~ o'gui ir~ e nidó'r~ o'gui cuu~ cajo.
⁹Jõ jíi'~ lomii' e ó'bre 'né' cár, cõ' ja' 'né' fa' e nicáguir
e jié' o'gui sí'r~ e cõ' quié'guir. ¹⁰Jõ lalab casí'r~ i dseá
guitúung' quiá'r~ do:

—Mi~ nigüütáang'~na' fí quiá'~ dseá lí nigüilíng~na',
fí job nijá'~na' carta~ nilí lajii'~ ta~ güilíng~na'. ¹¹Jõ song

caguilíng⁻ na' cōq` quiá'⁻ dsea` lí` ja` ín[^] 'nú[^] o'gui iin[~] ninúr⁻ júu[^] e quié[^] na', joba' uøøm[^] ba' ladsifí lado quiá'⁻ i dsea` í, jō bó[^] na' lee[^] toq[~] tii[~] na' e laco' cuø' lí[~] e Fidiée[~] nicuø[^] r' dsea` do iihuí[^] uí[^] e jō.

¹² Jō lajōb cajmée[~] i dsea` guitúung[^] quiá'⁻ r⁻ do, can-gogua[~] bre júu[^] jee[~] jaléng[^] dsea` e quiá'⁻ e niquí[^] nijíng[^] yaai[~] fí quini[~] Fidiée[~]. ¹³ Jōgui ca'uøøm[^] bir jaléng[^] i 'líng[^] i teáang[^] dsí[^] dsea` lacaang[^] lí[~] guilíin⁻, jōgui cajmi[^] leáam⁻ bir i fíing[^] dsea` dsée[^] e líco[^] éer⁻ capí[^] aceite fí mogui[~] do.

Mí[~] cajúng⁻ Juan i seáang[^] dsea` jmi[~]

(Mt. 14:1-12; Lc. 9:7-9)

¹⁴ Jō eáam[^] cani⁻ júu[^] quiá'⁻ jalé[^] e eáang[^] 'gøng[^] e dsigá[^] dsí[^] dsea` e jmóo[^] Jesús. Jō mí[~] caliñí[^] dseata[~] Herodes jalé[^] e guíú⁻ e jmóo[^] dsea` do, joba' lalab cajíñ[^]:

—Jangám⁻ i nab i Juan i lami[~] seáang[^] dsea` jmi[~] i ninicají[^] tu jee[~] jaléng[^] 'lí[~], joba' eáang[^] tii[~] e jmóor[^] jalé[^] e dsigá[^] dsí[^] dsea`.

¹⁵ Jō i líing[~] gui dsea` fé[^] r' lala:

—Líib[^] i na i café[^] cuai[~] quiá'⁻ Fidiée[~] mali[~] gui eáang[^].

Jō i líing[~] gui dsea` fé[^] r' lala:

—Jaang[^] gui dsea` i fé[^] cuai[~] quiá'⁻ Fidiée[~] i na, lí[^] laco[^] gui i nicajalíng⁻ lami[~] jéeng[^] gui.

¹⁶ Dsu[^] mí[~] canúu⁻ dseata[~] Herodes e júu[^] la, joba' lalab cajíñ[^]:

—Juan i lami[~] seáang[^] dsea` jmi[~] i na, dsea` i nicajúu[^] ta[~] e cahuí[^] moguir[~], jō lifa[^] lanagui e nicají[^] tur jee[~] jaléng[^] 'lí[~].

¹⁷ Cō[^] lami[~] jéeng[^] gui do i dseata[~] Herodes do caquiú[^] r' ta[~] e catáng[^] i Juan i seáang[^] dsea` jmi[~] do jō ca'níung[^] neiñ[^] cóo[^] ní[^] cadena fí dsí[^] 'núñí[^] uí[^] jaang[^] dseam[^] i si[^] Herodías; jō i dseam[^] la líiñ[^]

dseamf̃ quiá'~ Lii~ , i rúng'~ dseá` ngáang'~ cóo'~ dseata~ Herodes do. Jo dseata~ Herodes nicajméer` lafa' dseamf̃ quiá'~ bre i dseamf̃ quiá'~ i Lii~ do. ¹⁸ Joba' lamí~ jéeng'gui ninicajíng'~ i Juan i seáang` dseá` jmií` do e casí'r~ i dseata~ Herodes do lala:

—Ja` dseeng` e jmée'~ lafa' dseamf̃ quií'~ i oo~ dseañu' rún' dseá` ngáang'~ cóo'~.

¹⁹ Jo mí~ canúu~ i dseamf̃ i sii` Herodías do lado, joba' 'nib` cangáin~ i Juan do jóng, jo dseáng'~ iin~ nijngám'~ brein' do, dsu' huím'jiu e nilí'r` lajo, ²⁰ co' nib` dseata~ Herodes guiú~ e jaang` dseá` güeang'~ líng' i Juan do jogui dseáng'~ røø` ír` í' quiá'~ jaléng' dseá` cajo. Jo uí'~ joba' ja' fí' cuø' i dseata~ Herodes do fa' eè` nijmeáng' dseá` i Juan i seáang` dseá` jmií` do. Jo nañí' fa' ja' 'ga' lí ngáng' dseata~ Herodes lajii'~ júu` quiáin'~ do, dsu' tib` dsíir` e núur` jalé' e júu` jo e íaang` dsíir'. ²¹ Dsu' coob` mí~ tí' lí~ calí'~ i dseamf̃ i sii` Herodías do mí~ tí' lí~ catí' coo` jmií` e quiá'~ cadsí'~ dseata~ Herodes jii' , jo cajméer` coo` jmií` fé' jo catø'r~ i fíng' dseá` laniing~ i seeng` fí' lí~ se' Galilea colíing~ cóo'~ jaléng' fii' 'lée'. ²² Jo lajee` e teáaiñ' e jmií` do, ca'í' i simí' quiá'~ i Herodías do fí' dsíí' sinúu` e lí~ teáang'~ jaléng' i dseañu' do e gø'r` jo cadséein~, jo dseáng'~ eáam' catí' dsíí' i dseata~ Herodes do colíing~ cóo'~ jaléng' dseañu' i caguaaang`gui do e cadséeng` i simí' do. Joba' cajíng'~ dseata~ Herodes casí'r~ i simí' do lala:

—Míi'~ jnea~ lí'~ doñí' eè` iin'~, jo nicuø`baa.

²³ Jo dseáng'~ cacuø'bre júu` quiá'r~ i simí' do e nicuø'~ brein' do lí'~ doñí' eè` iin'~ do nañí' fa' condseá'~ uø' lí' quiu'r` ta'. ²⁴ Joba' mí~ canúu~ i simí' do lado, jo cagüi'fí'bre jo cangám'~ bre fí' lí~ guíing~ niquiá'r` jo lalab cajming'~ dseá` do:

—¿E~ nimí'~ i i dseata~ do, Nea~?

Joba' cañíi̇ ì niquiá'r^ do jò lalab casí^- reiñ':

—Míi'r~ mogui~ Juan ì seáang`dsea` jmiì do.

²⁵ Jò ì simí^ do dsifí' ladob ngó~ tur güi'íí' fí' lí~ guing~ dseata~ Herodes, jò mi~ caguiér~ fí' jò lalab casí^- reiñ':

—Lana iin~ n e nicuó'^ jnea~ mogui~ Juan ì seáang`dsea` jmiì fí' cõõ` dsíí' huíí'.

²⁶ Jò mi~ canúu~ dseata~ Herodes lado, eám' fí'í' calíiñ~, jò dsucó' jéem' nicacuø'guir júu^ quiá'r~ fí' quini' jaléng' ì dsea` niing~ ì cagó'^ colüing~ cõõ'r~ do e nicuó'^bre ì simí^ do lí^ doñí' ee' iin~, jòba' lajob 'né~ jmér~. ²⁷ Jòba' dsifí' ladob casíiñ' jaang` 'léé~ fí' lí~ iuung~ ì Juan do fí' dsíí' 'nuñí^, jò caquiú'r' ta~ ì 'léé~ do e niquiúin'~ mogui~ ì Juan do. ²⁸ Jòba' cangób~ ì 'léé~ do fí' dsíí' 'nuñí^, jò cangoquiúu'~bre mogui~ ì Juan do, jò cacór~ e iú~ fí' cõõ` dsíí' huíí', jò cajá'~bre ì simí^ do, jò ì simí^ dogui cajá'r' niquiá'r^'. ²⁹ Jò mi~ caliñí' jaléng' ì dsea` ì ngí' cõõ'~ Juan ì seáang`dsea` jmiì do e nicalí~ lado, jòba' dsifí' lajob camir' fí' e nitóø'bre ì 'líi~ do e quiá'~ e ni'áang~ neiñ'.

Mí~ cahéng' Jesús 'ñiá` mil dseañu'

(Mt. 14:13-21; Lc. 9:10-17; Jn. 6 :1-14)

³⁰ Jò mi~ cangí' jalé' e jò, caquim'~tu jaléng' ì dsea` guitúung` do fí' lí~ cangolíiñ~ e cangoguiar~ e júu^ do, jò caseám'tur cõõ'~ Jesús jò cajú'r' júu^ fí' quini' dsea` do cuaiñ~ quiá'~ jalé' e nicajméer` cõõ'~gui jalé' e nica'er' do. ³¹ Jò cõ' dseáng'~ eám' seeng` dsea' fí' jò e jíí' ja` jøøng~ Jesús cõõ'~ ì dsea' quiá'r~ do e cõ' dó'r~ ir~, jòba' lalab casí'~ Jesús ì dsea' quiá'r~ do:

—Ñilíng~ na', má~ aa' yee~ naa' e nijmi'íng'~naa' cateá' fí' cõõ` lí~ ja` ií' 'ga' lí dsea` ngí'.

³² Jòba' ca'lb~ Jesús colüing~ cõõ'~ ì dsea` guitúung` quiá'r~ do fí' cõõ` dsíí' móó' jò cangolíiñ^ fí' cõõ` lí~ ja' 'ga' lí dsea` ngí'. ³³ Jò dsu' fíim' dsea` cangáng~ ír' e cangolíiñ~,

jo calicuím`bre dsea` do, joba' lajiim` dsea` i seeng` có-
 quiá'- do cangolíin` fí' jo, jo jéeng` guib i dsea` i caguilíin`
 laco'gui Jesús. ³⁴ Jo mi` tí' lí' cagúii'fí' Jesús e fí' dsíi' e móo'
 do, jo cangáin` dseáng'- i 'leáam` dsea` i caseáng' fí' jo,
 joba' calí' fíi` líim` breiñ' do dsuco' teáaiñ'- do la teáang`
 jo'se' i ja` seeng` i to' fíing` íre'. Joba' canaam`bre e'r' i
 dsea` do jalé' júu` quiá'r-. ³⁵ Jo mi` tí' lí' ca'lóo- e jmiñ`
 jo cangoquíeeng` i dsea` guitúung` do fí' lí' sing' Jesús jo
 casí'r- dsea` do lala:

—Fíi'naa', nica'lóob- la, jo e fí' lí' taang`naa' la ja` ii`
 dsea` seeng`. ³⁶ I' júu` jaléng' i dsea` na, jo güidsilíin`
 lacaang` fii'jiu e néé' có- quiá'- na e laco' nidsileáá'jiu e
 nidó'r-.

³⁷ Jo lalab cañii` Jesús quiá'- i dsea` quiá'r- do:

—Cuóo'~ 'nú' jaléng' i dsea` na e nidó'r-.

Joba' cañii` i dsea` quiá'r- do lala:

—¿ling` 'ñu` e nidsileá'naa' iñi'^ cóo'~ doscientos cuu`
 denario jo nicuóo'~naa' jaléng' i dsea` na e nidó'r-?

³⁸ Jo cañii`tu Jesús quiá'- i dsea` guitúung` quiá'r- do jo
 casí'- reiñ' lala:

—¿Jó' iñi'^ si'má' 'nú'? Güijóo'-na' jóo'~ tíi'.

Jo mi` caguijóo` i dsea` guitúung` do jóo'~ iñi'^ tíi', joba'
 caguo' júu` e lajii`~ 'ñiáb` iñi'^ tíi' cóo'~gui jíi`~ gáng` 'ñu`.

³⁹ Jo mi` canúu` Jesús e jo, caquiur' ta` i dsea` guitúung`
 quiá'r- do e niguiéiñ'- jaléng' i dsea` do tá'- có nibóo`
 fí' ni` ñii'. ⁴⁰ Jo lajob cajméiñ' do, caguá'bre tá'- cien
 cóo'~gui tá'- cincuenta. ⁴¹ Jo mi` nineáng` i dsea` do
 røø` tá'- có nibóo`, joba' Jesús catíin` laji` 'ñiá' e iñi'^ do
 cóo'~gui laji` gáng` i 'ñu` do jo cajóo'r` fí' yú'^ jmiçúf, jo
 lajoba' cacuo'r' gui'máang'~ Fidiéé` quiá'- jalé' e jo. Jo mi`
 calí' jo, cafiim`bre e iñi'^ do jo cacuo'r' i dsea` guitúung`
 do quiá'r- e laco' ígui nijmé` guiéé` jee` jaléng' i dsea`
 do. Jo gui lajobi i 'ñu` do cajo, cacuo'bre e laco' nijméiñ'-

do guiéé[^] cajo. ⁴² Jò lajìim` ì dseà` do cagó'r` ie` jò car` calitaaín` guiá` . ⁴³ Jò mi` cali` gó'r`, lajìiin` do caseáam`-bi guitú'gui 'matá[^] e røøng` téé!`- 'ná[^] iñí[^] còo`~gui 'náng[^] ì 'ñu` do. ⁴⁴ Jò lajee` lajìing` ì dseà` ì cagó` do ie` jò, tíi`bre la 'ñiá` mil dseañu`.

Mi` cangi` Jesús fí` ni` jmiì`

(Mt. 14:22-27; Jn. 6:16-21)

⁴⁵ Jò mi` cangi` lajò, caquiù' Jesús ta` jaléng` ì dseà` guitúung` quiá'r` do e nidsitáang`-tùin` do fí` dsíi` móo` e quiá`- nicuóin` do e guiéé` do jééng`guijiur laco' ír` jò niguilíin` fí` còo` fii` lí` sii` Betsaida lajee` e íi` Jesús júu` jaléng` ì dseà` caguiang`-gui do. ⁴⁶ Jò mi` nica'fir` júu` jaléng` ì dseà` do, cajgóo`-bre fí` còo` yú[^] mó' 'ñia'r` e quiá`- nidsiféin` Fidiéé` . ⁴⁷ Jò mi` tí` lí` canuu` e jmiì` jò, catí` guiá[^] jóob` e guiéé` do ningóo` e móo` lí` teáng` ì dseà` guitúung` quiá'r` do. Jò fí` ni` guóo`- uó` quiú`-bi sing` Jesús 'ñia'r`. ⁴⁸ Jò job` mi` cangár` e jò nidsijeng` fí` røø` e móo` do, dsuco' lí[^] lí` cøøm` 'lea' guí. Jò mi` tí` lí` ningóo` nijneá` cangoquiém` Jesús fí` lí` ngóo` e móo` do lí` teáng` ì dseà` guitúung` quiá'r` do, jò cangíiin` e ngi`bre fí` ni` jmiì`. Jò mi` tí` lí` catáaiñ` e móo` do, cajméer` lafa' e cangíim`bre. ⁴⁹ Jò mi` tí` lí` cangá` ì dseà` guitúung` do quiá` e ngóor` ngir` fí` ni` jmiì`, joba' ca'f` dsíin` do e jaang` dseà` guíb` do, joba' ca'óor` teá, ⁵⁰ cò' lajìim`bre cangáin` dseà` do, joba' eám` cafóin`. Dsu' ladsifib` cañi` Jesús jò casí'r` ì dseà` guitúung` do lala:

—¡Teá` teáng` óo`na!; jneab` la, ja` føøng`-na!

⁵¹ Joba' ladsifí` lajòb` cajgóor` dsíi` e móo` do, jò ladsifí` ladob ca'uáang` e íi` guí cajo. Jò dseáng`- eám` cangogá` dsíi` ì dseà` guitúung` do, ⁵² cò' ja` mí` cangám`-biin` do e` guóng` e lí` e quií`- jmiì` e cajmée` dseà` do còo` e iñí[^] do, dsuco' dseáng`- sijniib` moguiñ` do, jò uíi`- joba' e ja` ngáin`.

Mi~ cajmi'leáang~ Jesús jaléng' dsea` dsée' fí' Genesaret

(Mt. 14:34-36)

⁵³ Jo cacuo'bre cóo' dsea` guitúung` quiá'r~ calé' catú~ e guiée' do, jo caguilíin~ fí' guóo' uó' lí' se' Genesaret, jo fí' jo lí' ca'ná'r' e móo' do fí' 'ni' e guiée' do. ⁵⁴ Jo ladsifí' mi~ tí' lí' cajgáiin~ e móo' do, dsifí' calicúing` jaléng' i dsea` i seeng` do Jesús. ⁵⁵ Joba' cangí' jaléng' i dsea` do fí' la'úng~ fí' lí' se' Genesaret, jo canaain~ jéein~ jaléng' dsea` dsée' quiá'r~ i dsiing~ ni~ 'ma' fí' lí' ñir' e táang` Jesús. ⁵⁶ Jo doñi' jié' lí' dsée' Jesús, si lacaang` fiñ' pí'^ osi lacaang` fiñ' cóo' osi lacaang` jenuu' é, jo dsijéeng` dsea` jaléng' dsea` dsée' quiá'r~ fí' jee~ 'núu', jo mi' dsea` do jmi'lee' Jesús e fa' capíb'^ sí'^bre nigüí' i dsea` dsée' do. Jo lajiing` i dsea` dsée' i güi' capí'^ 'ni' sí'^ dsea` do, ladsifí' ladob 'láaiñ^.

7

Jial lí' mi~ jmiróng` dsea` dsee~ yaaiñ~

(Mt. 15:1-20)

¹ Jo mi~ cangí' jo, cóo` tú~ míing' dsea` Israel i líing' dsea` fariseo cóo' gui tú~ 'ni' míing' tifa' quiá' júu` quiu' ta~ quiá' dsea` Israel, jo jaléin~ do jalíin~ fí' Jerusalén jo cangoquiéein~ fí' lí' sing' Jesús. ² Jo mi~ cangá~ jaléng' i dsea` do e i líing~ lajee' dsea` guitúung` quiá' Jesús gø'r' e ja' mí cajmitir~ e ru'r' guóor' lí' laco' qui' tting` dsea` góor` dsea` Israel, jo uí' joba' canaang` i dsea` do fé'r' ga` uii~ quiá' i dsea` i ngí' cóo' Jesús do. ³ Co' jaléng' i dsea` fariseo do cóo' gui jaléng' dsea` Israel i caguiaang~ gui mi' 'noo'bi jmitir~ laco' qui' tting` 'líi~ dsea` áang' quiá'r~ e ja' mí dól'r~ ir~ fíng song ja' mí cajmitir~ e ru'r' guóor` dseáng' laco' sí'f'. ⁴ Jogui cajo mi~ niquiin~ e dsileáar' jalé' e gø'r' fí' 'móo', ja

cuøong` dør`- fing song ja` mí cajmitir~ e ru'r` guóor` laco`
quí`- tñiñ. Jo jmguiũ`bi jalé` e quí`- tñiñ` e jié`gui e
'né` nijmitir~ dseáng`- laco` si'í^, fa' la e 'né` ru'r` jalé`
vas cóo`-gui jalé` dsũũ` cóo`-gui jalé` e jmáñ` ta~ e líí
ñí^ jogui lajobi ni~ li~ güññ` cajo. ⁵ Jo uí`- joba' jaléng`
dsea` Israel i líng` dsea` fariseo cóo`-gui jaléng` i tifa' do
cajming`r`- Jesús jo casí`r`- dsea` do lala:

—¿Jialí` jaléng` dsea` quí`- ja` núu`r` fa' e jmitir~ lajii`-
e quí`- tñing` 'lii~ dsea` áang` quí`-naa', dsea` Israel, có' ja`
ru'r` guóor` laco` si'í^ nú`-gui e nidó`r`- ir`?

⁶ Joba' cañíi` Jesús quía`- i dsea` do lala:

—E jáb`- laco` café` jaang` dsea` i café` cuaiñ~ quía`-
Fidiéé` malii~gui eáang` i calisí` Saíi` mi~ café`r` uii` quí`-
'nú` e líng`na' dsea` i jmicaang~ cóo`- jalé` e fó`na', có'
lalab cajme' dsea` do ie~ jo:

Jaléng` i dsea` na lico` fé`bre e jmi`gór` jnea~ jii`- cóo`-
layaang~ júu^ quía`-bre,
dsu' huim` seeng` jalé` e í` dsíur` do e jmi`gór` jnea~.

⁷ Dsu' ja` eé` ta~ íng` quía`r`- jii`- cóo`- jialcó' jmiféiñ` jnea~,
có' lico` jmitir~ lajii`- ta~ quíu' dsea` jmgüíb`.

⁸ Có' 'nú` tiúum`ba' lajii`- júu^ quíu' ta~ quía`- Fidiéé`
jo lí^ jmití`na' dseáng`- lajii`- e quí`- tñing` la'ó' dsea`
jmgüí`.

⁹ Jogui casí`-biguir i dsea` do lala:

—'Nú', lico` jmití`na' laco` quí`- tñing` 'lii~ yáu`-
quí`-ba' jo dsu' ja` jmi`goo`na' laco` catñing` júu^ quíu' ta~
quía`- Fidiéé`. ¹⁰ Có' lalab cajíng`- Moi~ malii~gui eáang`:
“Jmi`goo` tiquíi`^ cóo`- niquíi`^”, jogui cajíng`-guir: “I
dsea` i cuø` júu^ 'li' tiquía`^ osi niquía`^ é, joba' ñi Fidiéé`
í` e 'né` nijúung`- i dsea` la'í.” ¹¹ Jo dsu' 'nú` fó`na' e
jaang` dsea` cuøom` nisí`r` tiquía`r`^ osi niquía`r`^ é: “Ja`
cuøong` lí` jmicóo`-o 'nu` lana, có' lajaléb` e sea` quíe` e e
líí` Corbán” (jo e la guóng` e nicacuøøø Fidiéé`); ¹² jogui

fó'bi 'nú' cajo e i dsea`i fé' lajo jo`'né fa' e nijmicóo'~ guir tiquiá'r^ osi niquiá'r^ é. ¹³ Jo mi~ jmoo' 'nú' e jo e jmití' na' jalé' e júu^ e casée' dsea' mí' áang' quíi' na', joba' ím-ba' lajii'~ e júu^ quíi' ta~ quíá'~ Fidiée'. Jo jmiguiá'bi jalé' e jíe' e ja`dseeng' e cøøng`jiu røø` laco' e la e jmoo`gui 'nú'.

¹⁴ Jo mi~ cangf`gui lajo, catø'~tu Jesús lajiing` i dsea` do jo casí'r~ lala:

—Núu~na' júu^ quié~ e lajiing`na', jo jmee~na' úung` e ningáng`na': ¹⁵ Jíi'~ cøø` e í' gø' dsea` cuøøng` lí jmé~ e nili'liiñ'^ fí quini' Fidiée'. Co' lí' lí lajii'~ e ga' e í dsíib' dsea`, e job e jmoo' e li'liiñ'^ fí quini' Fidiée' jóng. ¹⁶ Joba' fíi' i 'nú', jaléng' 'nú' i dsi~ loguá^, núu~na' jalé' e júu^ quié~ e la.

¹⁷ Jo mi~ cangf` jo, ca'fí~ Jesús júu^ jaléng' i dsea` do, jo ca'í'r~ fí dsíi' sinúu^ cøø'~ lajii'~ dsea` guitúung` quiá'r~, jo fí jo i dsea` quiá'r~ do cajmingí'~ reiñ' cuaiñ~ quíá'~ e júu^ na. ¹⁸ Jo lalab cañíi' dsea` do quíá'~ i dsea` quiá'r~ do:

—¿Su o'gui 'nú' mí' ngám'bi' lajii'~ e júu^ la cajo? ¿Su ja' mí' ní'na' e jíi'~ cøø` e jáa' fí caluu' cuøøng` sea' lí jmé~ e nisó' dsea` fí ga' jo e nijmi'ling'^ yaaiñ~ fí quini' Fidiée'? ¹⁹ Dsüco' jalé' e jo ja` dsitoo'~ fí dsíi' dsea`, co' lajii'~ fí dsíi' tub' dsea` lí ngíing' e jo, jo mi~ ningf` jo, joguiba' e uøø` fí caluu'.

Jo cajíiñ'~ lajo e laco' jmóor` júu^ e guiúb~ lajaléb' e gø' dsea`, jo ja' e sí'li'^ fí quini' Fidiée'. ²⁰ Jøgui cajím'~ biguir cajo lala:

—Jalé' e í dsíi' dsea`, jalé' e joba' uíng~ e jmi'ling'^ yaaiñ~ fí quini' Fidiée' dsüco' fí gab` cár. ²¹ Dsüco' fí dsíi' dsea` lí uíng~ e í dsíir' jalé' e ga' fa' jalé' e la: e 'léé' dsea` e güiñiñ' cøø'~ dseañu' osi dseamf` i o' catíiñiñ~, joguijmóor` ta~ jngang' dsea` rúng', joguijmóor` ñi' quíá'~ jaléng' dsea` rúñiñ' cajo, ²² jogui suuiñ' jalé' e sea` quíá'~ dsea` rúñiñ', jogui jmóor` jalé' e 'li'^ e ja` dseeng', jogui

jmóor` ta~ jmígóo`, jogui jmóor` jalé` ta~ ja` dseeng` e sea` fí` jmigüí, jogui eáang` dsihuíiñ` quía` dsea` rúin`, jogui eáang` tí` dsíir` fé`r` jalé` júu` ta~ júu`, jogui eáang` jmijlõng` yaaiñ~, jogui ja` mí` ca`f` dsíir` røø` cóo` jalé` e jmóor`. ²³Jo jalé` e ja` dseeng` laba` e uøø` fí` dsíi` dsea`, jo e joba` e jmóo` e cár` fí` ga` e laco` jmi`ling` yaaiñ~ fí` quini` Fidié`. Jo e job júu` quié` e.

Mi~ já` calíng` jaang` dseamf` i ja` líng` dsea` Israel júu` quía` Jesús

(Mt. 15:21-28)

²⁴Jo mi~ cangf` jo, jo cagüi`fíb` Jesús fí` jo, jo cangór` fí` lí` se` Tiro cóo` lí` se` Sidón. Jo mi~ caguiér` fí` jo, ca`ír` fí` cóo` dsíi` sinúu` co` ja` iin~ e caliñi` jíi` jaang` dsea` jie` fí` táaiñ`; dsu` ja` calí`r` fa` ca`méeiñ~, ²⁵co` ladsifí` ladob caliñi` niquía` jaang` simí` i ni`iuung` i `ling` dsíi` jie` fí` lí` táang` Jesús. Joba` ladsifí` ladob cangór` fí` quini` dsea` do jo casí`r` uø` jnir` fí` uii~ tñiñ` do. ²⁶Jo i niquía` i simí` do seeiñ` fí` lí` huí`, fí` cóo` fi` jíé` laco` góo` Jesús, fí` cóo` lí` sii` Sirofenicia. Jo mi~ cangoquiéeiñ` fí` lí` sing` Jesús, jo camí`r` dsea` do fa` niguín` i `ling` i iuung` dsíi` i simí` quía`r` do. ²⁷Jo cañi` Jesús quía` i dseamf` do lala:

—Cuø` fí` e cuøøng` jaléng` jóo`bi dsea` nidó` la`uii~, dsuco` ja` dseeng` e niguí` dsea` e iñi` e gø` jiuung` quía`r` jo nicuø`r` jaléng` dsii`.

²⁸Joba` cañi` i dseamf` do quía` Jesús lala:

—Jáb`, Fíi`, lajob líi`, dsu` e jáb` cajo e jaléng` dsii` i teáang` uii~ mes` sitíim`bre` jalé` cuíi` iñi` e sojiá` quía` jóo` dsea`.

²⁹Joba` cañi`tu Jesús quía` i dseamf` do:

—Jáb` quíi`, dseamf`, nicuøøm` guøn` fí` quíi` lana, co` lana nicagüi`fíb` i `ling` i lami~ iuung` dsíi` i simí` quíi` do.

³⁰ Jo cangám' i dseamf̂ do fí' quiá'r, jo mi~ caguiéiñ' fí' jo, cadséiñ' i simí' quiá'r do fí' ni~ co'ma' e niguiúmbiñ' do, co' nicagüi'f̂b' i 'ling' i lamí' iuung' fí' dsír' do.

Mi~ cajmi'leáang' Jesús jaang` dsea` güiing~ jogui i ja` lí' fé'

³¹ Jo mi~ cangf̂gui lajo, cagüi'f̂b' Jesús e fí' guóo' uó' lí' se' Tiro, jo cangf̂iñ' fí' lí' se' Sidón cóo' gui jalé' f̂h' e née' fí' lí' se' Decápolis, jo caguié' tur e fí' lí' née' e guiéé' Galilea do. ³² Jo fí' job caguiliing' dsea' i jéeng' jaang` dseañu' i güiing~ jogui i ja` lí' fé'. Jo camí' jaléng' i dsea' do e fa' Jesús niquidsir' guóor' fí' mogui~ i dsea' dséel' do. ³³ Joba' cajéeng' Jesús i dseañu' do fí' lí' lacaang' lí' siñ' fí' lí' ja' teáang' dsea' jiéng', jo catá'r niguóor' fí' dsí' tó' logua~ i dseañu' do, jogui ca'níir' capí' jo cóo' capí' jme'e'r' cagüi'r' nisí' i dseañu' do. ³⁴ Jo mi~ cangf̂ jo, caséer' nir' fí' yá' jmigüi' jo caseáang' dsír' casí'r' i dseañu' do:

—¡Efata! —e guóng': ¡Güineab~ loguá'!

³⁵ Jo dsifí' mi~ café'r' lajo, ladsifí' lanab cana' logua~ i dseañu' do jogui canaang' fé'bir' guiú' cajo. ³⁶ Jo caquiú' Jesús ta~ jaléng' i dsea' do e ja' iñ' nisíiñ' jí' jaang'. Dsu' fa' jmiguiú' gui ya' e quiú' Jesús ta' e ja' niguiá' jaléng' i dsea' do júu', eáang' gui'b' guiá' i dsea' do. ³⁷ Jo eám' dsigá' dsí' jaléng' i dsea' i cangá' jalé' e jo, jo lalab fé'r':

—Lajaléb' e jmóo' i dsea' na eám' guiú', co' lí'bre jmér' e ninú' tu jaléng' dsea' güiing~ jogui jmér' cajo e nifé' tu jaléng' dsea' i ja' lí' fé'.

8

Mi~ cahéng' Jesús quiú' mil dsea'
(Mt. 15:32-39)

¹ Jo mi~ cangf̂ jo, jo cō` jmiĩ~ caseáng' tu dsea` calé' catú~ fí lí~ táang` Jesús, jo cō' ja` sea` e nidó'~ guiiñ' do, joba' cató'~ Jesús i dsea` guitúung` quiá'r~ do jo casí'~ reiñ' lala:

² —Eáam' ffi~ llin~ n jaléng' i dsea` na, cō' lana catí' 'ní jmiĩb~ e taaiñ~ la cōo'~ jneaa'~ aa' jo jíi'~ cōo` ja` e sea` dó'r~; ³ jogui song jnea~ niguiéen'~ nre fí' quiá'r~ e nidsihér' ir~, dseáam'~ ni'uó'r' guíá'^ fí', cō' seem'biñ' na e jalíiñ~ lí~ huíi~.

⁴ Jo cañíi` i dsea` guitúung` quiá'r~ do lala:

—¿Jial í' óo' 'nũ, Fii'naa', e cuøøng` nihéng' naa' i dsea` na? cō' fí' la ja` seeng` dsea` i 'níi' e gø' dsea`.

⁵ Jo cajmingí'~ Jesús i dsea` guitúung` quiá'r~ do lala:

—¿Jó' iñí'^ si'mang'^ 'nú'?

Jo cañíi` i dsea` quiá'r~ do:

—E guié~ba' sea`.

⁶ Joba' caquiá' Jesús ta~ e nigüea` jaléng' i dsea` do tá'~ cō` nibøø' fí' ni~ uó^, jogui mifíing` casá'~ bre laji' guié~ e iñí'^ do jo cajóø'~ fí' yú'^ e cuø'r' gui'máang'~ Fidiée'. Jo ngí' jo, caffíiñ' e iñí'^ do jo mifíing` cacuø'r' i dsea` guitúung` quiá'r~ do, jo í' guib cajmée' guíee^ e do jee~ jaléng' i dsea` do, ⁷ jogui nisi'mam'^ bir jaang` gáng~ 'ñũ cajo. Joba' lajob cajmée' Jesús cóoiñ'~ do cajo, jang'~ cacuø'r' gui'máang'~ Fidiée', joguiba' caquiá'r' ta~ dsea` quiá'r~ e nijméiñ'~ do guíee^ jee~ jaléng' dsea`. ⁸ Joba' lajim'bre cagó'r' ie~ jo car` calitaaiñ~ guíá~, jo casé~bi guíe~gui 'matá^ e tée~ jalé' 'ná'^ e casé~gui do. ⁹ Jo jaléng' i dsea` i cagó' ie~ jo tíi'bre jiu~ ja' quiá' mil. Jo mi~ cangf̂ e cagó'iñ' do, ca'íib~ Jesús júu^ e dsilíiñ' do. ¹⁰ Jo ngí' jo, cajgóob~ Jesús calé' catú~ fí' ni~ móo' colíing~ cōo'~ jaléng' dsea` guitúung` quiá'r~ jo cangolíiñ'^ fí' lí~ se' Dalmanuta.

Mi~ camí dsea` fariseo cōo` e li~ e quíi~ jmií~

(Mt. 16:1-4; Lc. 12:54-56)

¹¹ Jō lajee~ e nitáang` Jesús fí' ni~ guóo~ uó~ jō, jōb mi~ caguilíng~ dsea` góor` i líng` dsea` fariseo e canaaíñ` dsihuíng` júu^ quiá'r~ cōo~ dsea` do. Jō laco' niguié'r' jial ni'níñ~ dsea` do fí' quini~ dseata~, jōba' camí'r' dsea` do e fa' nijméiñ~ do cōo` e li~ e quíi~ jmií~, jō lajōba' nicuó~ li~ e Fidiéeb~ dsea` casí' quiá'r~. ¹² Jōba' caseáang` dsíí' Jesús e lajang~', jō ngí jō cajíñ~':

—¿Jialí' mii~ na' jnea~ e nijmee~ e cōo` li~ e quíi~ i jmií~, cō' jnea~ dseáng~' fá'baa condsee' e jíi~ cōo'gui lajō nijmee~ e fí' quini~ na'?

¹³ Jō dob caseáaiñ` i dsea` do jō ca'lb~ tur fí' dsíí' móo' jō cangór~ lí^ lí' 'ngóo~ cataang` e guieé' do.

Jial líng` dsea` fariseo

(Mt. 16:5-12)

¹⁴ Jō ie~ jō nica'ím~ dsíí' dsea` quiá'r~ fa' e nicár` e nidó'r~, jō la nitíng~ cōo` iñí'^ba' niquie'guir fí' dsíí' e móo' do. ¹⁵ Jō cajíng~' Jesús casí'r~ i dsea` guitúung` quiá'r~ do:

—Ñiing~ óo'na' cōo~ jalé' e e' dsea` Israel i líng` dsea` fariseo cōo~gui jalé' e e' dseata~ Herodes, cō' jalé' e e' jaléng` i dsea` í lí' lafa' quie'^ iñí'^.

¹⁶ Jō i dsea` guitúung` do lí^ cajer' siiiñ` lajee~ la'ó' yaam~bre cuaiñ~ quiá'~ e ja` quier' iñí'^, ¹⁷ dsu' calilíb'^ Jesús lajíi~ e sítng` i dsea` do, jōba' casí'~reiñ' do lala:

—¿Jialí' fón' 'nú' e ja` iñí'^ quie~na'? ¿Su ja` mí cangám'bi' o'gui mí calilí'^bi'? ¿Su dseáng~' eám' sijní' moguí'na'? ¹⁸ Cō' téeb~ jminí'^ 'nú', dsu' ja` jné'na'; jōgui dsi~bi loguá'na' cajo, dsu' ja` nuu'na'. ¿Su ja` tōo~ óo'na'? ¹⁹ ¿Jóo~ 'matá^ e røøng` téé~ 'ná^ e caseáng~gui

jo casitíng' 'nú' ie~ mi~ cafiing- jnea~ 'ñiá' iñi'^ e cagó'^
'ñiá' mil dseañu'?

Jø cañii' i dsea` guitúung` do:

—Tíib' guitú' do.

²⁰ —Jøgui mi~ cafiing- jnea~ e guié- iñi'^ do e cagó'^
laji` quiú` mil dsea`, jjóo'~gui 'matá^ e røøng` téé'^ 'ná'^
casití' na'?

Jø cañii'tu i dsea` do:

—Tíib' guié-.

²¹ Jøba' casí'-tũreiñ' lala:

—¿Su ja` mi' ngám'bi' latí' lana jóng?

Mi~ cajmi'leáang- Jesús jaang` dsea` tiuung- fí' Bet-
saida

²² Jø mi~ cangf'gui lajò, caguilíng- Jesús cóo'^ dsea`
quíá'r- fí' Betsaida. Jø lajee` e nitaaiñ` fí' jø, caguilíng-
dsea` jéeiñ` jaang` dsea` tiuung- fí' quini` Jesús, jø mi'r'
dsea` do fa' e nigüüñ'- capi'^ i dsea` tiuung- do. ²³ Jøba'
catíng- Jesús guoo` i dsea` tiuung- do jø cangojéeiñ` fí'
lí' 'ni' fii'. Jø cajmijmí'r^ jmini` dsea` do cóo'^ jme'e'r',
jø ngf` jø caquidsir` guoor` fí' moguiñ'^; jø mi~ calí- jø,
cajmingí'- reiñ' su nilí' jøør- capi'^. ²⁴ Jøba' cajíng'- i dsea`
tiuung- do e nicuøøm`jiu lí' jøør- jø cajíñ'-:

—Nimáam'baa jaléng' dsea`. Jøø-ø e jnéeng- lafa' 'ma`
e ngí'.

²⁵ Jøba' caléb'^ catú- caquidsí' Jesús guoor` fí' ni~ jmini` i
dsea` do, jø ladsifí' lanab calijné'^ i dsea` do jø ca'lláam-bre,
jø dseáng'- røøb` nijøør- jóng. ²⁶ Jø caquiú'^ Jesús ta~ e
cangám'-biñ' do fí' quiá'r- jø casí'- reiñ' do lala:

—Ja` güiguiá'^ júu^, melé^, cóo'^ jalé'^ e cajmé- e cóo'^
'nu`.

Mi~ cajíng'- Tú^ e Jesús líiñ' Dsea` Jmáang-
(Mt. 16:13-20; Lc. 9:18-21)

²⁷ Jò mi~ cangígui lajò, Jesús colíng~ cóo~ jaléng' dsea` guitúung` quiá'r~ cangolíñ^ lacaang` jalé' fii`jiu e neé' lí` se' Cesarea quiá'- Filipino. Jò lajee` ngolíñ~ e teáaiñ' fí', cajmingí' Jesús i dsea` guitúung` quiá'r~ do lala:

—¿I~ í dsí' dsea` e líng' jnea~?

²⁸ Joba' cañí' i dsea` guitúung` do lala:

—I líng~ dsea` fé'r' e lin' Juan i lamí~ seáang` dsea` jmi~, jogui i líng~gui fé' e lin' Líí, jogui i líng~gui fé' e lin' jaang`gui dsea` i café` cuaiñ~ quiá'- Fidiéé` malíi~gui.

²⁹ —Jogui 'nú', ¿i~ fó`na' e líng' jnea~?

Jò cañí' Tá^ Simón quiá'- Jesús lala:

—'Nub` dsea` i líng' Dsea` Jmáang~ i casíng` Fidiéé` cuaiñ~ quiá'r~ e laco` nilaan'- dsea` jmigüí.

³⁰ Jò caquiú' Jesús ta~ i dsea` quiá'r~ do e ja` nifé' dsea` do júu^ uii~ quiá'r~ fa' nisí'r` dsea` jiéng'.

Mi~ cajmée` Jesús júu^ e tí' nijngáng'- dsea` ír`

(Mt. 16:21-28; Lc. 9:22-27)

³¹ Jò cóob` mi~ canaang` Jesús e'r` jaléng' dsea` guitúung` quiá'r~ e dseáng'- nisi'ím^bre e ni'ín' iihuí' dseáng'- e eáang`, íb` dsea` i cajar~ fí` ñifí' e líiñ' jaang` dsea` jmigüí, jogui e jaléng' yúu~ dsea` cóong~ i teáang~ nifí' quiá'- dsea` góor` dsea` Israel cóo~gui jaléng' fii~ jmidsea` quiá'r~ cóo~gui jaléng' tifa' quiá'- júu^ quiú' ta~ quiá'r~ nilí 'ní' níim~bre dsea` do. Jogui casí'~guir i dsea` quiá'r~ do e nijngám'- dsea` ír`; jò dsu' mi~ nití' 'ní' jmi~ lajò, nijí'b'tur calé' catú'. ³² Jò dseáng'- júu^ røøb` cajmea'r' i dsea` guitúung` quiá'r~ do. Jò mi~ canúu~ Tá^ Simón lajò, cajééiñ` Jesús fí' cóo` lí~ ja` ii` núu, jò canaaiñ` jíim~bre dsea` do. ³³ Dsu' caji'tu Jesús nir~ fí' lí~ caseáaiñ' dsea` quiá'r~ i caguiaang~gui do jò cajøøng~neiñ', jogui cajíiñ~ Tá^ Simón jò casí'r~ lala:

—jÉeng^l cáanⁿ, Satanás! Ja^l jnín^l jnea^l fí^l, cō^l 'nū^l ja^l ngáng^l lacō^l jú^l e í^l dsí^l Fidié^l, cō^l lajú^l e lí^l quiá^l dsea^l jmigü^lba^l ñí^l 'nū^l.

³⁴ Jo mi^l cangí^l jo, cató^l Jesús dsea^l guitúung^l quiá^lr^l cóo^l gui jaléng^l dsea^l caguaiang^l gui jo casí^l rein^l do lala:

—Song ii^l dsea^l iing^l ni'uíng^l dsea^l quié^l e, güütár^l jalé^l e lí^l dsír^l 'ñia^lr^l jo güiseaiñ^l lafa^l crúu^l quiá^lr^l e lacō^l cuø^l lí^l e guia^l dsír^l e nidsingüiñ^l jalé^l e huíng^l uí^l e líiñ^l dsea^l quié^l e, jo lajoguiba^l ningír^l cóo^l jnea^l jóng.

³⁵ Cō^l lí^l doñí^l ii^l dsea^l í^l dsí^l e lí^l bre nileáng^l 'ñia^lr^l jee^l jalé^l dsee^l quiá^lr^l, jo dsu^l i^l dsea^l î^l conguiab^l nibíiñ^l fí^l lí^l 'lí^l; jogui doñí^l ii^l dsea^l nijúuiñ^l uí^l e líiñ^l dsea^l quié^l e jogui uí^l e ni^lr^l júu^l quiá^l jial laang^l dsea^l jee^l jalé^l dsee^l quiá^lr^l, joba^l i^l dsea^l î^l nitíim^l bre fí^l quini^l Fidié^l jóng. ³⁶ Cō^l ¿e^l ta^l íng^l quiá^l jaléng^l dsea^l jmigü^l e seeiñ^l e silí^lr^l jmiguiú^l fí^l jmigü^l la song si'naam^l bre lata^l cóo^l jnea^l mi^l nijúuiñ^l? ³⁷ Osi ¿jial tí^l cuøng^l sea^l lí^l quí^l jaang^l dsea^l e lacō^l nilí^lr^l nitíiñ^l fí^l quini^l Fidié^l é? ³⁸ Cō^l song jaang^l dsea^l jmóor^l í^l líiñ^l uii^l quié^l e jogui uí^l quiá^l jalé^l júu^l quié^l e e guiaa^l fí^l quini^l jaléng^l dsea^l dsee^l dsea^l quí^l i^l ja^l já^l líng^l e júu^l jo, joba^l lajob jnea^l cajo, dsea^l lín^ln jaang^l dsea^l jmigü^l i^l jáá^l fí^l ñifí^l, nijmee^lbaa í^l lín^ln quiá^l i^l dsea^l î^l mí^l tí^l lí^l nití^l í^l e nigáa^ltúu calé^l catú^l fí^l jmigü^l la e gáa^l jee^l e niing^l jí^l niguó^l quiá^l Fidié^l colíng^l cóo^l jaléng^l ángeles quiá^lr^l.

9

¹ Jogui casí^l bigui Jesús cajo jaléng^l i^l dsea^l quiá^lr^l do:

—E laba^l jmitaa^l óo^lna^l e i^l líng^l 'nú^l la'ó^l teáng^lna^l la jmiñ^l naja^l mí^l nijúung^lna^l cartí^l mi^l cangí^l cangíng^lna^l jial nicá^l Fidié^l nifí^l quiá^l dsea^l la'eáng^l cóo^l e laniing^l 'göiñ^l do.

Mi~ calisíng~ jial jnéeng~ Jesús

(Mt. 17:1-13; Lc. 9:28-36)

² Jo mi~ cangígui jñuu~ jmi~ lajo, cangó~ Jesús fí' coo` yá^ mó^ e ñíí', jo lajii~ Tú^ Simómbing^ jéeiñ` cōo~gui Tiáa~ jogui Juan. Jo lajee` e niteáaiñ~ e fí' yá^ mó^ do, canaang` calisíng~ jial jnéeng~ Jesús. ³ Jo calisíng~ jial líí' sí'r^ jo dseáng~ cajnéng~ e jí^ jogui e tee` eáang` e jíi~ jaang` dsea` ja` lí'r^ sér~ tee` lado mi~ ru'r'. ⁴ Jogui cangáin~ Líí^ cōo~gui Moi~ e teáaiñ~ siiiñ` cōo~ Jesús. ⁵ Jogui lalab cajíng~ Tú^ Simón casí'r~ Jesús:

—Tífa', jeám' íaang` dsii~ e taang~naa' colíng~ fí' la! Jo majmóo~naa' 'ní' 'núu~jiu lí~ nitaang~na': coo` quíí~, coo`gui quiá~ Moi~ jogui coo`gui quiá~ Líí^.

⁶ Jo cajíng~ Tú^ Simón lajo co' ja` ñí'guir e~ nijíñ~, co' dseáng~ eám' cafóin^ lajì gaañ` do, Tú^ Simón jogui Tiáa~ cōo~ Juan. ⁷ Jo lajee` job mi~ cajgó~ cabøø` jníí' fí' yá^ jmigüü, jo jee~ job caquíñ^ lajaléin^ do. Jo fí' jee~ e jníí' do guicanú^ e guicafé^ dsea` lala:

—I lab Jóo`o i 'neáan` eáang', jo núu~na' lajii~ júu` quiá'r~.

⁸ Jo mi~ tí' lí~ cajóø~ i dsea` gaang` do lacúng' lajíng` e lí~ teáaiñ~ do, jíi~ jaang` i dsea` gáng^ do jo` ii` cangáng~ guir cáang` Jesús, jo jíi~ 'ñiab' dsea` do cajé'guir.

⁹ Jo lajee` cajgáin~ e fí' yá^ mó^ do, caquiú' Jesús ta~ quiá~ i dsea` gaang` do quiá'r~ e ja` niguiáin~ do júu^ lajii~ e nicangár~ do, co' cartí' mi~ ningí e nijí'tu i dsea` i jaa' fí' ñíí' i líng' dsea` jmigüü, joba' nicuøøng` e nijméeiñ~ do júu^ quiá~ jalé' e jo. ¹⁰ Joba' lajob cajmée` i dsea` gaang` do, ja` caguiar' e júu^ jo nañí' fa' jmingí~ bre rúin^ lajee` la'ó^ yaaiñ~ e` guóng' e jíng~ dsea` do e nijí'tur calé' catú~. ¹¹ Jo lalab cajmingí~ i dsea` gaang` do Jesús:

—¿Jialí' fé' jaléng' tifa' quiá' júu^ quiu' ta~ qui'ii', dsea' Israel, e Líi'bing' 'né' nijáa'tur nifí' fí' jmigü' la?

¹² Joba' cañi' Jesús quiá' i dsea' quiá'r' do, jo lalab casí' reiñ' do:

—E jáb' e nifí' nijáa'tu Líi', jo íb' dsea' i niguiá' guiú' lajalé'. Jo ¿jialí' fé' fí' ni~ jì' quiá' Fidié' e jnea~, dsea' lín'n jaang' dsea' jmigü' i jáa' fí' ñifí', guim'ba' 'né' e nicaa~ ihuú' e eáang' cartí' nijngáng' dsea' jnea'? ¹³ Dsu' jnea' fá'a e fíi' i 'nú' e nicajáb' Líi', jo cajméeb' dsea' la tíi' e já' dsír' cóo'~ dsea' do lí' laco'gui la fé' fí' ni~ jì' quiá' Fidié' e nisi'í' e nidsing'ng' dsea' do.

Mi~ cajmi'leáng' Jesús jaang' siming' i iuung' i 'ling'^ dsíi'

(Mt. 17:14-21; Lc. 9:37-43)

¹⁴ Jo mi' cangí' jo, caquing' Jesús cóo'~ Tú^ Simón jogui Tíaa~ cóo'~gui Juan fí' lí' táang' jaléng' dsea' guitúung' quiá'r' i caguaang'gui do, jo cadséiñ' dsea' do jee~ cabøø jaléng' dsea' jiéng', jogui i liing' tifa' quiá' júu^ quiu' ta~ quiá' dsea' Israel teáaiñ' sñiñ' cóo'~ jaléng' i dsea' do. ¹⁵ Jo mi' tí' lí' cangáng' jaléng' i dsea' do Jesús, ladsifí' ladob cangojmijíñ' dsea' do e féng'neiñ' jogui dseáng' eáam' dsigá' dsír' cajo. ¹⁶ Joba' lalab cajming' Jesús i dsea' quiá'r' do:

—¿E~ teáng' 'nú' jmoo'na' cuee' júu^ cóo'~ jaléng' i dsea' do?

¹⁷ Joba' cañi' jaang' lajee' i dsea' fíng' do lala:

—Tifa', lab niheen~ jaang' jóo'o, jo i 'lim'^ iuung' dsír', jo nicajméeiñ' do e ja' lí' fé' jóo'o, ¹⁸ jo doñi' jié' sim' jóo'o, jmóo' i 'ling'^ i iuung' dsír' do e quiñ' fí' ni~ uó'; jogui uøø já' fí' mo'oor~, jogui tur' majar~, jo dseáng' i' teá' guotiir'. Joba' nicamí' i i dsea' qui' na fa' e niguiñ' i 'ling'^ na, dsu' ja' mí' cali'r'.

¹⁹ Joba' cañi' Jesús quiáiñ' do lala:

—¿Dseáng' ja' ja' lím` 'nú' júu^ quié`e! ¿Lí~ jmiĩ~ e nilínúu~ na' dseáng' lajang' júu^ quié`e? Jogui ¿lí` tí' jmiĩ~ nijmee` e té' e cóo~ 'nú'? Nijéeng' na' fí' la i siming' na.

²⁰ Jōba' cangojéeng` i dseá` do i siming' i dsée~ do fí' quini` Jesús. Dsu' mi~ tí' lí~ cangáng` i 'ling' i iuung` dsí' i siming' do Jesús, dsifí' ladob cajméesiñ` do e cadseá` tu joñíing` i siming' do, jo caquím' biñ' do fí' ni~ uó` e beár~, jogui e uøø` ja' fí' mo'oor`. ²¹ Jōba' cajmingí' Jesús tiquiá' i siming' do:

—¿Lí~ lajii~ líng' i siming' quíi~ e la?

Jōba' cañii` i tiquiáiñ` do quíá' Jesús:

—Latí' jíi~ mi~ jiuum~ biñ' líiñ' lana; ²² jo jmguiub' ya' nicajméesiñ` e nicabíing` neiñ' fí' ni~ jí' jogui fí' dsí' jmf` e laco' nilí'r` nijngáng` neiñ'. Jōba' mfi~ naa' 'nú' jmi'ee` fa' 'nú' bi nilí' nijmi'leáan` re, fíi~ güilín' jnea' jo jmicóo' jnea`.

²³ Jōba' cañii` Jesús quíá' i dseá` do lala:

—¿E lí~ song lí'baa fól' 'nú'? ¿Co' lajib` cuøøng` sea` lí' jmee~ jnea~ quíá' i dseá` i ja' líng' júu^ quié`e!

²⁴ Jōba' cañii` tiquiá' i siming' i dsée~ do e teá':

—¿Jáb' líng' jnea~ júu^ quíi~, Fíi'naa', jogui jmicóo' jnea~ e laco' ja' guí nilíin` e jo!

²⁵ Jo mi~ cangá` Jesús e eám' ngóo' seáng' dseá` fí' jo, joba' cajíiñ` i 'ling' i iuung` dsí' i siming' do jo casí'r` lala:

—Dseá` 'ling' i jmóo` e ja' lí' fé' jogui ja' lí' nú` i siming' na, jnea~ quíi' 'nú' ta~ e nijúu~ lí' iuun' dsí' i siming' na, jogui e jo' quíi~ jmiĩ~ fa' e ni'ú` tu' calé' catú`.

²⁶ Jo dsifí' lajōb ca'óo` teá' i 'ling' do, jo cajméesiñ` do e cadseáb` tu joñíing` i siming' do. Jo mi~ cangí' joguiba' cagüi'íiñ' do fí' lí~ iuuiñ~, dsu' i 'ling' do caseáiñ' i siming' do dseáng' lafa' 'lím~ biñ' e lí' laco' lajīng` dseá`

do nifé'r e cajúm-biñ' do. ²⁷ Dsu' Jesús ladsifí ladob catíiñ- guoo` i siming' do, jo caseang' neiñ'; jo caráam` i siming` do jo casím` bre.

²⁸ Jo mi~ cangf jo, calí- Jesús fí dsíí sinúu^ cōo` dsea` guitúung` quiá'r-, jo fí jo i dsea` quiá'r- do cajmingí'r- dsea` do lajee` la'ó' yaaiñ~:

—¿Jiali' jnea'^ ja` calí'- naa' fa' caguíng- naa' i 'ling'^ i iuung- dsíí i siming` do?

²⁹ Joba' cañí` Jesús quiáiñ'- do jo cajíñ'-:

—I 'ling'^ i lado líb' ni'uóñ'- dsu' la'eáang' cōo` e féng' dsea` Fidiée` jogui jmóor` ayuno.

Mi~ cajmée`tu Jesús júu^ e nijnga'- dsea` quiá'r-

(Mt. 17:22-23; Lc. 9:43-45)

³⁰ Jo mi~ ca'uøøiñ` e fí jo, cangím'tur fí lí~ se' Galilea. Jo dsu' Jesús dseáng'- ja` iim~bre fa' e caliñí` júi~ jaang` dsea` jie~ fí lí~ táaiñ`, ³¹ cō' iñ~ e e'r lajúi~ i dsea` guitúung` quiá'-bre. Jo lajee` táaiñ` fí jo, lalab sí'r jaléng` i dsea` quiá'r- do:

—E laba' fíi` i 'nú' e jnea~ i caguéng- fí jmigüi` la i jaa' fí ñiff- e líin`n jaang` dsea` jmigüi`, jo 'né-ba' e nijám` dsea` jnea~ fí quini` dsea` i 'ní' ní- quie` e cartí` nijngáiñ'- jnea~; jo dsu' mi~ ningf 'ni' jmi~ lajo, nijíb'túu calé` catú`.

³² Dsu' ja` cangáng` i dsea` guitúung` do e~ uuing` e cajíng'- Jesús lado, jogui 'gó'bir cajo fa' e nijmingí'r- dsea` do.

¿I` i laniing- gui fí quini` Fidiée`?

(Mt. 18:1-5; Lc. 9:46-48)

³³ Jo mi~ cangf jo, jo mi~ tí lí~ caguilíng-tur fí Caper-naum, jo cangíiñ' fí dsíí sinúu^. Jo mi~ niteáaiñ'- fí jo, lalab cajmingí'- Jesús i dsea` guitúung` quiá'r- do:

—¿E~ e ñilíng- 'nú' jñing`na' lacuee` guiá'^ fí?

³⁴ Jo mi~ canúu~ i dsea` guitúung` quiá'r~ do lado, lí' cajer' tiib~, dsuco' lajee' teáiin~ do fí' e jalíin~ sáiin' e i~ i laniing~ gui lajee' la'ó' yaaiin~. ³⁵ Joba' caguáb` Jesús jo cató'r~ i dsea` guitúung` do quiá'r~ jo casí'~ reiñ' do lala:

—Song i~ dsea` iin~ e líin~ dsea` laniing~ gui, joba' güi'f' dsíir' e íb' i dsea` i catí' lí~ dséng~ gui, jogui íb' dsea` cajo i nijmé~ jalé' ta~ quiu' jaléng' dsea` jiéng' e 'né~ jmér~.

³⁶ Jo mi~ cangí jo, casíng' Jesús jaang` jiuung~ pí'f' fí' guiá' joo' lí~ teáiin~ do, jo casaiñ'~ i jiuung~ do jo cataiñ'~ cuéer', jo casí'r~ i dsea` quiá'r~ do lala:

³⁷ —I dsea` i íng' i jiuung~ la la'eáang' cóo'~ jnea~, lajob cajo íñ' jnea~; jogui i dsea` i íng' jnea~, güilíni'bre guiú~ e o' jíi'~ jnea~ íñ', co' lajob cajo íñ' Tiquié'e dsea` guing~ níí'~, dsea` casíin~ jnea~ fí' jmigü' la.

I dsea` i ja` 'ní' níing~ jneaa~aa' sitáam^bre cóo'~ jneaa~aa'

(Lc. 9:49-50; Mt. 10:42)

³⁸ Jo mi~ cangí jo, e lab cajíng' Juan casí'r~ Jesús:

—Tífa', jnea'^ nicaneem~baa' jaang` dseañu' i jmoo' ta~ uóøng` jaléng' i 'líng'^ la'eáang' cóo'~ 'nu', jo co' ja' ngí'guir colíing~ cóo'~ jneaa~aa', joba' nicajníim'~baa' quiá'r~ e nijmér~ lajo.

³⁹ Joba' lalab cañí' Jesús quiá'~ i dsea` quiá'r~ do:

—Ja` jniing~na' quiá'~ i dsea` do, co' ja` seeng` jíi'~ jaang` dsea` i nijmé~ coo' e lí~ e dsigá' dsíi' dsea` la'eáang' cóo'~ jnea~, jo mi~ nilicøng`gui lajo nifé'r' ga' uii~ quié~e. ⁴⁰ Co' i dsea` i ja' fé' ga' uii~ quí~ii', joba' cóo'~ jneaa~aa' sitáaiin~.

⁴¹ Jogui i~ dsea` i cuø' 'nú' fa' lab coo' vas jmíi' uíi' e 'nú' líng'na' dsea` quié~e, joba' jnea~ jmitaa~ óo'na' e seab` guíee^ quiá'r~ mi~ nití' fí' jmigü' coo'.

Jial dseáang'~ e nijiúng' dsea' fí' ni~ dsee~

(Mt. 18:6-9; Lc. 17:1-2)

⁴² Jogui song iì dsea` jmóor` jial e niténg` fí ni` dsee` doní` iì i` jiuung` lala i` nijá` líng` júu` quié`e, joba' guiá` guib ni'uíng` quiá` i` dsea` í` e nidsibíng` 'ñia'r' fí` é` jmiì` e guinee` coo` cuu` 'loo` fí` moluur`. ⁴³ Jo song guóo` nijmé` e nitén` fí` ni` dsee`, joba' quiúu` jóng; co' guiá`-gui quií` e nitáang` fí` jmigüü` la cóo` coob` guóo`, jo ja` guien` fí` lí` 'lí` fí` lí` coo` jì` cóo` lajì` tú` guóo` mí` nití` oor` quií`. ⁴⁴ Co' e fí` jo jo` tóo` jmiì` fa' e nijúung`-gui jaléng` joo` o'gui fa' e niyá'gui jì. ⁴⁵ Jogui song tíi` nijmé` e nitén` fí` ni` dsee`, joba' quiúu` jóng; co' guiá`-gui quií` e nitáang` fí` jmigüü` e jlúun` e laco'gui e niguøn` cóo` lajì` tú` tíi` fí` lí` 'lí` ⁴⁶ fí` lí` teáang` joo` i` ja` tóo` jmiì` nijúung` jogui fí` lí` coo` jì` e jo` tóo` jmiì` yá'. ⁴⁷ Jogui song jmini` jmóo` e nitén` fí` ni` dsee`, joba' gui` jóng; co' guiá`-gui quií` e Fidié` quier` nifi` quií` e ja` sea` coo` jmini` e laco'gui téeb` lajì` tú` jmini` niguøn` fí` lí` 'lí` ⁴⁸ fí` lí` teáang` joo` i` ja` 'mó` sea` quiá` jogui fí` lí` coo` jì` e ja` tóo` jmiì` yá'.

⁴⁹ Jo ligüeang` jaléng` dsea` quié`e la'eáang` cóo` jalé` e huíng` e dsingüüñ` lí` laco'gui ligüeang` jalé` feá` la'eáang` cóo` ñi` jogui jì. ⁵⁰ Jo eáam` íng` ta` jalé` ñi`, jo dsu' song ca'íng` lajüi` e ñii` do, joba' zjial nilí` 'nú` nijmee`-na' e niliñii` tú` calé` catú`? Joba' fí` i` 'nú` e güi'uíng`-na' laco' lí` ñi` e guiá` do, jo güiliseeng`-na' juguiú` júu` røø` lajee` la'ó` rúng`-na'.

10

Mí` ca'e` Jesús quiá` mí` tiúung` dsea` rúüñ`

(Mt. 19:1-12; Lc. 16:18)

¹ Jo mí` cangf` jo, cagüi'íib` Jesús fí` Capernaum jo cangó`-túr fí` guóo` uó` lí` se' Judea jogui e fí` guóo` uó` e née` lí` lí` guiéé` laco' iá` gua` Jordán. Jo fí` job

caseáng' tu jaléng' dsea, jo canaaín' e'r' jaléng' i dsea do júu' quía' Fidiée' lí' laco' litíiñ' do. ² Jo lajee' jo cangoquiéeng' jaang' gáng' dsea Israel i líng' dsea fariseo fí' lí' sing' Jesús e lí' laco' niguié'r' jial ni'níiñ' dsea do fí' quini' dseata. Joba' cajmingí'r' dsea do e su seab' fí' e nitiúung' dseañ' dseamí' quía'r'. ³ Joba' lalab cañi' Jesús quía' i dsea do:

—¿E' ta' caquiñ' Moi' e nijmee' na' quía' e jo?

⁴ Jo jaléng' i dsea do cañi'r' lala:

—Moi' cacuøbre e líb' jaang' dseañ' nitiúuiñ' dseamí' quía'r' lifa' 'né' seáin' coo' majf lí' fé' lajo.

⁵ Joba' cañi' Jesús quía' i dsea do lala:

—Moi' cacuø' e júu' jo, co' ñir' e dseáng' eáang' ue' óo' 'nú'. ⁶ Jo dsu' lajii' ie' mi' catiroo' jmigüi, “Fidiée' cajmeáiñ' dseañ' coo' gui dseamí’”. ⁷ “Jo uii' e joba' e cúng' dseañ' guoor' jo 'naaiñ' quía' sejmiir' e laco' niliseeiñ' colíing' coo' dseamí' quía'r'. ⁸ Jo laji' huáiñ' do lafa' jaam'bre nica'uiñ' jóng.” Joba' jo' tí'gui' gáng' dsea, co' lafa' jaam' dsea ca'uiñ'. ⁹ Co' Fidiée' bing' caguiá' uing' e nicúng' dsea guoor', joba' jo' cuøng' fa' e nitiúung' gui dsea rúin' mi' nicangí' e cacúng' guoor'.

¹⁰ Jo mi' cangí' jo, jo ca'íb' tu Jesús fí' dsí' sinu' colíing' coo' dsea guitúung' quía'r', jo lajee' jo calé' catú' cajmingí' i dsea quía'r' do cuaiñ' quía' e júu' e ngóo' do. ¹¹ Joba' Jesús cañi'r' quía' i dsea do lala:

—Ii' dseañ' i tiúung' dseamí' quía' jo cúin' guor' coo' dseamí' i jíéng', joba' ée'bre dsee' fí' quini' Fidiée' uii' quía' i dseamí' la'uii' do; ¹² jogui' song jaang' dseamí' catiúuiñ' dseañ' quía'r' jo cacúin' guoor' coo' jaang' gui dseañ', joba' ée'bre dsee' cajo fí' quini' Fidiée'.

Mi' cajmigüeang' Jesús jaléng' jiuung'
(Mt. 19:13-15; Lc. 18:15-17)

13 Jò lajee˘ jò fíim' dsea` cangojéiñ` jiuung˘ quiá'r- fí' lí- táang` Jesús e laco' niquidsí' dsea` do guóor` fí' moguiñ˘ e laco' niligüeañ˘ do, dsu' i dsea` guitúung` quiá'- Jesús do canaañ` jíim- bre jaléng' i dsea` i dsijéeng` jiuung˘ quiá'r- fí' do. 14 Jò mi˘ cangá- Jesús e jò, eáam' caliguiñ˘ jò lalab casí'r- i dsea` quiá'r- do:

—Cuóø' na' fí' e jalíng- jaléng' i jiuung˘ na fí' quini- jò ja` jníng' na' quiá'r-, dsuco' Fidiée˘ bing' i quie' nifí' quiá'- jaléng' i dsea` i líng' laco' i jiuung˘ la. 15 Jò dseáng'- fá' baa e i' ja` iing˘ ni'íng' e Fidiée˘ nicá' nifí' quiá'r- laco' gui íng' jaang' jiuung˘, jòba' ja` toø- jmí˘ e Fidiée˘ nicá' nifí' quiá'r- cajo.

16 Jò mi˘ cangí jò, casáng' Jesús lajaang` lajaang` i jiuung˘ do, jò catañ' güea' lajaléiñ` do e lico' caquidsir' guóor` fí' moguiñ˘.

Mi˘ casíng- jaang` dseañ' i sea` cuu- cóø' Jesús
(Mt. 19:16-30; Lc. 18:18-30)

17 Jò mi˘ cangí jò, lajee˘ e nú' gui ni'í' Jesús fí' e nidsér- fí' iuuiñ˘, ladsifí' ladob caguié- jaang` dseañ' i cuíi, jò casí'r- uó- jnir˘ fí' quini˘ dsea` do jò cajmingí'r- dsea` do lala:

—Tífa' i guíú- dsíi', ¿e˘ 'né- nijmee˘ jnea˘ e laco' nilí'i e niliseen˘ cøøng` cóø' Fidiée˘ car` ngongí' jmí˘?

18 Jò cañíi' Jesús quiá'- i dseañ' do lala:

—¿Jialí' fí' jnea˘ e guíú- dsii-? E jáb'- dseáng'- jaam` dsea` guiúng- i seeng`, jò íb` Fidiée˘. 19 Jò niñ' lajii˘ júu˘ quiu' ta˘ quiá'- Fidiée˘: “Ja` jngan' dsea` rún"; ja` lee' e nigüñ' cóø' dseañ' osi dseamí i o' quíi˘; ja` jmée' í; ja` cá' júu˘ e o' já'- e en' jaléng' dsea` rún"; ja` jmígøøn' dsea` rún"; jogui jmi'goø' tiquíi˘ cóø' niquíi˘.”

20 Jò cajíng'- i dseañ' do lala:

—Tifa', lajaléb' e jo nicajmiti~baa latí' jíi~ mi~ simím'baa.

²¹ Joba' cajðong~ Jesús i dseañu' do e íaang` dsír', jo cañír' quiáin'~ do lala:

—Coo`gui sea` e 'né` fii~i 'nu` e 'né` quií~: guóng' jo güi'ni~ lajalé' e sea` quií~', jo e nilí' do nijmée'^ guíéé^ jee~ jaléng^n dsea` tiñíng~. Jo lajoba' nilisea` juguiú~ quií~' fí' ñiff~ mi~ nití' fí' jmiçüf` coo`. Jo mi~ ningf` e nijme'^ e nicafii~i 'nu` na, joba' nea~ jo ningf'^ cóo'~ jnea~.

²² Jo dsu' mi~ canúu~ i dseañu' do lado, eáam' fi'í' calíin~; jo jo` íaang` dsír' cangáin'~ fí' quiá'r~, co' líiin' jaang` dsea` i eáam' sea` cuu~.

²³ Jo mi~ cangf` jo, cajðo~ Jesús lacúng' li~ siñ', jo casí'r~ i dsea` guitúung` quiá'r~ do lala:

—¡Eáam' huíng' líí' quiá'~ jaléng^n dsea` sea` cuu~ e nijáng^n yaaiñ~ fí' quini~ Fidiéé~ e laco' dsea` do nicá` niff' quiá'r~!

²⁴ Jo mi~ canúu~ i dsea` guitúung` do lala, eáam' cangogá` dsír'. Jo dsu' caléb'tu casí'~ Jesús i dsea` quiá'r~ do lala:

—Joo`o, jeáam' huíng' e ni'íng^n dsea` e Fidiéé~ nicá` niff' quiá'r~! ²⁵ Co' ja`gui huíng' quiá'~ jaang` jó' camello e ningíng~ne' fí' dsíí' tó' jmini~ quiá'~ mocuu~ 'mí' 'mi' e laco'gui jaang` dsea` sea` cuu~ nilí'r` e ni'íñ' e Fidiéé~ nicá` niff' quiá'r~.

²⁶ Jo mi~ canúu~ dsea` guitúung` quiá'r~ e jo, eáang`guib cangogá` dsír', jo canaiñ` jmingf'~ rúin'~ lajee~ la'ó' yaaiñ~ lala:

—Jo jíi~ i nilí' e nileáin` jee~ jalé' dsee~ quiá'r~?

²⁷ Joba' cajðong~ Jesús i dsea` do, jo cañír' quiáin'~ lala:

—Huím' líí' quiá'~ jaléng^n dsea` jmiçüf`, dsu' ja` líí' lajo quiá'~ Fidiéé~, co' lajib` quií'~ dsea` do jmi~ lí' jmér~.

²⁸ Jo mi~ cangf̂ jo, Tú^ Simóngui canaaĩn` s'í'r` dsea` do lala:

—Fíi'naa', jnea'^ nicatú^baa' lajaléb` e sea` quí~naa', jo joguiba' cangf̂naa' cóo'~ 'nũ'.

²⁹ Joba' cañi` Jesús quiáin` do:

—Dseáng' e já' e fíi`i 'nú' e doñi' i i catú` jalé' e sea` quiá'` osi góor` osi ca'naaiñ` quiá'` jaléng'` rúin` osi quiá'` tiquiá'r` niquiá'r` osi quiá'` jaléng'` jóor` osi catúr` jalé' uó~ quiá'r` dsu' uí'~ e ca'ln` jnea` jogui uí'~ e ni'r' júu^ quiá'` jial laang` dsea` jee~ jalé'` dsee~ quiá'r`, ³⁰ joba' i dsea` í ni'ím`bre fí jmigüf̂ la cien née'~gui e jmiguiã' quiá'` jalé' e catúr` do, nañi' fa' gab`jmáng'` dsea` ír`; jogui mi~ nití~ fí jmigüf̂ cóo', ni'ím`bre e seein` cøong` cóo'~ Fidiée` lata~ cajo. ³¹ Jo i liing` dsea` i líng` e niiñ` eáang` fí jmigüf̂ la, jo dsu' í'bing'` jii'~ capí'` ja` ee` niing` mi~ nití` e í' jo. Jo dsu' i liing` dsea` i líng` e ja` ee` niiñ` jii'~ capí'` fí jmigüf̂ la, jo í'bing'` i eáang`gui niliniing` mi~ nití~ e í' jo.

Mi~ catí` 'ní ya' e cajíng'` Jesús e nijnga'` dsea` quiá'r`
(Mt. 20:17-19; Lc. 18:31-34)

³² Jo mi~ cangf̂ jo, iuung` Jesús fí e ngóor' fí Jerusalén colíng` cóo'~ dsea` quiá'r`, jo 'ñiab'` Jesús ngóor' nifí ie~ jo, jo caluu`gui lajo ngolíng` dsea` guitúung` quiá'r`, jo i dsea` la eáam` dsigá` dsír'. Jo caluu` i dsea` guitúung` do ngolíng` dsea` quiá'r` caguiaang`gui, jo i dsea` la dseáng'` 'gó'bre. Jo Jesús ca'naam`bre calé'` catú~ cóo'~ i dsea` guitúung` quiá'r` do jo casí'` rein'` do lajii'` e nidsijéé' cóo'r` jo lalab cajíin`:

³³ —Jo lí^ laco'` jii'~ e la móo'` 'nú'` jmi~ na, lana ningóo'naa' fí Jerusalén, jo fí fíi` job lí` nijáng'` dsea` jnea~, dsea` cagá` a fí ñifí~ e lín'n` jaang` dsea` jmigüf̂, jo fí jaguó` jaléng'` fii~ jmidsea` quiá'` dsea` góo'baa' cóo'~gui fí jaguó` jaléng'` tifa'` quiá'` júu^ quiã'` ta~ quí'baa' lí~

nijáinⁿ jnea[~] jō nicuó^r jnea[~] dsee⁻ e dseáng^l 'né⁻ nijúum⁻baa; jō nijáinⁿ jnea[~] fí jaguó^d dsea[~] i ja líng^g dsea[~] góo^{naa} dsea[~] Israel, ³⁴ jō nilóom⁻ bre jnea[~], jogui niⁿññ⁻ jnea[~], jogui nijmihuññⁿ jnea[~] cartí^r nijngám^l bre jnea[~]; dsu^l mi[~] nisúung⁻ 'ni^r jmiñ[~] lajō, nijíb^r túu caléⁿ catú⁻.

Mi[~] camí^r Tiáa[~] cóo^l Juan cóo[~] jmi[~]ee[~]

(Mt. 20:20-28)

³⁵ Jō mi[~] cang^l jō, cangoquiéng^r Tiáa[~] cóo^l gui Juan fí lí[~] sing^r Jesús, jō lajì huáinⁿ do líññ^r jóo[~] jaang^d dseañ^u i sii^r Zebedeo, jō lalab cajíng^l i dsea[~] do casí^r Jesús:

—Tífa^r, ii[~]naa^l e nijmití^l cóo[~] jmi[~]ee[~] lajì^l e nimí^lnaa^l 'nu[~].

³⁶ Jōba^l cañíⁱ dsea[~] do:

—¿E[~] iing[~]na^l e nijmicóo^l 'nú^l?

³⁷ Jōba^l cañíⁱ i dsea[~] gáng⁻ do quiá^l Jesús:

—Cuóo^l jnea^l e nití⁻naa^l fí ñiff⁻ quí^l mi[~] niguiing[~]tu^l fí jō e ni^lié^{naa} jaang[~] lí^l lí dsée[~] jogui jaang[~] lí^l lí tuung[~].

³⁸ Jōba^l cañíⁱ Jesús quiáinⁿ do lala:

—'Nú^l jí^l ja[~] ñí^{na} lajì^l e mi^{na} na. ¿Su líng⁻na^l e nité^{na} lajì^l e iihuí^r e nijaquiéng^r quié⁻ e jogui e nité^{na} e nijmeáng^l dsea[~] 'nú^l ga[~] lí^l laco^lgui nidsingíng⁻ jnea[~]?

³⁹ Jōba^l cañíⁱ i dsea[~] gáng⁻ do quiá^l Jesús lala:

—Lí^lbaa^l.

Jōba^l cajíng^ltu Jesús casí^lreinⁿ:

—E jáb^l e 'nú^l nimó^{na} iihuí^r cajo lí^l laco^lgui nimoo[~] jnea[~], jogui e gab^d nijmeáng^l dsea[~] 'nú^l lí^l laco^lgui nijmeáng^l dsea[~] jnea[~]; ⁴⁰ jō dsu^l e nigüea^d dsea[~] lí^l lí dsée[~] osi lí^l lí tuung[~] é laco^l guiinⁿ, ja[~] jnea[~] catñⁿ fa^l e nicuóo⁻ e jō, có^l nigüea^d fí jō jaléng^l i dsea[~] i nisi^líng[^] i niñíng[~] e jō.

⁴¹ Jō mī tī lī canúū i dseá quiá' Jesús i guínḡ gui do e cajmée` Tiáá cōo' gui Juan lajō, jōba' eáam' caliguiñ̄ quiáin' do. ⁴² Jō dsu' Jesús cató' bre jaléng' i dseá guitúung` do quiá'r̄ jō casí' reiñ' lala:

—Niñib^ 'nú' guiá̄ e jeē jaléng' dseá i ja` cúinḡ Fidiée` seeng` jaléng' dseatā i quiu' tā quiá' jaléng' dseá, jō jaléng' i dseá i quiu' tā do eáam' silí'r' cōo' e tā líiñ' do. Jō lajōb líí cajo cōo' jaléng' dseatā dseá féng' i quie` nifí quiá' jaléng' dseá, cō' laguidseam^ quiu'r' tā quiáin' do. ⁴³ Jō dsu' ja` cuøøng` e nidsijée' lajō jee` 'nú', cō' ī ī iinḡ i nicá nifí jee` 'nú', íbing' i 'né` nijmé` tā jmicóo' quiá' i caguaiang` gui; ⁴⁴ jogui ī ī iinḡ i nijmé` e niinḡ guir jee` 'nú', íbing' i 'né` jmé` jalé' tā huí' jeē jaléng' i caguaiang` gui e ja` jmiféng' 'ñia'r'. ⁴⁵ Jō lajōb 'né` jmér̄, cō' lajōb tā cagá` jneā cajo, jneā dseá cagá` a fí ñifí e lñín` jaang` dseá jmigüf; cō' jneā ja` cagá` a fa' e jmóo` dseá tā fí quinī, cō' jneā cagá` a e laco' nijmicóo' jaléng' dseá jmigüf jogui e laco' nijáang' 'ñiá'a e nijúun` n e laco' nileáng` fíng' dseá jmigüf jeē jalé' dsee` quiá'r̄.

Mī cajmi'leáang` Jesús jaang` dseá tiuung` i sii Bartimeo

(Mt. 20:29-34; Lc. 18:35-43)

⁴⁶ Jō mī cangf̄ jō, caguié` Jesús cōo' dseá quiá'r̄ fí Jericó. Jō lajee` e uøøin` e fí jeē fí jō colínḡ cōo' dseá quiá'r̄ cōo' gui i fíng' gui dseá i jíéng' cajo, jō jaang` dseá tiuung` i sii Bartimeo, jōo' jaang` dseañu' i sii Timeo, guiiñ̄ 'ni' fí e jmóor` tā mí cuu`. ⁴⁷ Jōba' mī tī lī calilí^ i dseá tiuung` do e quiá' ningóo' Jesús dseá seeng` fí Nazaret, jōba' canaaiñ̄ óo' bre jō fé'r' lala:

—Jesús, dseá siju` dseatā Daví^, fí` güilín' jneā!

⁴⁸ Jo i fíim' dsea` cajíin̄ i dsea` tiuunḡ do e laco' jo nifé'guiin̄ do lado, jo dsu' i dsea` tiuunḡ do lí' lí' teá'gui canaaiñ`ám'bre dsea` do jo café'tur lala:

—Jesús, dsea` siju` dseata` Daví'^, fíi` güilín' jnea`!

⁴⁹ Joba' Jesús caquium'bre fí' iuiin̄ jo cajíin̄':

—Jéeng`na're fí' la.

Joba' catób' jaléng' i dsea` i ngolíinḡ cóo' Jesús i dsea` tiuunḡ do jo casí'-reiñ' do lala:

—Cuóø' bî uø' jo ráan', co' dob tó' Jesús 'næ`.

⁵⁰ Joba' cab' caquiéer` e 'mi' jlíin̄ do, jo lico' ca'fím̄ bre jo caguiér` catí' quini` Jesús. ⁵¹ Joba' cajmingí'- Jesús i dsea` tiuunḡ do lala:

—¿E` iinḡ 'næ` e nijmee` e quí'?

Joba' caíin̄ i dsea` tiuunḡ do quiá'- Jesús lala:

—Tifa', iin̄ e nijmée'^ e nilijné'baa.

⁵² Joba' caíin̄ Jesús quiá'- i dsea` tiuunḡ do lala:

—Nicuóøm` guøn'^ náng, co' nica'láam̄ ba' uí' e jáb' calín' júu` quíe`-e.

Jo ladsifí' lado calijné' i dsea` do, jo cango'leáam̄ bre laco' ngóo' Jesús lají' fí' iuunḡ dsea` do.

11

Mí' ca'í- Jesús fí' jee` fíi` Jerusalén

(Mt. 21:1-11; Lc. 19:28-40; Jn. 12:12-19)

¹ Jo mí' cangí' jo, mí' tí lí' niteáaiñ` quiá'- jee` fíi` Jerusalén jo e fí' lí' née' e fíi' e sií' Betfagé cóo' gui e fíi' e sií' Betania, quiá'- fí' mó' e sií' Olivos, jo fí' jo casinḡ Jesús gánḡ lajee` dsea` guitúunḡ quiá'r-, ² jo lalab casí'r- i dsea` do:

—Güilínḡ na' e fí' fíi' pí'^ e née' quini` na, jo mí' nigüitáanḡ na' fí' jee` fíi', nimáanḡ na' jaanḡ bú'^ iee` i sing' 'núung' e jí' jaanḡ dsea` ja` ií' mí' caguá' fí' mocóo're!. Jo sínḡ na're' jo tee` na're' fí' la. ³ Jo song

ii` dsea` jín' sîr` 'nú' jialî' jmoo`na' lana, joba' sí'~na're e ta` quiu' Fii'baa', co' 'neám`bre i jó' la cateá, jo mi` ningf jo, nijajeaam`ture' calé' catú` fí' ée` quiáa`re'.

⁴ Joba' lajob cajmée` i dsea` gáng` quiá'~ Jesús do; cangolíim`bre, jo mi` cangotáain'~ fí' jee` fií, cangáin` jaang`bú'^ i sing'`'núung'~ fí' jee` 'núú` cáang` o'nú` quiá'~ coo` 'núú', joba' casim`bre i bú'^ do lí'^ lacó' ta` sinú'r^ quiá'~ Jesús.

⁵ Jo i líing` dsea` i cangá` mi` casing' i dsea` do i bú'^ do cajín':

—¿E`gui jmoo` 'nú', dsea`? ¿Jialî' sîng'~na' i bú'^ na?

⁶ Joba' cañîi` i dsea` gáng` do jo casí`-rein' lajîi` júu` e nicasí`- Jesús ír` lami` jéeng`gui; joba' calí`-bre cató`- i bú'^ do. ⁷ Jo cató`-bre i bú'^ do fí' lí` sing'` Jesús jo caguiar` sí'r^ fí' mocóo`~ i bú'^ do, jo mifíng` caguáb` Jesús. ⁸ Jo fíim` dsea` cani'r` sí'r^ lacuee` guiá'^ fí', jogui seem`bi dsea` caquiur` guo` 'ma` e jiü` jo caguiar` guiá'^ fí' cajo. ⁹ Jo jaléng` dsea` i ngolíng`- nifí' cóo`~gui i jalíng`- cøng` canaaín` óor` teá` jo fé'r` lala:

—¿Majmifém`'baa' i dsea` güeang`^ na i jáa' fí' ñifí` cuaiñ` quiá'~ Tiquí'ii' dsea` guing` fí' jo! ¹⁰ Co' nicatí' í' e nijáa' i dsea` siju` quiá'~ dsea` áang` quí`-ii' i calisí' Daví'^ do i sí'íing` e niquiú`- ta` quiá'~ dsea` jmigüi`. ¿Majmiféng`'-naa' jogui majmi'goo`-naa' Fidiée` dsea` guing` ñifí`!

¹¹ Jo mi` caguié` Jesús fí' jee` fií` Jerusalén, cangó`- fí' dsíi' sinúú` guá'^ fé' quiá'~ dsea` góor` dsea` Israel e sí' fí' jo; jo cajóor` fí' la fí' na e fí' jo, jo mi` cangí` jo, cangó`-tur fí' Betania colíing`- cóo`~ i dsea` guitúung` quiá'r` do, co' nica'lóob`- ie` jo.

*Coo` 'ma` güiñí'^ e ja` dsí` güiñí'^ quiá'~
(Mt. 21:18-19)*

¹² Jo mi~ cajneá~ e jmi~ jo, mi~ tí li~ ca'uøøiñ~ fí Betania, cadseá~ jmi'aang~ Jesús. ¹³ Jo lajee~ e teáaiñ~ fí, huíim~bi cangá~ Jesús e gui~ coo~ 'ma~ güiñí~^ e dsi~ má~^; joba' cangojóør^ catí' quiá~^ su dsi~ güiñí~^ quiá~^ e 'ma~ do, dsu' ja~ ee~ cadsé'r' jíi~ coo~ mi~ tí li~ caguiér~, dseáng~^ lajíi~^ má~^ba' dsi~, co' o' jíi~ e dsi~ güiñí~^ ie~ jo. ¹⁴ Joba' café~^ Jesús quiá~^ e 'ma~ güiñí~^ do lala:

—Jíi~^ jaang~ dsea~ jo~ nidø~^ guir güiñí~^ quíi~^.

Jo canúub~ dsea~ guitúung~ quiá~^ Jesús e café'r' lajo.

Mi~ ca'uøøng~ Jesús jaléng~^ dsea~ i~ jmóo~ ta~ 'nhi~ fí dsíi~ guá~^

(Mt. 21:12-17; Lc. 19:45-48; Jn. 2:13-22)

¹⁵ Jo mi~ cangí~ e caguilíng~ tur fí Jerusalén, job mi~ ca'í tu Jesús fí dsíi~ sinúu~^ guá~^ fé~^ quiá~^ dsea~ góor~ dsea~ Israel, jo canaañ~ uøøm~ bre jaléng~^ dsea~ i~ niteáang~^ ta~ 'nhi~ jogui ta~ láa~ e fí dsíi~ sinúu~^ guá~^ do, jogui canaañ~ jíim~ bre jalé~^ mes~ quiá~^ jaléng~^ i~ dsea~ i~ neáang~^ ta~ jmifíing~ cuu~ quiá~^ jaléng~^ dsea~ jogui mes~ quiá~^ jaléng~^ dsea~ i~ neáang~^ ta~ 'níng~ mee~ cajo. ¹⁶ Jo dseáng~^ jo~ cacuø'r' fí jíi~^ jaang~ dsea~ fa' e nidsica~ guí dsea~ fí dsíi~ sinúu~^ guá~^ jíi~^ coo~ e 'nhi~. ¹⁷ Jo lalab canaañ~ e'r' jaléng~^ i~ dsea~ do ie~ jo:

—Lalab fé~ Fidiée~ fí ni~ jì~ quiá~r~: “Fí dsíi~ sinúu~^ quié~ e la íng~^ ta~ e jmiféng~^ dsea~ jnea~ lí~^ lajaléng~^ dsea~ i~ seeng~^ fí la'úng~^ fí jmigüi~^”; dsu' 'nú~^ gui nicajmee~ na' e 'núu~^ la lafa' too~ lí~ neáang~^ jaléng~^ ihb~.

¹⁸ Jo jaléng~^ fii~ jmidsea~ quiá~^ jaléng~^ dsea~ Israel cóo~^ guí jaléng~^ tífa' quiá~^ júu~^ quiu~^ ta~ quiá~^ dsea~ Israel canúu~ bre júu~^ quiá~^ Jesús, jogui canaañ~ 'no~r' jial nijngáiñ~^ dsea~ do, co' 'góm~^ bre dsea~ do, co' dseáng~^ eám~ dsi'gó~ dsíi~ jaléng~^ dsea~ quiá~^ lajíi~^ e e' dsea~ do.

19 Jò mi~ tí lí~ ca'í~ núu^, cagüi'hib' Jesús colíing~ cóo' dsea` quiá'r~ e fí jee~ fii' jò.

Mi~ caliquiú` e 'ma` güiñí'^ do

(Mt. 21:20-22)

20 Jò mi~ cajneá~ e jmií~ cóo`gui do e la'ee`, cangíing'tu Jesús cóo' dsea` quiá'r~ fí lí~ gui~ e 'ma` güiñí'^ do, jòba' cangár~ e nicaliquiú`ba' do catí jmo^ quiá'-. 21 Jò jòb mi~ tí lí~ cadseng'~ dsíí' Tú^ Simón, jòba' casí'r~ Jesús lala:

—Tifa', fíng na jòø~ e 'ma` güiñí'^ e café~ ga` uii~ quiá'~ lado guiée~: Nicaliquiú`b` lana.

22 Jòba' cañíí' Jesús quiá'~ Tú^ Simón:

—Já'~ güilíing`na' lajii~ júu^ quiá'~ Fidiée~. 23 Dseáng'~ e já'~ba' fii~i 'nú' e doñí' ii` i nijíng'~ e nisí' e mó' la: “Jéeng'~ 'nú' fí' na jò güiteáng' uø' fí 'ni' jmiñí'^”, jò song cóo`ba' í' dsíir' jògui já'~ líiñ' e lajii~ e nicafé'r' do dseáng'~ nilitib~, jòba' lajòb nilí jóng. 24 Jòba' fá'guíi e fii~i 'nú' e lajalé' e mi' 'nú' lajee~ e fong'na' Fidiée~, jò song já'~ líing`na' e nica'ím'~ba' e jò, jòba' lajòb nilí jóng.

25 Jògui mi~ fong'na' Fidiée~ cajo, song ja` guiú~ seeng`na' cóo' i` líing~ dsea` rúng'na', íing`na' dsee~ uii~ quiá'~ i` dsea` í, jò lajòba' Tiquíí'na' dsea` guíing~ ñiff~ ni'íim~bre dsee~ quíi~na' cajo. 26 Jògui song 'nú' ja` íing`na' dsee~ quiá'~ dsea` rúng'na', jòba' lajòb nijmé~ Tiquíí'na' dsea` guíing~ ñiff~ cóo' 'nú' cajo, ja` ni'íiñ~ dsee~ quíi~na'.

I~ quiu' ta~ Jesús e jmóor` jalé' e jmóor`

(Mt. 21:23-27; Lc. 20:1-8)

27 Jò mi~ cangí'gui lajò, caquim'~tur fí' Jerusalén. Jò lajee~ e ngí' Jesús fí' sinúu^ guá'~ fé', jò cangoquiéeng' fí' lí~ siñ' jaléng'~ fii~ jmidsea` quiá'~ dsea` góor` dsea` Israel cóo'~gui jaléng'~ tifa' quiá'~ júu^ quiu' ta~ quiá'r~ cóo'~gui jaléng'~ dsea` cóøng'~ quiá'r~ cajo, 28 jò lalab cajmingí'r~ dsea` do:

—¿Ī i quiu' ta~ quií' e jmoo' jalé' e na? ¿Ī i cacuo' 'nú' fí' e cuóong' jme' jalé' e na?

²⁹ Jo lalab cañí' Jesús quiá' i dsea' do:

—Jo jnea~ iim~baa jmee~ e camí' júu^ cóo' 'nú' cajo, jo e laba' iin~n jmingí' i 'nú': ³⁰ ¿Ī i caqui' ta~ quiá' Juan i caseáng' dsea' jmi' do? ¿Su Fidié' osi dsea' jmigü' é? Jo song nil' na' ningí' na' quié' e lana, joba' jnea~ nifí' i 'nú' i i quiu' ta~ quié' e e jmoo' jalé' e na.

³¹ Jo lí' canaang' i dsea' do sñi' lajee' la'ó' yaam~bre jo sí' rúin' lala:

—Song nifé' naa' e Fidié' casí' quiá'r, joba' lalab niñí' qui' naa': “¿Jialí' ja' já' calng' na' laj' júu^ quiá' i dsea' í?” ³² ¿Osi nisí' b' re é e dsea' jmigü' bing' caqui' ta~ quiá'r e jmoo' lajo?

Jo co' 'góm' bre jaléng' dsea', dsuco' lajalém' dsea' já' líiñ' e i Juan do dseáng' já' ba' e fé'r' cuaiñ' quiá' Fidié', ³³ joba' lalab cañí' i dsea' do quiá' Jesús:

—Ja' ne~naa' j' coo'.

Joba' cañí' Jesús quiáin' do:

—O'gui jnea~ cuóong' lí' fí' i 'nú' i i quiu' ta~ quié' e e jmoo' jalé' e la.

12

Coo' júu^ já' lafa' júu^ cuento quiá' dsea' 'léeng' i soo' dsí'

(Mt. 21:33-46; Lc. 20:9-19)

¹ Jo lajee' e táam' bi Jesús fí' Jerusalén, jo canaiñ' féiñ' jaléng' dsea' cóo' jalé' júu^ já' e lí' lafa' júu^ cuento jo lalab casí' rein' do:

—Coo' née' caliséng' jaang' dseañ' malí' gui i cajni' jmang' huíng' j' fí' ní' guoo' uó' quiá'r; jo cajme'r' coo' iá', jogui cajme'r' coo' fí' lí' niniúung' e nicuó' jmí' e mí' huíng' j' do, jogui cajme'r' bir coo' lí' nigüear' e

quia'~ nijmér~ í. Jo mi~ cangî jo, cacuø'r' dsea` i cajmée` ta~ e uó~ quia'r~ do, jo cagui'í'bre 'ñaia'r' cangór~ fí lí huí'. 2-3 Jo mi~ tí lí catí í' e nisitíng', co' nicaroob` lajii'~ e cajnr' do, joba' casíng` i dsea` fii~ uó~ do jaang` dsea` 'léeng'~ quia'r~ e nidsimíiñ'~ lajii'~ e catíng` i dsea` do quia'~ jalé' e caroo` e ni~ guóo'~ uó~ quia'r~ do. Jo mi~ tí lí caguié` i dsea` 'léeng'~ do quia'r~, i dsea` i jmáng' ta~ uó~ do cajmihuim'bre i dsea` 'léeng'~ do, jo caguiém'tureiñ' e ja` quíeeiñ' do jii'~ coo`. 4 Job mi~ casíng` i dsea` fii~ uó~ do jaang`gui dsea` 'léeng'~ quia'r~ e quia'~ nidsimíiñ' do lajii'~ e catíiñ~, dsu' cuub` catée` i dsea` jmóo` ta~ uó~ do mogui~ í cajo, jo júu` 'léb' casí'~ reiñ' do. 5 Jo mi~ cangî í, i dsea` fii~ uó~ do casíiñ` jíeng`gui jaang` dsea` 'léeng'~ quia'r~. Jo mi~ tí lí caguié` í, cajúm~bre, co' cajngab' i dsea` jmáng' ta~ uó~ do quia'r~. Jo mi~ cangîgui lajo, i dsea` fii~ uó~ do i fíim'bi dsea` 'léeng'~ quia'r~ casíiñ'; jo i líng` lí' calihuim'bre, jogui i líng` dseáng'~ cajngab' i dsea` do quia'r~.

6 Jo coob` mi~ jaang` jóob' i dsea` fii~ uó~ do seáng`gui, jo íb` i dseáng' i 'neáaiñ` eáang'. Jo ca'f' dsíur' e i jóor' dob nisíiñ~, co' líiñ` e i jóor' doguibing' i nijmi'gó` jaléng' i dsea` do. 7 Dsu' i dsea` jmáng' ta~ uó~ do casíiñ` lajee` yaaiñ~: "I jóor' nab i nine' ni~ latøøng` e guóo'~ uó~ na; joba' guiú`gui e nijngáam'~baa're, jo lajoba' jneaa`aab' dsea` nilí'naa' e guóo'~ uó~ la." 8 Joba' casam'~bre i jóo' i dsea` fii~ uó~ do, jo cajngam'~breiñ' do, jo cangojéeng`neiñ' do fí lí' caluub` e guóo'~ uó~ quia'iñ' do.

9 Jo mi~ cangî e fé' Jesús e júu` jo, jo cajmingí'r~ jaléng' i dsea` do lala:

—¿E~ líng` 'nú' e nijmé` i dsea` fii~ guóo'~ uó~ do? E jáb'~ nidsé`bre jo nidsijngáam'~bre jaléng' i dsea` jmóo`

ta~ uó~ quiá'r~ do, jo i jiém` nitáiñ' i nijmé~ ta~ e fí' ni~ guóo'~ uó~ quiá'r~ do.

Joba' cajíng'~gui Jesús lala:

¹⁰ —¿Su ja` mí' ca'í' 'nú' lajii'~ e too~ fí' ni~ ji` quiá'~ Fidiée~ lí' fé' lala?:

E cuu~ e ja` calijí'~ jaléng` dsea` jmo' 'núú',
lanagui dseáng'~ cuu~ laniim~ nica'uúing~ quiá'~ 'núú'.

¹¹ Jo 'ñiab' Fíi'naa' dsea` cajmée` e la,
joba' dseáng'~ eám' dsigá` dsí'naa'.
Jo lanab too~ fí' ni~ ji` quiá'~ Fidiée~.

¹² Jo job mi~ cajmée` quijí~ jaléng` fii~ jmidsea` quiá'~ dsea` Israel jogui jaléng` tifa' quiá'r~ cóo'~gui jaléng` dsea` cóong'~ quiá'r~ jial e nisáiñ' dsea` do, co' calilí'~bre e caféiñ' do e éeiñ` jaléng` íb`. Jo dsuco' 'góm'~bir jaléng` dsea` i núu` júu^ quiá'~ dsea` do, joba' catiúum~bre dsea` do jo cangolíim~bre jóng.

Mí~ cajmingí'~ dsea` Jesús cuaiñ~ quiá'~ e catíing~ dseata~

(Mt. 22:15-22; Lc. 20:20-26)

¹³ Jo mi~ cangí'~gui lajo, i dsea` i quie' nifí' quiá'~ dsea` Israel casiñ` fí' lí' táang` Jesús cóo` tú~ míng'~ dsea` fariseo cóo'~gui cóo` tú~ míng'~ dsea` quiá'~ Herodes e laco' ni'nóin' do jial nisí'r` Jesús e laco' niguié'r' jial ni'níin` dsea` do fí' quini~ dseata~. ¹⁴ Jo mi~ caguilíin` fí' lí' sing' dsea` do lalab casí'~reiñ':

—Tifa', ne~naa' e jmang'~ júu^ já'~ba' fó'~nu~, jogui e ja` 'gó' cóo'~ jalé' e í' dsí' dsea` jogui jalé' e fé'r' uúí'~ quí'~, jogui dseáng'~ e já'~ba' e røøb` fí' 'nu' í' quiá'~ jaléng` dsea`, co' ja` jóo~ 'nu' jí'~ jialco' líng' dsea` lí'~ caluu~, jogui e e' jial e niliseeng` dsea` dseáng'~ laco' iing~ Fidiée~. Joba' jmingí'~naa' 'nu' e júu^ la: ¿Su 'né~ quí'naa' cuu~ e catíing~ dseata~ i guing~ fí' Roma osi ja` 'né~ quí'naa' é?

¹⁵ Jò cò' calilí' Jesús lajii' e iing' i dsea` do jmicaiiñ, joba' casí'r dsea` do lala:

—¿Jialí' 'nó'na' e iing'na' niguié'na' jial e ni'níng'na' jnea' fí' quini' dseata~? Fing na cuóø'na' jnea' cò' cuu' jò nijóø^ø.

¹⁶ Joba' ca'e'bi i dsea` do cò' cuu', jò cajóøb' Jesús, jò mi' cangf' jò cajmingí'r jaléng' i dsea` do lala:

—¿I' moni' tó' e ni' cuu' la?, jogui ¿e' júu^ e silí' fí' ni' la?

Joba' cañii' i dsea` do lala quiá' Jesús:

—Ni' dseata' dsea' guing' fí' Romab tó'.

¹⁷ Joba' cañii'tu Jesús quiá' jaléng' i dsea` do:

—Cuóø'na' dseata' dsea' guing' fí' Roma lajii' e catíng' í, jogui cuóø'na' Fidié' cajo lajii' e catíng' Fidié'.

Jò eám' cangogá' dsii' jaléng' i dsea` do mi' canúur' lajii' e júu^ e cañii' Jesús do.

Mi' cajmingí' dsea' jial lí' mi' nijí'tu dsea' calé' catú' (Mt. 22:23-33; Lc. 20:27-40)

¹⁸ Jò mi' cangf'gui lajò, cangolíng' cò' tú' míng' dsea' Israel i líng' dsea' saduceo fí' lí' táang' Jesús. Jò i dsea` do fé'r' e jò jí'tu jaléng' 'lí', joba' e job e iin' nijmingí'r Jesús jò casí'r dsea` do lala:

¹⁹ —Tifa', Moi' caséer' e tó' fí' ni' jì quiá'r' e song cajúng' jaang' dseañ', jò caseáaiñ dseamí quiá'r' e ja' mí seeng' jóor', joba' rúng' i dseañ' do 'né' nicúng' guór' cò' i dseamí 'ní' i caseáng' do; jò mi' caliseeng' jóor' cò' í, joba' lafa' jóob' i dseañ' quiá'r' mi' uii' do nilíng' i jiuung' do. ²⁰ Jò lafa' e já', cò' ya' caliséng' guiáng' dseañ' i la'ó' rúng', jò i dseañ' la'uii' do cacúm' guóor', dsu' jò huóø' ngó' cajúm-bre la ja' mí seem'bi jóor'. ²¹ Joba' i dseañ' i catí' tú' do cacúm' guóor' cò' i dseamí 'ní' do, jò lajob cajo cajúm-bre jò

jíi~ camíng'~ jóor' ja` mí lí sém`bi; jo lajòb calí~ cóo'~ i dseañu' i catí`n' do cajo. ²² Jo lajòb lajì guiám~ i dseañu' do cacúng'~ guóor` cóo'~ i dseamí do, dsu' jíi~ jaaiñ' do fa' caliséng` jiuung` quiá'r~. Jo mi~ lí cóng`guijiu lajo, cajúm~ i dseamí do `ña'ra' cajo. ²³ Joba' mi~ tí lí` níj' tu jaléng' i dseá do calé' catú~ fí fí coo, ¿i~ lajee` lajì guiáng~ i dseañu' do ni'uíng~ dseáng'~ dseañu' quiá'~ i dseamí do?

²⁴ Joba' cañíi` Jesús quiáiñ'~ do lala:

—Sijgiém` áa' 'nú', dsuco' ja` ní'na' jial laco' fé' fí ni~ jí quiá'~ Fidié`~, o'gui ní'na' jial tíi' 'gøng' dseá do cajo. ²⁵ Dsuco' mi~ níj' tu jaléng'` 'líi~ fí jmigüf` coo, jo` nicúng'~gui guoo` dseañu' o'gui dseamí~, lí' laco' dsingíng` jaléng'` ángeles quiá'~ Fidié` i seeng` fí` nífi~. ²⁶ Jogui e cuaiñ` quiá'~ e fíng jí' tu jaléng'` 'líi~ do, ¿su ja` mí ca'í` 'nú' jalé' e toq` fí` ni~ jí quiá'~ Moi` jial mi~ caféng'` Fidié` ír` catí` lí` si' coo` 'matóo' e ia` jí? Jo lalab cas'~reiñ' do ie~ jo: “Jneab` lín`n Fidié` i jmféng'` Abraham cóo'~gui Isáa' jogui Jacóo` cajo.” ²⁷ Jo Fidié` ja` líiñ' Fidié` quiá'~ jaléng'` 'líi~, co' Fidié` quiá'~ dseá jib' líiñ'; joba' sijgiém` jalé' e í óo' 'nú'.

E lab e júu` laniing`gui quiá'~ Fidié`

(Mt. 22:34-40)

²⁸ Jo lajee` jo caguié`gui jaang` lajee` la'ó' tifa' quiá'~ júu` quiu' ta` quiá'~ dseá Israel, jo mi~ calilí'r` e cañíib` Jesús røø laj'íi~ e júu` do, joba' i dseá í cangoquiéeiñ` cáang` Jesús jo cajmíng'~r` dseá do lala:

—¿E~ e júu` laniing`gui lajee` lajalé' e júu` quiá'~ Fidié`?

²⁹ Joba' cañíi` Jesús quiáiñ'~ do:

—E lab e júu` e laniing`gui do quiá'~ lajee` lajalé' e júu` jo, jo lalab fé': “Núu`na' dseá Israel e Fii`naa' Fidié` jíi~ íb` dseáng'~ i líng' Fii`naa'. ³⁰ Jmi'neáng` Fíi' Fidié` car`

ngocáng` o' jogui cóo'~ laji` jmiguí` quíi'~ jogui cóo'~ laji` e í' a' jogui cóo'~ laji` bí' seen'." Jogui e nab e júu` laniing` do. ³¹Jogui e lab e júu` laniing` e catf tú` do: "Jmi'neáng` jaléng'` dsea` rún'` lí'` laco'gui jmi'neáan'` uø'." Jo e nab e júu` quiá'~ Fidiéé` e laniing`-gui eáang' do lajee` lajalé'.

³²Joba' lalab cañíi` i tifa' do jo cajíñ'~:

—Eám' guiá'~ lajo, Tifa', dseáng'~ jáb'~ júu` quií'~ e já'~ba' e jaam` Fidiéé` seeng', jo ja` seeng' i jíéng'gui. ³³Jogui e jáb'~ e 'né'~ e nijmi'neáang`naa' Fidiéé` dseáng'~ e ngocáng` dsí'naa' jogui cóo'~ laji` e í' dsí'naa' jogui cóo'~ laji` bí' see`-naa', jogui e jmi'neáang`naa' jaléng'` dsea` rú'naa' laco'gui ií'naa' e nijmi'neáang` dsea` jneaa`aa', jo lajalé' e la eáang'gui quíing' laco'gui lajalé' feá'~ e cuø`naa' Fidiéé`, fa' la mi` jngang'naa' jó' fí' quinir` osi mi` ee'go e ju'naa' fí' nife' é.

³⁴Jo mi` calilí'~ Jesús e guiáb` cañíi` i dsea` do, joba' casí'~ reiñ' do lala:

—Na jaquíem` e tí' lí' nicá' Fidiéé` nifí' quíi'~.

Jo mi` cangf' jo, jíi'~ jaang`gui i dsea` do fa' cateá`-gui dsíir' ee` nijming'f'~ guir Jesús.

Í' dsea` siju` líng' Dsea` Jmáang`

(Mt. 22:41-46; Lc. 20:41-44)

³⁵Jo lajee` e iuung` Jesús fí' guá'~ fé'` quiá'~ dsea` góor` e sí' fí' Jerusalén e e'r' dsea` júu` quiá'~ Fidiéé`, jo lalab cajming'f'~ jaléng'` i dsea` i teáang'~ do:

—¿Jial líi' quiá'~ i tifa' quiá'~ júu` quiá'~ ta` quí'ii', dsea` Israel, e fé'r' e Dsea` Jmáang` líiñ' siju` dseata` Daví'? ³⁶Co' 'ñiab' dseata` Daví'` cajíñ'~ la'eáang' cóo'~ Jmiguí` quiá'~ Fidiéé` lala:

Lalab cajíng'~ Fidiéé` casf'r` Fíi'i:

“Ní' lí'` lí' dséé' laco' guiin`n

cartí' nijmee` e jaléng'` dsea` i ní'` níng` 'nà' nisí'r` uø` jnir` fí' quini'` e laco' nijmi'gór` 'nà'.”

37 Jø cajíng¹⁻ gui Jesús e júu[^] la:

—Jø song 'ñia¹bi dseata[~] Daví^{1^} sí¹r¹ Dsea¹ Jmáang⁻ Fíi¹, joba¹ j̄jial cuøøng¹ e Dsea¹ Jmáang⁻ l̄hiiñ¹ dsea¹ siju¹ dseata[~] Daví^{1^} jóng?

Jø lajaléng¹ i dsea¹ f̄íng¹ i teáang⁻ núu¹ do eáam¹ iáang¹ dsíir¹ e núur¹ jalé¹ júu[^] e fé¹ Jesús.

Jalé¹ e ga¹ e jmóo¹ jaléng¹ tifa¹ quiá¹⁻ júu[^] quiu¹ ta[~] quiá¹⁻ dsea¹ Israel

(Mt. 23:1-36; Lc. 11:37-54; 20:45-47)

38 Jø mi¹ cangf̄¹ jø, lalab café¹ Jesús jeeng¹ júu[^] quiá¹⁻r¹ e er¹ do:

—Ñiing¹ óona¹ cóo¹ jaléng¹ tifa¹ quiá¹⁻ júu[^] quiu¹ ta[~] qui¹ ii¹, dsea¹ Israel, cō¹ lí^{1^} tí¹ dsíir¹ e ngír¹ e jlo^{1^} silim¹bre, jogui eáang¹ iñ¹ iñ¹ nijmi¹gó¹ ír¹ lacaang¹ jee¹ 'núu¹ lí¹ ngír¹, ³⁹ jogui iñ¹ ḡüear¹ ni¹ 'masii¹ e jlo^{1^}gui fí¹ lacaang¹ dsíí¹ guá¹⁻ quiá¹⁻r¹, jogui iñ¹ e niḡüear¹ cajo dseáng¹⁻ la jmang¹⁻ lí¹ jlo^{1^}gui f̄íng¹ catf̄¹ e nidó¹r¹, ⁴⁰ jogui gui¹bre 'nu¹ jaléng¹ dseamf̄¹ i 'nñ¹⁻, jogui jmicaaiñ¹ e fé¹r¹ fa¹ e cuee¹ fí¹ quini¹ dsea¹. Dsu¹ jaléng¹ i dsea¹ la'íb¹ ni'íng¹ iihuí¹ e eáang¹gui mi¹ nití¹⁻ í¹ lajō.

Jaang¹ dseamf̄¹ 'nñ¹⁻ i catá¹⁻ cuu¹ fí¹ dsíí¹ guóo¹ quiá¹⁻ guá¹⁻

(Lc. 21:1-4)

⁴¹ Jø mi¹ cangf̄¹ jø, cōo¹ yā¹ guing¹ Jesús fí¹ ca¹ guóo¹ lí¹ ta¹ dsea¹ cuu¹ quiá¹⁻ guá¹⁻ e sí¹ fí¹ Jerusalén, jø jøør¹ jial dsitea¹ dsea¹ cuu¹ fí¹ jø. Jø lajee¹ jø jaléng¹ dsea¹ sea¹ cuu¹ eáam¹ dsitea¹r¹ cuu¹ fí¹ jø. ⁴² Jø cōo¹ caguiéb¹ jaang¹ dseamf̄¹ i 'nñ¹⁻ i tiñíng¹ eáang¹, jø catá¹r¹ e fí¹ dsíí¹ guóo¹ do tú¹ cuu¹ e ja¹ ee¹ 'ga¹ lí¹ quíng¹. ⁴³ Joba¹ cató¹⁻ Jesús i dsea¹ guitúung¹ quiá¹⁻r¹ do jø casí¹⁻reiñ¹ do lala:

—Dseáng¹⁻ e já¹⁻ e f̄í¹ i 'nú¹ e i dseamf̄¹ 'nñ¹⁻ la nicató¹r¹ jmigui¹gui cuu¹ e fí¹ dsíí¹ guóo¹ quiá¹⁻ guá¹⁻ la lacō¹gui

dsea` caguaang`gui; ⁴⁴ co' jaléng' dsea` sea` cuu` cuor` lajii' e seáng` quia'`bre; dsu' i dseamf' 'nhi` la lajib' lajii' e sea` quia'r` e 'ner` nicatá'r` e fi' dsii' guoo' la.

13

Mi` cajing'` Jesús e ni'fing` guá'` fé' e si' fi' Jerusalén
(Mt. 24:1-2; Lc. 21:5-6)

¹ Jo lajee` ni'iuung` Jesús fi' e güi'fir' fi' dsii' guá'` fé' quia'` dsea` góor` dsea` Israel e si' fi' Jerusalén, jo jaang` lajee` dsea` guitúung` quia'r` casí'r` dsea` do lala:

—i Tifa', fíng na jóø` jalé'` cuu` cóo' e niguo'^ e silí' e guá'` la!

² Jo cañi'` Jesús quia'` i dsea` quia'r` do:

—Jóø` jial jlo'^ cóo' e silí' e guá'` na. Dsu' latøøng` e guá'` na jii'` cóo` cuu` jo` e nijé`gui siffíng` quia'` rúng', co' dseáng'` lajib` ni'fing` mi` nití' í' lajo.

Jial nilí' mi` nijaquíéng` e tí lí' ni'fing` jmigüf`
(Mt. 24:3-28; Lc. 21:7-24; 17:22-24)

³ Jo mi` cangf` jo, cangób` Jesús cóo'` dsea` guitúung` quia'r` fi' yá'^ mó' e sii` Olivos e si' fi' lí'` quini` laco' si' e guá'` do. Jo lajee` e taang` Jesús e fi' yá'^ mó' do, jo job` mi` cangoquíéng` Tú` Simón cóo'`gui Tiáa` jogui Juan cóo'` Dí' fi' lí'` guíing` dsea` do, jo casí'` reiñ' lala cóo` yaaiñ`:

⁴ —Ii` naa' e jmée'` jnea'^ júu^, Tifa', lí' e nidsijée' jalé' e fón' 'nu` na. Jo ¿e` e nicuó` lí' quia'` e jo` huóø` róo` jmigüf` jogui e nijaquíéng` e tí lí' nidsijée' jalé' e jo?

⁵ Joba' cañi'` Jesús quiaíñ'` do lala:

—Ñiing` áa'na' e jii'` jaang` ja` ii` nijmigóøng` 'nú'.
⁶ Dsaco' fíim'bing' i nijalíng` i jmigoo' e jíñ'` e íbre líiñ'` Dsea` Jmaang` jo nifé'r': “Jneab` i dsea` í”;

niligooiñ̃ jo jáb¹- nilíñ̃ e júu^ e o' já¹- do mi~ niguiée' e jmiñ̃ jo.

7 Jo mi~ ninúu^ 'nú' júu^ quiá¹- e ninée' 'nii' fí' la fí' na, ja fòong¹na' jóng, co' lajob nisi¹í' quiá¹- Fidiée' e nidsijée'; dsu¹ lí¹ uiim~bi jóng ja mí' tí' lí' íim^bi. 8 Dsuco¹ mi~ nú¹- gui e ni'íing~ jmigüí¹, eám' nitíng~ dsea' lajee' la'ó' rúíñ¹'; co' nitíng~ coo' fii' coo¹~ jié¹'gui coo' fii', jogui lajobi coo' góo' dsea' coo¹~ jié¹'gui coo' góo' dsea'; jogui jmiguiub' lí~ nijó¹' uó¹- e eáang', jogui jmiguiub' lí~ nijáa' jii' oo¹ cajo. Jo dsu¹ lí¹ uiim~bi jóng mi~ tí' lí' nidsijée' jalé¹' e iihuí¹ na.

9 Dsu¹ eáang' 'né¹- ñiing~ áa' 'nú' mi~ nití¹ í¹ lajo, co¹ nijáng¹ dsea' 'nú' fí' quini' dseata~, jogui nijmihuíiñ̃ 'nú' fí' lacaang¹ dsii' sinúu¹ guá¹-. Jo uii¹ e já¹ líng¹na' júu^ quié¹- e, joba¹ nidsijeáaiñ̃ 'nú' fí' lacaang¹ quini' dseata~ dsea' cóong¹ coo¹~ gui fí' quini' jaléng¹ dsea' féng¹'. Jo mi~ nijmér¹ lajo, joba¹ cuóong¹ e niguiá¹ 'nú' júu^ quié¹- e fí' quini' jaléng¹ i dseata~ do. 10 Dsuco¹ nú¹- gui e tí' lí' ni'íing~ jmigüí¹, dseáng¹- 'néb¹- e nini¹ júu^ quié¹- e jee' jaléng¹ dsea' fí' la'úng¹ fí' jmigüí¹ e quiá¹- jial nileáng¹ dsea' jee~ jalé¹ dsee¹ quiá¹r¹-. 11 Jo mi~ tí' lí' nitóør¹ 'nú' fí' quini' dseata~ e nijáíñ̃¹ 'nú', jo ja¹ jmee¹na' fí' í¹ fa¹ ja¹ ñí¹na¹ ee¹ ningüi¹na¹ quiá¹r¹, co¹ dseáng¹- ja¹ 'né¹ í¹ áa¹na¹ lajo, dsuco¹ Fidiéeb¹ dsea¹ nijmicóo¹~ quí¹na¹ e ningüi¹na¹ quiá¹r¹ mi~ nití¹ í¹ lajo; dsuco¹ o¹ dseáng¹- 'nú' i nifé¹ mi~ nití¹ í¹ lajo, co¹ 'ñiab¹ Jmiguí¹ quiá¹- Fidiée¹ nifé¹, jo eám¹ nijmicóo¹~ 'nú' jóng. 12 Dsuco¹ mi~ nití¹ í¹ lajo, jaléng¹ dsea¹ ni¹lé¹bre quiá¹- rúíñ¹ e nijáng¹neiñ̃¹ quiá¹- e nijúuiñ̃¹, jogui lajo cajo jaléng¹ tiquiá¹¹ dsea¹ nijám¹bre jaléng¹ jóor¹ e nijúuiñ̃¹; jogui jaléng¹ jóo¹ dsea¹ nitíng¹ nijíñ̃¹ coo¹~ jaléng¹ sejmiir¹ jo cartí¹ nijngám¹breiñ̃¹. 13 Jogui jaléng¹ dsea¹ jmigüí¹ nilí¹ 'ní¹ níñ¹- 'nú' uí¹ e já¹ líng¹na¹ júu^ quié¹- e; jo dsu¹ ii¹

ī teáng- teá cōo' júu^ quié- e carta~ seeĩñ' fí' jmigüf la, joba' nileám' bre jee~ jalé' dsee- quiá'r-.

14 'Jo 'nú', mi~ nimó^na' cōo' e ga' eáang' e nijmé- dsea' fí' dsí' guá'- fé' e si' fí' Jerusalén fí' lí~ líí' e guá'- güeang'^ quiá'- Fidiée' lí'^ laco' cajme' jaang' i café' cuaiñ~ quiá'- Fidiée' malí~ gui eáang' i calisí Daniel —güingáng'^na' e júu^ la, 'nú', dsea' i'na' e la—, jo mi~ nití- e í' jo, jaléng'^ dsea' i neáang' fí' lí' se' Judea güicuí'^bre fí' jee~ mó'. 15 Jogui song ii dsea' dsíĩñ- fí' yú'^ 'núu' mi~ nití- e í' jo, ja' güijgiáiĩñ' fa' e nidsi'uøø'r~ jalé' e sea' quiá'r-, cō' 'né- cuí- bre; 16 jogui song ii dsea' taang~ jmoø' ta' fí' jee~ mó', joba' ja' güi'í' dsíir' fa' e niqing'^ guir fí' quiá'r- e fa' e nidsiquiéer' jalé' sî'r^'. 17 ¡Lí'^ e ngí' fíi' jaléng'^ dseamf i jobi quiéeng' yuu' mi~ tí' lí' jo osi dseamf i jobi cuø' yuu' tú' é! 18 Jo nab tí'gui e mñi'na' Fidiée' e ja' dsijéé' jalé' e la dseáng'- lajee' jii' güíi-, 19 dsuco' ie~ jo dseáng'- eáam' iihuí' ni'ing'^ jaléng'^ dsea' e ja' mí' cangongíiĩñ- jii' cōo' ya' latí' mi~ catiroo' jmigüf, o'gui nidsingíiĩñ- mi~ ningf jo. 20 Jo faco' Fíi'naa' nijmi'íiĩñ- eáang' e nidsijéé' jalé' e jo, joba' jii' jaang' jo' ii' nileáang' jóng faco' lajo; dsu' nicajmitiĩñ~ jalé' e jo uíi' e 'neáiĩñ' jaléng'^ dsea' quiá'-bre i nicaguíñ' lami' jéeng' gui.

21 'Jo ie~ jo, song ii dsea' nijmigøøng' 'nú' jo nisf'r' 'nú' lala: “I lab i dsea' i sijeeng'na' do”, osi “Dob siñ'” é, dsu' ja' já' güilíng'na' jii' cōo', cō' o' já'- e lajo. 22 Cō' fñim'bing' nijalíng- i nijmigóo' e nijmicaaiñ~ e líiĩñ' Dsea' Jmáang-, osi nijmigóor' e líiĩñ' dsea' i fé' cuaiñ~ quiá'- Fidiée' é; jo nijmé- bre jalé' lí' e quí'r~ jmí~ e dsigá' dsí' dsea' e lí'^ laco' iĩñ~ e niligøøng' dsea', jo dseám'~ e niligøøng' la quié'gui i dsea' i nicaguíng'^ Fidiée' i nilíng' dsea' quiá'r-. 23 Jo lana fñi- i 'nú', 'né- e eáam' síñiing' óo'na', cō' nicaliúum'~baa 'nú' e júu^ la lami' jéeng' gui.

*Jial mi~ nijáa'tu i dsea` i jáa' fí ñifí~ i líng' dsea` jmigüf`
(Mt. 24:29-35,42-44; Lc. 21:25-36)*

²⁴ 'Jo mi~ nití~ e jmi~ jo, mi~ nisóong~ jalé' e iihuíf e nijáa' do, jo jo' nicuó~ gui iee` jir~, o'gui si' nicuó~ guir jir~ cajo. ²⁵ Jogui nijiu'm' jaléng' núu' i sitóng' fí yá'^ jmigüf, jogui niguiá' fí yá'^ jmigüf. ²⁶ Jo joguib mi~ nití~ í' e nigáa'tu jnea~ fí jmigüf la, dsea` lín'n jaang` dsea` jmigüf i jáa' fí ñifí~, jo nigáa'a fí jee~ cabøø` jní' cóo'~ gui jalé' e 'gøng' jogui e ji' laniing~ güea'^ ji' niguo'^ quiá'~ Fidiée'. ²⁷ Jo job mi~ nití~ í' e nisíng~ Fidiée' jaléng' ángeles quiá'r~; jo i ángeles do niseáiñ' jaléng' dsea` i nicaguíng' Fidiée' lami~ jéeng'gui fí laji` quiú' quiúung' jmigüf, catí li' huí~ gui quiá'~ guóo'~ uó~ jogui catí li' huí~ gui quiá'~ yá'^ jmigüf cajo.

²⁸ 'Jo téé' óo'na' la'eáang' cóo'~ e júu^ quiá'~ 'ma` güñí'^: Mi~ nidsi~ guo' e sí' quiá'~, jogui ni'ia' má' e sí' quiá'~ cajo, joba' niñí' 'nú' e quiáb'~ nijaquiéeng' jii' jmi' jóng. ²⁹ Jo lajob lí' cóo'~ e júu^ la; co' mi~ nimóo' 'nú' e nidsijée' jalé' e jo, joba' nicuó' li~ jóng e quiáb'~ nigáa'a, jnea~ dsea` lín'n dsea` jmigüf i jáa' fí ñifí~. ³⁰ Co' dseáng'~ já'~ba' fá'a e dseáng'~ 'né' e nidsijéeb' jalé' e jo nú'~ gui e nijúung~ jaléng' dsea` i seeng` lajee' lana. ³¹ Co' ni'íim~ fí la'úng~ jmigüf jogui lajobi la'úng~ fí yá'^ jmigüf cajo, dsu' ja` tóo` jmi~ fa' e ja' niliti~ jalé' júu^ quié~e.

³² 'Jo dsu' jii'~ jaang` dsea` ja` ii' ñi' e júu^ jo jéeng'gui cuaiñ~ quiá'~ e~ jmi~ jogui e~ í' e nidsijée' jalé' e jo, jo ji' gui latí jaléng' ángeles quiá'~ Fidiée' ja' ñir' e jo, o'gui jnea~ cajo, dsea` lín'n i jóo' Fidiée' camíng'~ do, ja' ñii~, co' dseáng'~ lajii'~ Tiquí'ii' Fidiée' dsea` guing~ ñifí'~bing' ñi' e jo.

³³ 'Joba' fíi' i 'nú' e dseáng'~ 'né' e ñiing' óo'na' con-tøøm~ e sijeeng'na' jalé' e jo, jogui féeng'~na' Fidiée', co' ja' ní'na' røø' li~ dseáng'~ e nidsijée' jalé' e jo. ³⁴ Co' e

la líí' lafa' jaang` dsea` i ni'f' fí' dsé' fí' lí' huíí' , jò lajee` e nú' gui nigüi'fír' fí' quiá'r' , jò caseáaiñ' dsea` 'léeng' quiá'r' , jò cacuø'r' ta` lajaang' lajaañ' do, jøgui caseáaiñ' jaang` dsea` i jmóo` í` jaléng' i dsea` jmóo` ta` do. ³⁵ Jòba' lalab cajíng' i dsea` i nées' ni` dsea` 'léeng' do casí'r' jaléng' i dsea` jmóo` ta` do: Jmiñiing` óo' 'nú' , melé^ , cò' ja` ní'na' lí' e nigüeáng'tu` i dsea` fii' 'nú' la, su milí' na` òsi uøø` guie` núub' é, òsi téé` ogóo' mi` niquí' tú` é, òsi dsa'ee' guib' é; ³⁶ cò' jial fing lajee` teng' 'nú' güim'ba' nigüeaiñ' . ³⁷ Jò lajii' e fii' i 'nú' la, lajòb líí' júu` quie` e cóo' dsea` jiénng' gui cajo: ¡Lí' 'né'ba' e jmiñiing` óo'na'!

14

Mi` casíng` dsea` e nisaiñ' Jesús

(Mt. 26:1-5; Lc. 22:1-2; Jn. 11 :45-53)

¹ Jò tú' jmiñ'ba' jmóo`gui e nití' còo` jmiñ' quiá' dsea` Israel e sii` Pascua e gø'r' iñí' e ja` quie' quiéeng` . Jò jaléng' fii' jmidsea` cóo'gui jaléng' tifa' quiá' júu` quie' ta` quiá' dsea` Israel canaiñ' 'nó'r' jial niguiér' e nisaiñ' Jesús e nijmigøøiñ` dsea` do e lacò' nilí'r' ni-jngáng' neiñ' . ² Jò lalab síng` i líng`:

—Ja` nijmó'oo' e jò lajee` jmiñ' Pascua e lacò' ja` dseáng' qui'ii' e nitá' dsea` mí' .

Mi` cal'ée` jaang` dseamí` jmiñ' jmeafii` fí' mogui` Jesús

(Mt. 26:6-13; Jn. 12 :1-8)

³ Jò mi` cangí' jò, Jesús cangór` cóo' dsea` quiá'r' fí' Betania fí' quiá' jaang` dseañ' i sii' Simón, jaang` dsea` i lami` líng' jmohuí' 'lí' fí' ngúu' táang` . Jò mi` caguié` Jesús fí' jò, lajee` e guiiñ' fí' 'ni' mes` e gø'r' ir` , caguié` jaang` dseamí` i quie` còo` síí' e líí' cóo' cóo' cuu` niguó' e sii' alabastro e a` jmiñ' jmeafii` e líí' cóo' layaang` nardo e 'mo' eáang` . Jò i dseamí` do caffim`bre e síí' do jò ca'éer`

e jmiì jmeafiì do fí mogui~ Jesús. ⁴ Jo ì liing~ dsea` ì cangá~ e cajmée` ì dseamf` do lajò caliguim~ bre eáang~, jo canaaiñ` síiñ` lajee` la'ó` yaaiñ`:

—¿Jiali' nicango'íí e jmiì jmeafiì na? ⁵ Co' jmaang`gui fa' mí` iì` ca'níí, jo jmiguiú`gui laco' trescientos cuu` denario nilí'r` jóng e laco' sea`jiu e nilicóo~ jaléng` dsea` tiñíing~.

Joba' ì dsea` ì teáang~ do ie~ jo gab` fé'r` uii~ quiá~ ì dseamf` do.

⁶ Jo dsu' lalab cañíí` Jesús quiá~ ì dsea` do:

—¿Jiali' jmiguíng`na' ì dseamf` na? ¡Ja` e fí'na'r` jíí~ cõõ! Co' lajii~ e nicajmées` quié~ e na eáam` guiú~. ⁷ Jo jaléng` dsea` tiñíing~ nab ní` 'nú' ee` cajmee~na' cõõ'r~, co' cuóøm` lí` jmée`na' e guiú~ cõõ'r` lí` iing~na', dsu' jnea~gui ja` contøong~ seen~ jee~ 'nú'. ⁸ Co' ì dseamf` na nicajmées`bre lajii~ e tiiñ: jo nicasúu~ bre jmiì jmeafiì ngúu` táan`n` nú`gui e ni'áang~ dsea` jnea~. ⁹ Co' jnea~ jmitaa~ óó'na' e doñí' jíé` fí` lí` niguiá~ dsea` júu` quiá~ jial nileáang` dsea` jee~ jalé` dsee~ quiá'r~, niliseab` júu` cajo lajii~ e cajmée` ì dseamf` na, jo lajoba' niguiéng` dsíí` dsea` ì dseamf` na.

Mí~ ca'níing` Judas Iscariote Jesús fí` quini~ jaléng` jmidsea`

(Mt. 26:14-16; Lc. 22:3-6)

¹⁰ Jo mí~ cangf` jo, Judas Iscariote, jaang` dsea` ì quíng` jee~ dsea` guitúung` quiá~ Dsea` Jmaang~, cangór~ cangosiñ~ cõõ~ jaléng` fii~ jmidsea` quiá~ dsea` Israel e laco' nisíñ~ røø` jial nijáiñ` Jesús fí` jaguó` dsea` do. ¹¹ Joba' mí~ tí` lí` canúu~ ì dsea` í, eáam` cali'íáang` dsíir', jo casí'r~ Judas e nicuó'~ reiñ` cuu~. Job mí~ canaang` Judas 'nó'r` jialcõ' cuóøng` nijáiñ` Jesús fí` jaguó` ì dsea` do.

Mi~ cagó' Jesús í' canuu` cóo'~ dsea` guitúung` quiá'r-
(Mt. 26:17-29; Lc. 22:7-23; Jn. 13 :21-30; 1 Co. 11 :23-26)

¹² Jo mi~ cangf jo, canaang` la'uii~ jmi~ e quiá'- gø' dsea` Israel iñí'^ e ja` quie'^ quiéeng`, jogui e jngang' dsea` Israel jaléng' jo'se' jiuung` quiá'- e jmi~ jo. Joba' lalab cajmingí' i dsea` guitúung` quiá'- Jesús cajmingí'r- dsea` do jo cajíñ'-:

—Fíi'naa', ¿jie~ fí' fó' 'nù' e nidsé^naa' nidsiguiá^naa' guiú- quiá'- e niquiee~naa' í' canuu` quiá'- jmi~ Pascua?

¹³ Joba' casíng` Jesús gáng- i dsea` guitúung` quiá'r- do jo casí'- reiñ' do lala:

—Güilíng-na' fí' fi' Jerusalén, jo fí' job niguiéng'na' jaang` dseañu' i quiee` cóo` dsuu- e a~ jmi~; jo nigüilíng`-na' laco' ngang' i dsea` do. ¹⁴ Jo mi~ nigüilíng-na' fí' lí' ni'ír, síi~na' i fii~ 'núu' jo: “Lalab jíng'- Tifa' quí-naa': ¿Jie~ fí' lí' si' 'núu' lí' nidóø'~ø í' canuu` quiá'- jmi~ Pascua colíing~ cóo'~ dsea` quie-e?” ¹⁵ Jo joguib ni'é- i dsea` do cóo` 'núu' yú'^ e nisiliing` guiú-, jo fí' job niguiá^na' guiú- e niquiee~naa' do.

¹⁶ Jo mi~ cangf jo, ca'uøøm` i dsea` gáng- do cangolíñ^ fí' fi' jo, jo cadsem`bre i dseañu' do dseáng'- lí'^ laco' nicajíng'- Jesús e nicasí'- reiñ' do; joba' fí' job caguiá' i dsea` gáng- do guiú- quiá'- e nidó'r- lajaléiñ'^ do í' canuu` colíing~ cóo'~ Jesús ie~ jmi~ Pascua do.

¹⁷ Joba' mi~ canuu` e jmi~ jo, caguiéb- Jesús colíing~ cóo'~ dsea` guitúung` quiá'r- fí' jo. ¹⁸ Jo lajee` mi~ nineáaiñ' fí' 'ni' mes~ e ninaaiñ' gø'r', lalab cajíng'- Jesús casí'- reiñ' do:

—Dseáng'- e já'- e fi' i 'nú' e jaang` lajee` la'ó' 'nú' i neáng` gø' cóo'~ jnea~ lana, íb` i nijáng' jnea~ fí' jaguó` dsea` i 'ni' ní- quie-e.

¹⁹ Jo mi~ canúu- i dsea` guitúung` do lado, eám' fí'í' calíñ-, jo canaaiñ` jmingí'r- dsea` do lajaang` lajaaiñ`:

—¿Su jneab~, faa~aa?
 Jo jiéng'gui jaang`cañí':
 —¿Si jneab~ é?

²⁰ Joba' cañí` Jesús:

—Lí^ jaang`nú' la'ó' guitúung`na' na, jaang`igø' cóo~
 jnea~ fí' cóo` cuée'~ huíí', íb` i ni'lé~ do. ²¹ Co' jáb'~ e jnea~,
 dsea` lín'n jaang` dsea` jmigüi` i cajá~ fí' nífí~, dseáng'~
 'né~ e nidsingim~baa lí^ laco'gui la fé' fí' ni` jì quiá'~
 Fidiée'; dsu' jnea~ fá'a, je ngi~ fíib` i dsea` i ni'lé~ do! Co'
 guiú~ guib quiá'~ i dseañu' í fa' mí' ja` caliséiñ`.

²² Jo lajee` e neaaiñ` gø'bre, catíng~ Jesús cóo` iñí^ jo
 cacuø'r' gui'máang'v Fidiée~, jo mi~ cangf e jo, caffim`bre
 jo cajméer` guiée` quiá'~ i dsea` quiá'r~ do, jo casí' reiñ'
 do lala:

—Quié'na' e iñí^ la, co' nguú` táam`baa la.

²³ Jo mi~ cangf jo, catíiñ~ cóo` cóo^ e a~ jmí^ mí^
 huiing`jó^, jo cacuø'r' gui'máang'v Fidiée~ cajo mifíng`
 cajméer` guiée~, joba' lajím`bre ca'í'r~ e a~ dsíí' e cóo^ do.

²⁴ Jo casí'r~ i dsea` quiá'r~ do lala:

—E lab e jmi'øøn~ e laco' nicuø' lí~ quiá'~ júu^ tigua` e
 'míí~, jo fíim` dsea` nijmicóo'~ quiá'r~ lajii'~ e jmi'øøn~ e
 nitú. ²⁵ Co' dseáng'~ já'ba' e fíi` i 'nú' e jo` nidúu'~ guíí
 e jmí^ mí^ huiing`jó^ la cartí' mi~ nití~ jmi~ e nidúu'~ u
 jmí^ mí^ huiing`jó^ e 'míí~ mi~ nití' í' e niquiú'~ Fidiée~
 ta~ fí' la'úng~ fí' jmigüi`.

Mí~ cajmée` Jesús júu^ e nijíng'~ Tú^ Simón e ja` cuíiñ`
 dsea` do

(Mt. 26:30-35; Lc. 22:31-34; Jn. 13 :36-38)

²⁶ Jo mi~ cangf e ca'ø'r' e jmiféiñ' Fidiée~, jo cangolíim^
 tur fí' mó' Olivos. ²⁷ Jo fí' job casí'~ Jesús i dsea` quiá'r~ do
 lala:

—Lajím` 'nú' nitiúung~na' jnea~ e uøø` na lí^ laco'gui
 la fé' fí' ni` jì quiá'~ Fidiée~: “Nijngám'~ dsea` i fii` i jmóo`

í' jo'se', jogui jaléng' jo'se' quiá'r- lí' nisojóm-bre'." ²⁸ Dsu' mi~ ningí' e nijí' túu, fí' lí' se' Galileab nini' i calé' catú- jéeng' gui laco' 'nú'.

²⁹ Joba' cañí' Tú' Simón quiá'- dsea` do lala:

—Nañí' fa' lajim` nitiúung- 'nu', Fí'i, dsu' jnea~ ja` nijmee~ e lajo.

³⁰ Joba' cañí' Jesús quiá'- Tú' Simón:

—Dseáng'- e já'- e fí' i 'nu', Tú' Simón, e 'ñia' e uø` na e ná'- gui e niquí'- tuidsé' tú- ya', 'nu' nifo' 'ní' ya' e ja` cuín' jnea~.

³¹ Jo cuø' bi Tú' Simón 'goo` dsea` do jo sí' reiñ' lala:

—Nañí' fa' nijúum- baa colíing~ cóo'- 'nu', dsu' ja` nifá'^ a e ja` cuín' n 'nu'.

Jo lajob cajíng'- lajim` i dsea` quiá'r- caguaang- gui do cajo.

Mi~ caféng' Jesús Fidié' fí' cóo' lí' sii` Getsemaní

(Mt. 26:36-46; Lc. 22:39-46)

³² Jo mi~ cangí' jo, jo cangó- Jesús colíing~ cóo'- dsea` quiá'r- fí' cóo' lí' sii` Getsemaní e néé' fí' mó' Olivos, jo fí' jo casí'r- i dsea` quiá'r- do lala:

—Ní'na' e la lajee' nii~ jnea~ nisiin' n cóo'- Tiquié' e Fidié'.

³³ Jo jíi'- Tú' Simón cóo'- gui Tiáa~ jogui Juan, jíi'- í'bing' cajéiñ', jo Jesús mifíng` e ninaang` e líiñ' fí' í' e eáang' jogui e jiuung~ dsí'r' cajo. ³⁴ Jo lalab cajíñ'-:

—Dsíng'- lí' i e fí' í' lín' n dseáng'- lafa' jo` jmigüü' la seem- baa lín' n. Jo lab nijá' 'nú' lajee' jo, jo ja` jmigüüing` yaang~ na'.

³⁵ Joba' Jesús cangó'- catí' doguijiu, jo catúuiñ' cartí' cajnúu- dsequí'r' fí' ni~ uø', jo camí'r' Fidié' fa' ja` ni' íñ' iihuí' lajíi' e nisijé' quiá'r- mi~ nití' í' lajo. ³⁶ Jo lalab caféiñ' Fidié' ie~ jo:

—Teaã, lajib` cuøong` sea` lí` jmée` ^` 'nu, joba' míi`~i`
 'nu` e` jmiã` lana e` nilaang` jnea` jee` e` iihuíf` e` eáang`
 e` nijaquíeeng` quié`-e, dsu' ja` güilí` laco' iing` jnea`, co'
 iin`n e` nilí` dseáng`- laco' iing` 'nu`.

³⁷Jo miã` caqing`-tu Jesús fí` lí` caseáaiñ` i` dsea` gaang`
 do, jo` cadséng`-neiñ` do e` teiñ` güim`bre, joba' casí`r` Tú`
 Simón lala:

—Simón, ¿su güim`ba? ¿Su dseáng`- ja` té`ba' fa' e`
 sijnée` o'` jíi`~ coo` oor`? ³⁸Jmijnée` óo`na', jogui` míi`~na'
 Fidié` e` laco' ja` nijjúng`na' fí` ni` dsee`. Dseáng`- e` jáb`-
 iáam` óo`na' e` jmée`na' jalé' e` guiú`, dsu' ngúu` táang`na'
 ja` cuø` fí` e` nijmée`na' lajo.

³⁹Jogui` cangób`-tu Jesús calé` catú`- cangoféeiñ`
 Fidié` laco'gui` nicangoféeiñ` lamiã` jéeng`gui do. ⁴⁰Jo
 miã` tí` lí` caqing`-tur` fí` lí` neáang` i` dsea` gaang` quiá`r`-
 do, jo` caléb` catú`- cadséng`-tureiñ` do e` güim`biñ', co'
 dseáng`- eáam` jo` téiñ` do e` jaligüfiñ`. Joba' ja` ñir` e`
 niñr`- quiá`- dsea` do. ⁴¹Jo caquim`-tu Jesús e` catí` 'ní`
 ya' jo` lalab` casí`-reiñ` do:

—¿Su mi` 'noo` güim`bi` 'nú' jogui` jmi`ng`na'? Dsu'
 nitéb` jíi`~ lana, co' dseáng`- lanab` catí` í` e` fí` jaguó` dsea`
 dsee` dsea` quib` nijáng` dsea` jnea, i` dsea` i` cagüéng`- fí`
 jmigüí` la e` líñ`n jaang` dsea` jmigüí`. ⁴²Jminá` ráang`na`
 na, jo` má`aa', co' nab` nijáa` i` dsea` i` nijáng` jnea` fí` jaguó`
 jaléng` dsea` i` 'ní' ní`- quié`-e.

Miã` casang`- dsea` Jesús

(Mt. 26:47-56; Lc. 22:47-53; Jn. 18 :2-11)

⁴³Jo lajee` e` fé`bi` Jesús, miã` tí` lí` caguié` Judas Iscar-
 iote i` quíng`~ jee` dsea` guitúung` quiá`r`, jo` i` fíim` dsea`
 cóo`r` i` quié` ñisü' cóo`~ gui jalé' `ma, co' ta` quiu' jaléng`
 fii` jmidsea`ba' e` ngolíng`- i` dsea` do cóo`~ gui jaléng` tifa`
 quiá`- júu` quiu' ta` quiá`- dsea` Israel cóo`~ gui jaléng`

dsea` cóong'~ quiá'r~ cajo. ⁴⁴ Jō Judas Iscariote lami~ jéeng'gui, lalab casí'r~ jaléng' i dsea` i jéeiñ` do e nijmér~ coo` lí~, jō nijíñ'~ jnang~ i sii Jesús, co' cajíñ'~ ie~ jō:

—I i nimó` 'nú` i nichú`^u ni~, íb` Jesús, joba' séng'~ na're jóng, jō tee~ na're e 'núuiñ' guiú`.

⁴⁵ Jō mi~ tí lí~ cangáin~ Jesús, jō cangoquíeeiñ' fí quini~ dsea` do jō casí'r~ lala:

—jTifa'!

Jō mifíng` cachu'r` ni~ dsea` do. ⁴⁶ Jō casam'~ jaléng' i dsea` do Jesús ladsifí lado jō e 'núung'~ biñ' do catór`.

⁴⁷ Dsu' jaang` lajee` la'ó` dsea` quiá'~ Jesús caguir' ñisú` quiá'r~, jō caquiú'r` dseáng'~ logua~ jaang` dsea` i jmóo` ta~ quiá'~ i jmidsea` i laniing`. ⁴⁸ Jō Jesús cajmingí'r~ jaléng' i dsea` do lala:

—jJialí' nicañilíng` na' e quié` na' jalé' ñisú` cóo'~ gui jalé' 'ma' e laco' nitøø` na' jnea~ e 'núun`n laco'gui la cáng' dsea` jaang` h? ⁴⁹ Co' lacoo` jmiib~ nicangí jnea~ jee~ 'nú` e ée~ e 'nú' júu` quiá'~ Fidiée` fí dsíí sinúu` guá' fé' quí`ii', dsu' ja' ca'í' óó'na' fa' lajii'~ ie~ jō caséng' na' jnea~. Dsu' lanagui nilitib~ náng laco'gui la fé' fí ni~ jì quiá'~ Fidiée`.

⁵⁰ Joba' lajiiim` i dsea` quiá'~ Jesús do catiúum~ bre dsea` do jō cacuí`bre. ⁵¹ Jō dsu' jaang` siming' cangó`bre tí'leáaiñ' laco' cangáng'~ Jesús, jō lico' iáiñ` coo` jmóo'~ 'mi' lajob. Jō casam'~ bre i siming' do cajo; ⁵² dsu' i siming' do catú`bre e jmóo'~ 'mi' do jō cacuí`bre la ringúuiñ' lado.

Mi~ caguiéng'~ Jesús fí quini~ jaléng' dsea` cóong'~
(Mt. 26:57-68; Lc. 22:54-55, 63-71; Jn. 18 :12-14, 19-24)

⁵³ Jō cató`bre Jesús fí quini~ fii~ laniing` quiá'~ jaléng' jmidsea` quiá'~ dsea` góor` dsea` Israel; jō fí job caseáng' jaléng' fii~ jmidsea` quiá'r~ cóo'~ gui jaléng' dsea` cóong'~

quíar^r jogui jaléng^l tifa' quiá^l- júu[^] quiu^l ta[~] quiá^l- dseá^l Israel cajo. ⁵⁴ Jo dsu^l cangób⁻ Tú[^] Simón jiu^b~ cøøiñ^l laco^l cangó⁻ Jesús cartí^l caguilíñ⁻ e fí^l siguí^l fí^l lí[~] guing[~] i jmidsea^l laniing⁻ do, dsu^l fí^l caluub[~] caje^l Tú[^] Simón colíing[~] cóo^l~ i dseá^l i néé^l ni[~] e guá^l- fé^l quiá^l- dseá^l Israel i neáng^l jmiguiáng^l fí^l ca^l lí[~] coo^l jì.

⁵⁵ Jo jaléng^l fii[~] jmidsea^l quiá^l- dseá^l Israel cóo^l~ gui lajaléng^l dseá^l cøøng^l i quiu^l ta[~] quiá^l- canaañ^l 'nó^r e[~] jalé^l dsee⁻ sea^l quiá^l- Jesús e laco^l nilí^r e nijngáiñ^l- dseá^l do, jo dsu^l ja^l cadsé^l i dseá^l do jíí^l~ coo^l. ⁵⁶ Jo fíim^l dseá^l 'nñiñ^l Jesús cóo^l~ júu[^] e o^l já^l-, dsu^l jmaquíim^l júu[^] fé^r lajaang^l lajaañ^l jo jíí^l~ jaañ^l ja^l cuó^l- júu[^] rúin^l. ⁵⁷ Jo caróo^l bi jaang^l gáng⁻ dseá^l e 'nñiñ^l Jesús cóo^l~ júu[^] e o^l já^l- jo cajíñ^l- lala:

⁵⁸ —Jnea^l canú[^]naa^l e cajíng^l- dseá^l na lala: “Jo ni^líim[~]baa guá^l- fé^l quí⁻ii^l e sí^l fí^l Jerusalén e cajme^l jaléng^l dseá^l, jogui lajee[~] 'ní^l jmiñ[~] lajob nijmée^l~túu^l coo^l gui e ja^l nitaan[~] n jíí^l~ jaang^l dseá^l jmigüí^l e jme^r.”

⁵⁹ Jo dsu^l dseáng^l- ja^l cuøb^l júu[^] rúng^l jíí^l~ jaang^l i dseá^l do cóo^l~ lajíí^l~ e sñiñ^l do.

⁶⁰ Jøba^l caróo^l i jmidsea^l laniing⁻ do jee[~] jaléng^l i dseá^l do, jo lalab cajmingí^r- Jesús:

—¿Su jíí^l~ coo^l ja^l iin^l~ ngñi^l? ¿E[~] e fé^l jaléng^l i dseá^l na e 'nñiñ^l 'nu^l?

⁶¹ Dsu^l jíí^l~ coo^l ja^l ee^l cañí^l Jesús quiáiñ^l- do, jo lí[^] cajer^l tiib⁻. Jøba^l caleáb^l tu cajmingí^l i jmidsea^l laniing⁻ do jo cajmingí^r- dseá^l do lala:

—¿Su já^l-ba^l e 'nub^l lin^l Dseá^l Jmáang⁻ i nisíng⁻ Fidiée[~] i nicá^l nifí^l quí⁻ jnea^l, jogui lin^l i Jóo^l Fidiée[~] camíng^l i dseáng^l i güeang^l do?

⁶² Jøba^l cañí^l Jesús quiáiñ^l- do lala:

—E jáb^l-, jneab^l í, jogui 'nú^l nimáam[~]ba^l jnea[~], i dseá^l jmigüí^l i jáa^l fí^l ñifí^l, e guiin[~] n lí[^] lí^l dsée^l laco^l gui la

guiing~ Fidiée~ i quíi~ jmi~ jmé~ lí^ doñí ee, jogui e nigáa a fí yú^ jmigúí fí jee~ cabøø~ jníí.

⁶³ Jo mi~ i jmidsea~ laniing~ do canaaíñ` síiñ` sí'r^ dsu' e guíiñ~ jo cajíiñ~ lala:

—¿E~gui e güijeeng~ guíi' e niline~guíi'? ⁶⁴ Nab ni-canúu~na' jial nicafé'r` júu^ ga` uíi~ quíá~ Fidiée~. ¿Jial í' óo' 'nú' cóo~ jalé' e nicafé'r` na?

Jo lajiim` i dsea` do casíiñ~ røø` e røøm` dsea` do dsee~, joba' 'né~ e nijúum~bre.

⁶⁵ Jo i liing~ i dsea` do canaaíñ` 'ñíim`bre Jesús, jogui qui'r` ni~ dsea` do jogui naaiñ` jnóor` moniñ~ jo jmingí'r~ dsea` do lala:

—¿Ne~duu' su já~ quíi~ ní^ i~ i cabá` moní^!

Jogui jaléng' i jmóo` í^ e guá~ fé' do canaaíñ` jnóor` moni~ dsea` do cajo.

Mí~ cajíng~ Tú^ Simón e ja` cuíiñ` Jesús

(Mt. 26:69-75; Lc. 22:56-62; Jn. 18 :15-18, 25-29)

⁶⁶ Jo co! dobi guiing~ Tú^ Simón e fí siguí do ie~ jo, jo lajee~ jo mi~ tí' lí~ caguié~ jaang` dseamf` i jmóo` ta~ quíá~ i jmidsea~ laniing~ do. ⁶⁷ Jo mi~ cangáiñ~ Tú^ Simón e dobguiiñ~ do 'ni' jì jmguiáiñ', lí^ cajer' jøøm~bre dsea` do jo casí'r~ lala:

—Cangíb^ já~ 'nú' cóo~ Jesús i seeng` fí Nazaret do, ¿já^ já~?

⁶⁸ Dsu' Tú^ Simón cañiir` quíá~ i dseamf` do lala:

—Ja` cúing` jnea~ i dsea` í, dseamf`. Ja` ñii~ e~gui e fó' na.

Jo cagüi'íi' Tú^ Simón fí lí~ o'nú^, jo job mi~ caqui' jaang` tuidsee^e. ⁶⁹ Joba' cajøøng~tu i dseamf` do ír, jo miffing` canaaíñ` sí'r` i dsea` teáang~ do ie~ jo:

—I cangí cóo~ Jesús i dseañu' la cajo.

⁷⁰ Dsu' Tú^ Simón cajín^- calé^ catú^- e ja` cuíin` dsea` do. Jo mi'míng- guijiu lajo cajíng^- i teáng- do cajo casí'r- Tú^ Simón lala:

—E jáb'- dseáng'- 'nub` i cangi' cóo'~ Jesús do, ¿já` já`-?, có' dsea` Galileab lin'.

⁷¹ Joba' Tú^ Simón canaaín` jmi'lim'^ 'ñaia'r e jín^- e dseáng'- ja` ñir', jo casí'r- dsea` do:

—Ni~ fii-. Dseáng'- ja` cuím`baa i dseañu` i éeng' 'nú' na.

⁷² Job mi~ tí li~ caqui' tuidsée^ e catí tú- ya', jo joguib cadseng'- dsíí' Tú^ Simón cajo e cajím'- Jesús la nú'-gui do lala: “Nú'-gui e niquí'- tuidsée^ e nití- tú- ya', 'nu` nifo'^ 'ní ya' e ja` cuíin' jnea~.”

Jo mi~ cadseng'- dsíir' guiá- e jo, canaaín` qui'bre jóng dseáng'- e ngocáng' dsíir'.

15

Mi~ caguiéng'- Jesús fí quini` dseata~ Pilato

(Mt. 27:1-2, 11-14; Lc. 23:1-5; Jn. 18 :28-38)

¹ Jo mi~ cajneá- e jmi~ jo, jaléng' fii~ jmidsea` quiá'- dsea` Israel caseáng'^ yaaiñ` cóo'~ jaléng'^ dsea` cóong'- quiá'r- cóo'~gui tífa' quiá'- júu^ quiu' ta~ quiá'- dsea` Israel, lí'^ lajiing` i dsea` Israel i quie' nifí i quiu' ta~, jo cató-bre Jesús e 'núuiñ` fí quini` dseata~ Pilato. ² Jo mi~ caguilíng- jaléng'^ i dsea` í fí jo, jo dseata~ Pilato cajmíngí'r- Jesús lala:

—¿Su já'-ba' e 'nub` i líng' dseata~ dsea` féng' quiá'- dsea` Israel?

Jo Jesús cañíir`:

—E jáb'- . Lajob líí' lí'^ laco'gui la nicafée'~ na.

³ Jo có' jmiguiub' dsee- cuø' jaléng'^ i fii~ jmidsea` do Jesús, ⁴ joba' cajmíngí'-tu dseata~ Pilato Jesús lala:

—¿Su jíi' cōo' ja' e iin' ngii'⁻? Cō' dseáng'⁻ jmiguiab' dsee⁻ jmóo' jaléng' i dsea' la quí'⁻.

⁵ Dsa' Jesús caleáb'tu ja' ee' cañiir' jíi' cōo'; joba' eáam' dsigá' dsí' dseata~ Pilato.

Mi~ cahuí' ta~ e nijúung⁻ Jesús

(Mt. 27:15-31; Lc. 23:13-25; Jn. 18 :38-19 :16)

⁶ Jo lajee⁻ e tí' e jmi~ jo, nitíng⁻ dseata~ Pilato e láaiñ' jaang⁻ dsea' i sijníng⁻ lí' doñi' ii' i míng⁻ dsea' fii'. ⁷ Jo ie~ jo ni'iuung⁻ jaang⁻ i sijníng⁻ i sii' Barrabás colíng⁻ cōo' jaléng' i nijmóo' ta~ jngang' jaléng' dsea' fí' jee~ mí'⁻. ⁸ Jo mi~ casimó' dsea', jo camí'r' dseata~ Pilato e nijmé⁻ dsea' do lajo, e nileáiñ' jaang⁻ i dsea' sijníng⁻ do laco'gui jíi' e quí' tñiñ'. ⁹ Joba' cañi' dseata~ Pilato quí' jaléng' i dsea' do lala:

—¿Su iing~ 'nú' e nilaan⁻ i dseata~ dsea' féng' quí'⁻ dsea' góo'na' dsea' Israel?

¹⁰ Jo cō' calilíb' i dseata~ do jéeng'gui e lí' uí' e dsihuím' jaléng' i fii~ jmidsea' do quí'⁻ Jesús, joba' cajáng'neiñ'. ¹¹ Dsa' jaléng' i fii~ jmidsea' do canaañ' ta'r' mí' jo canaañ' sí'r' jaléng' dsea' jiéng'gui e guiú⁻ gui e nileáng' Barrabás. ¹² Joba' cajmingí'tu dseata~ Pilato lala:

—Jo ¿e~ iing~ 'nú' e nijmee~ e cōo' i dsea' i fí' 'nú' dseata~ dsea' féng' quí'⁻ dsea' góo'na' dsea' Israel?

¹³ Jo cañi'tu jaléng' i dsea' do cōo' júu' teá':

—¿Güitáiñ' fí' dse' crúu'!

¹⁴ Jo cañi'tu dseata~ Pilato:

—¿E~ gui e ga' e nicajmée' i dseañ' na?

Dsa' i dsea' do caleáb'tu canaañ' ta'r' mí' jo fé'r':

—¿Güitáiñ' fí' dse' crúu'!

¹⁵ Jo cō' i dseata~ Pilato do contøom⁻ iin~ e seeiñ' guiú⁻ cōo' jaléng' dsea', joba' caguím'bre i Barrabás do dsí' 'nuñí'; jo mi~ cangí' e jo, caquiur' ta~ e calihuíng⁻ Jesús

cóo'~ 'nii~ jò cajáng'neiñ' do e quiá'~ nitáng~ dsea` do fí dse' crúub^ jóng.

¹⁶Jò jaléng' i 'lée~ do cajéem`bre dsea` do fí ni~ 'núu' jò fí jò caseáin' lajiing' 'lée~. ¹⁷Jò caquíng'neiñ' do cóo' 'mi' e nú', jogui catá'r~ fí mogui~ dsea` do cóo' lí^ corona e lí' cóo'~ layaang~ 'matóó'. ¹⁸Jò mi~ cangf' jò, canaaín' fé'r` teá lala e lóong~ neiñ':

—jGüiliseem`dseata~ dsea` féng' quiá'~ dsea` Israel!

¹⁹Jò bár' sii~ mogui~ dsea` do, jogui 'ñíin' dsea` do, jogui jmicaain~ e jmféin' dsea` do e sí'r' uó~ jnir~ fí quiniñ'. ²⁰Jò mi~ cangf' e lóoiñ~ dsea` do lajò, cajé'bre e 'mi' nú' do, jò caquíng'tur dsea` do siiñ'^ e lamí~ quiñ'. Jò mi~ cangf' jò, caguim`bre dsea` do e quiá'~ niteáin~ fí dse' crúu^.

Mi~ catáng~ Jesús fí dse' crúu^

(Mt. 27:32-44; Lc. 23:26-43; Jn. 19:17-27)

²¹Jò lajee~ e teáaiñ'~ fí, cajín' jaang`dseañu' i sii` Simón i seeng` fí Cirene, tiquiá'^ jaang` i sii` Jaang~ cóo'~gui jaang` i sii` Rufo, jò nijaiñ' do fí jenuu' fí lí~ jmóor` ta~, jò jaléng' i dsea` i ngolíing~ do cajmeáin' 'goo` i Simón do e nijéin~ crúu^ quiá'~ Jesús.

²²Jò cajéem`bre Jesús fí cóo' lí~ sii` Gólgota e guóng' Cuó' Mogui~ 'Lii~. ²³Jò cacuø'r' Jesús jmí'^ jmíi` huíng` jó'^ e sicáang'~ cóo'~ cóo' oo` e sii` mirra e sí'í^ ni'í'~ dsea` do, dsu' Jesús ja` cal'íiñ~ fa' e ca'í'r~ e jò. ²⁴Jò jòb mi~ cateáaiñ` dsea` do fí dse' crúu^; jò jaléng' i 'lée~ do canaaín' cóor` quiá'~ e nijmér~ guiéé` sí'^ Jesús, jò ne~ duu e~ nil'r` nicóor` lajaang` lajaaín'.

²⁵Jò ngóo'jiu la ii~ ñú~ e la'ee` mi~ cateáaiñ` dsea` do fí dse' crúu^. ²⁶Jò catéer` cóo' 'majmá'jiu fí yá'^ gui~ dsea` do e tóo` e~ uiing~ e jmáin' dsea` do lado, jò lalab tóo': "i lab dseata~ dsea` féng' quiá'~ dsea` Israel." ²⁷Jò cateáang`guir gáng~ ii` colíing~ cóo'~ Jesús, jmá'~ jáng`

crúu^ lajaiñ^ do, jaang` la cataang` cáang` dsea` do. ²⁸ Jo lajob caliti~ laco' la fé' fi' ni~ ji' quia'- Fidiée~ li~ fé' lala: "Calí'fiñ^ jee~ jaléng' dsea` i' 'léé'."

²⁹ Jo jaléng' dsea` i ngíng' lajee~ e táang` Jesús fi' dse' crúu^ lico' guia'r' gui~bre e jòoiñ~ dsea` do jo fé'r` lala:

—Jaa~! ¿Su o' 'na'bi i fé' i lí' qui'^ guá'- fé' quia'- dsea` góo', jogui cóo'~ 'ni' jmiñ~ lajo lí' jmée'~tu'? ³⁰ Jo lana leaang~ uo', jo güíng' fi' li~ táan' fi' dse' crúu^ na.

³¹ Jo lajobi jaléng' fii~ jmidsea` quia'- dsea` Israel cóo'~gui jaléng' tifa' quia'- júu^ quia' ta~ quia'r~ dseáng'~ lóom~bre dsea` do, jogui sñiñ~ lajee~ yaaiñ~ lala:

—Caleám~bre jaléng' dsea` jiéng', dsu' ñia'r' jo quí'r~ jmiñ~ fa' e nileáng~gui 'ñia'r' náng. ³² Song nine'naa' e nijgiáaiñ` fi' dse' crúu^ fi' li~ táaiñ~, joguiba' já'- nilí'naa' jóng e íbre líiñ~ Dsea` Jmáang~, i dsea` i sijeeng'naa' i nicá nifi' quí~ii', jogui i nilíng~ dseata~ dsea` féng' quí~ii' cajo.

Jo jì'gui carti' i ñi~ i taang~ cáaiñ` do, gab` fé'r' uí'~ quia'- dsea` do cajo.

Mi~ cajúng~ Jesús

(Mt. 27:45-56; Lc. 23:44-49; Jn. 19:28-30)

³³ Jo mi~ catí' guieñí'- e jmiñ~ jo, dseáng'~ latøong~ e fi' jo calinú' congua', jo lajob lí' carti' la ii~ 'ni' ca'lóo'. ³⁴ Jo e í' job mi~ ca'óo` Jesús teá' jo cajíñ'- lala:

—Eloi, Eloi, ¿lama sabactani? —e guóng': Fidiée~ quie~e, Fidiée~ quie~e, ¿jali' nicatiun' jnea~?

³⁵ Jo i líng~ dsea` i teáng~ do ie~ jo canúur~ e jo, jo cajíñ'-:

—Fing na núu~na', lana tó'r` i café' cuaiñ~ quia'- Fidiée~ malii~gui eáang' i calisí Lí'.

³⁶ Joba' ladsifí' ladob cangó~ jaang` i dsea` do, jo cangoquier` cóo' joo' e nisiyá'^ jmi'^ jmiñ' huíng' jó'^ e tí', jo

caquíñ^h e joo` do fí cōo` yá^h tá jō caséer` e laco^h niyú^h-
Jesús jō cajín^h- lala:

—Ja` ee` cang^h'na're, majeeng`duu^h su nijáa` i Líi` do e
nijajgiáaiñ` dsea` na.

³⁷ Jō mi` ca'óo` Jesús e teá` eáang` jō cajúm`bre. ³⁸ Jō
miffing` jōb cajo casím` e 'mi' fé^h e íi' fí sinúú^h guá^h- fé^h
quíá^h- dsea` Israel e si' fí Jerusalén jō calf` tú` fōo` catí^h
yá^h jogui catí^h uii`. ³⁹ Jō mi` calilí^h i fii` 'lée` romano
i sing^h jmóo` í` cáang` Jesús e nicajúm` dsea` do, jōba'
cajín^h- lala:

—Dseáng^h- e já^h-ba' e i dseañu^h na líiñ` i Jōo` Fidiée`
camíng^h do.

⁴⁰ Jogui huí^h-bijiú teáang` cōo` tú` míng^h dseam^h e
jōor` fí jō; jō jee` í` quíng^h Yá^h i seeng` fí Magdala,
jogui Salomé, jogui Yá^h, niquíá^h Tiáa` i jiuung` do jogui
niquíá^h Sé` cajo. ⁴¹ Jō jaléng^h i dseam^h na cangi`bre e
jmicoó^hr` cóo^h lí` ee`go 'né` Jesús ie` lamí` cateáaiñ` fí
lí` se^h Galilea. Jogui i fíim`bigui dseam^h i jiéng^h i teáang`
do ie` jō cajo i cajalíng` fí Jerusalén cóo^h- dsea` do.

Mi` ca'áng` Jesús

(Mt. 27:57-61; Lc. 23:50-56; Jn. 19:38-42)

⁴² Jō jaquíéng` e tí lí` ní^h núú^h ie` guati'ló` jmií` e
guía` dsea` Israel guiú^h e nití^h jmií` e jmi'íñ^h. ⁴³ Jō ie`
jōb mi` caguié` jaang` dseañu^h i sii` Sé^h i seeng` fí cōo`
fii` e sii` Arimatea, jō i dsea` la líiñ` jaang` i niing` quíá^h-
jaléng^h dsea` cóong^h i quiú^h ta` quíá^h dsea` Israel, jō
sijeem`bre cajo e Fidiée` nicá` ní^h quíá^h-r`; jō dseáng^h-
teáb` táang` dsíir` cangór` fí lí` guíng` dseata` Pilato, jō
camir` fí e nidsi'áaiñ` Jesús. ⁴⁴ Jō cangogáb` dsíi` dseata`
Pilato e nicajúm` Jesús, jōba' cató^h-r` i fii` 'lée` e quíá^h-
nijmíng^h-reiñ` do jial tíi` níngóo` e cajúng` dsea` do. ⁴⁵ Jō
mi` cajmea^h i fii` 'lée` do júu^h i dseata` do, jōba' dseata`

Pilato cacuø'bre fí i Sé^ do e nidsi'áaiñ' Jesús. ⁴⁶ Jo i Sé^ do calár- coø' 'mi' e niguo'^ eáang' e quiá'- niquiñ'- Jesús. Jo cangojéem'bre dsea` do fí lí~ ni'áaiñ- fí coø' dsíi' too` jiáa', jo cajlíir- e ni~ do cóo' coø' cuu~ e fe'. ⁴⁷ Jogui Yá^ i seeng' fí Magdala cóo' Yá^ niquiá'^ Sé^ i jaang'gui do cangá-bre jie~ lí~ ca'áaiñ- dsea` do.

16

Mi~ cají'tu Jesús

(Mt. 28:1-10; Lc. 24:1-12; Jn. 20 :1-10)

¹ Jo mi~ nicasúung- e jmiñ e jmi'íng' dsea` Israel, i Yá^ i seeng' fí Magdala jogui Salomé cóo'gui Yá^, niquiá'^ Tíaa~, calár- jmiñ jmeafñ e quiá'- e nidsisuuñ Jesús fí lí~ iuung- dsea` do. ² Jo eeb' e jmiñ la'uii~ quiá'- semaan~ cangolíñ^ fí lí~ ca'áng- Jesús, jo caguilíñ- e lico' nicaguá'- iee, ³ jo sñiñ` lajee` yaaiñ~ lala:

—¿I~ nijé' e cuu~ e jlí' fí otoo` ée` lí~ ca'áaiñ- do?

⁴ Dsu' mi~ cangár- røø, e cuu~ e cajlíir- ni~ otoo` quiá'- e ée` do jo` róo` ée^ quiá'- . ⁵ Jo cangotáam'bre e fí dsíi' tó` ée^ do, jo fí job cangáaiñ- jaang` siming' i guing~ lí^ lí dsée' i qui' coø' 'mi' té' e cuee`. Jo eáam' cafóng' i dseamí do, ⁶ dsu' i siming' do cañír` lala:

—Ja` føøng'na' jíi' coø'; co' ñi'baa e 'náng'na' Jesús i seeng' fí Nazaret i cajúng- fí dse' crúu^ do, dsu' lanagui nicajíb'tur, jo jo` iuiñ- fí la lana. Fí na jøø-na' e fí lí~ catiraaiñ- do, jo` i~ seeng' jíi' jaang`. ⁷ Güilíng'na' jo güijmée'na' júu^ dsea` guijáng` quiá'r-, jo jee~ jo quíng' Tú^ Simón cajo, jo síi'na'r lala: “Jéeng'gui nidsé- Jesús fí lí~ se' Galilea laco'gui 'nú', jo fí job nimáang~na're lí^ laco'gui jíi' e cajíñ'- ie~ lamí~ nú'-gui e nijngáng'- dsea` ír.”

⁸ Jo mĩ cangf̃ e jo, ca'uøøm̃ i dseamf̃ do e cuír̃ e fí lí̃ ca'áng̃ dseã do, co' dseáng̃' eáam' jléeiñ̃ e 'gó'r̃. Jo júĩ jaang̃ jã ĩ cajmea' i dseamf̃ do júũ, co' dseáng̃' 'gó'bre.

Mĩ cajmijnéeng̃ 'ñia' Jesús fí quinĩ i Yá̃ i seeng̃ fí Magdala

(Jn. 20:11-18)

⁹ Jo mĩ nicangf̃ e nicají' Jesús, mĩ cajneá̃ e jmĩ la'uiĩ quiá'̃ seamaañ do, jo la'uiĩ cajmijnéeng̃ 'ñia'r̃ fí quinĩ i Yá̃ i seeng̃ fí Magdala, i dseamf̃ i ca'uøøng̃ guiáng̃ i 'ling'̃ fí dsíi' lamĩ jéeng̃'gui. ¹⁰ Jo i Yá̃ do ladsifib' cangojmée'r̃ júũ jaléng'̃ i dseã i cangí' cóo' Jesús do; jo jaléng'̃ i dseã i dseáng'̃ eáam' fí'f̃ líiñ̃ jogui neáaiñ̃ tã qui'̃. ¹¹ Jo mĩ canúũ i dseã do e nicají'b̃ tu Jesús jogui e nicangám̃ i Yá̃ do, jo dsũ jã já' calíng̃ i dseã do ladsifí lado.

Mĩ cajmijnéeng̃ 'ñia' Jesús fí quinĩ gáng̃ i dseã quiá'r̃ do

(Lc. 24:13-35)

¹² Jo mĩ cangf̃ e jo, cajmijnéem̃ 'ñia' Jesús fí quinĩ gáng̃ lajeẽ i dseã quiá'r̃ do lajeẽ ngolíiñ̃ e teáaiñ̃ fí fí jeẽ mó'. ¹³ Joba' ladsifí ladob caquim'̃ tu i dseã gáng̃ do, jo cangojmée'r̃ júũ i caguaiang̃' gui do; jo dsũ jã já' calíiñ̃ do cajo ladsifí lado.

E tã e cacuø' Jesús jaléng'̃ dseã quiá'r̃

(Mt. 28:16-20; Lc. 24:36-49; Jn. 20 :19-23)

¹⁴ Jo mĩ cangf̃ gui lajo, lajeẽ e neáang̃ i dseã guiáng̃ quiá'r̃ e gø'r̃ fí 'ni' mes̃, jo lajeẽ jo mĩ cajmijnéeng̃ 'ñia' Jesús fí quinĩ jaléng'̃ i dseã do, jo cajíim̃ breiñ̃ do, co' dseáng̃' jã já' mí líim̃'biñ̃ do e nicají'b̃ tur; jogui co' eáam' ue' moguiñ̃ cajo, joba' jã já' calíiñ̃ do ladsifí lado mĩ cajíng'̃ i dseã i cangá' quiá'r̃ e nicají' tur. ¹⁵ Jo casí' Jesús i dseã do lala:

—Güiling⁻na' fí' la'úng⁻ fí' jmigüü[^], jogui güigua[~]na' júu[^] jee[~] jaléng[^] dsea[^] jmigüü[^] jial nileáng[^] dsea[^] jee[~] jalé[^] dsee⁻ quiá[']r⁻. ¹⁶Jo jaléng[^] i dsea[^] i já⁻ nilíng[^] júu[^] quié⁻e jogui e nisáin[^] jmí[^] e laco['] cuó['] lí[~] e nica[']uúin⁻ dsea[^] quié⁻e, joba['] i dsea[^] í nileám[^] bre jóng[^] jee[~] jalé[^] dsee⁻ quiá[']r⁻; dsu['] i dsea[^] gui i ja['] já⁻ nilíng[^] júu[^] quié⁻e, joba['] i dsea[^] í latab[~] ni'naaiñ[^] quiá['] Fidiée[^]. ¹⁷Jogui niñíim[^] jaléng[^] i dsea[^] i já⁻ líng[^] júu[^] quié⁻e e nilí['] bre uóin⁻ i 'líng[^] i teáng['] dsí['] dsea[^] la'eáang[^] cóo[^] júu[^] quié⁻e; jogui niñíim[^] bir cajo e nifó[']r[^] jmí['] e ja['] mí['] ñir['] jeéng['] gui; ¹⁸jogui nilí['] bir e sáin['] mí['] i guíng⁻ cajo e ja['] nicúin['] do quiá[']r⁻, jogui song ni'í[']r[^] lafa['] oguí⁻, ja['] ni'lé⁻ quiá[']r⁻ jí['] cóo[^]; jogui niñíim[^] bir e nilí[']r[^] jmi'leáaiñ⁻ jaléng[^] dsea[^] dsée['] cajo e lico['] niquidsir['] guóor['] fí' yá[^] moguiñ[^], jo ni'leáam⁻ biñ[^] do jóng.

Mí[~] cangáng[']-tu Jesús fí' ñifí⁻

(Lc. 24:50-53)

¹⁹Jo mí[~] cangá[^] e casí[']- Fíi'naa['] Jesús jaléng[^] i dsea[^] quiá[']r⁻ do lajo, joba['] cajgóo⁻ bre fí' yá[^] jmigüü[^] jóng, jo cangám[']-tur fí' ñifí⁻ fí' lí[~] cajar⁻, jo cangogüea[^] tur lí[^] lí dsée['] laco['] gui la guíng[~] Tiquiá[']r[^] Fidiée[^]. ²⁰Jo mí[~] cangá[^] jo, ca'uóøm[^] jaléng[^] i dsea[^] do fí' la'úng⁻ fí' jmigüü[^] e cangoguiar[~] júu[^] quiá[']- jial laang[^] dsea[^] jee[~] jalé[^] dsee⁻ quiá[']r⁻, jo 'ñiab['] Fíi'naa['] jmicóo[']r[~] i dsea[^] í e guiaiñ['] do júu[^] quiá[']r⁻, jogui ca'e['] bir dsea[^] jmigüü[^] e dseáng['] e já⁻ júu[^] quiá[']r⁻, co['] jaléng[^] i dsea[^] do jmóor[^] jalé[^] e dsigá[^] dsí['] dsea[^] la'eáang[^] cóo[^] güea[^] quiá['] Fíi'naa['].

Jo lajob nilí['].

Jo lanab jí['] lí['] júu[^] quiá[']- Fidiée[^] e cajme['] Marcos.

Júu 'mí e cacuo fidié
New Testament in Chinantec, Comaltepec (MX:cco:Chinantec,
Comaltepec)

copyright © 2002 Wycliffe Bible Translators, Inc.

Language: Chinantec, Comaltepec

Translation by: Wycliffe Bible Translators, Inc.

Chinanteco, Comaltepec [cco], Mexico

Copyright Information

© 2002, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chinantec, Comaltepec

© 2002, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 27 Jul 2020 from source files dated 25 Jan 2020

30c6f873-0dee-5863-8883-ba3c5eaa988c